

Б. ТҮЙЧИБОЕВ, Б. ҲАСАНОВ

ЎЗБЕК ДИАЛЕКТОЛОГИЯСИ

*Ўзбекистон Республикаси Олий ва ўрта маҳсус
таълим вазирлиги томонидан олий ўқув юртлари
учун дарслик сифатида тавсия этилган*

ТОШКЕНТ
АБДУЛЛА ҚОДИРИЙ НОМИДАГИ ХАЛҚ МЕРОСИ НАШРИЁТИ
2004

Тўйчибоев Б., Ҳасанов Б.

Т99 Ўзбек диалектологияси: Олий ўқув юртлари учун дарслик.—
Т.: А. Қодирий номидаги ҳалқ мероси нашриёти, 2004.—112 б.

Ушбу китобда ўзбек тилининг кўп шевалилиги унинг бойлиги сифатида қайд этилиб, ўзбек лаҳжаларининг таснифи тарихига қисқача изоҳ, лингвистик географиясига эътибор қаратилади. Диалектологиянинг ҳалқ ва тил тарихи билан узвий алоқада эканлиги таъкидланиб, масалалар ўша мезондан келиб чиқсан ҳолда ёритилган.

Китобда қорлуқ, қипчоқ, ўғуз лаҳжаларининг фонетик, лексик, морфологик ҳусусиятларининг алоҳида таҳдил этилиши ўқувчидаги мазкур лаҳжалар ҳақида аниқ тасаввур ҳосил қиласди. Айни пайтда ҳар бир соҳа таҳдил қилинганда ҳозирги тил, эски ўзбек тили ва бошқа лаҳжалар билан қиёсланадики, бу усул ўқувчини мустақил фикрлашга, мулоҳаза қилишга унрайди.

Дарслик янги педагогик технология асосида яратилган бўлиб, ундаги таянч тушунча ва иборалар, назарий топшириқлар мавзунинг мазмунидан келиб чиқсан. Назарий ва мустақил топшириқлар талабаларнинг фаоллигини оширишга дастуриламал бўлиб хизмат қиласди.

1-МАВЗУ. ДИАЛЕКТОЛОГИЯ ФАНИ, УНИНГ МАҚСАДИ ВА ВАЗИФАЛАРИ

Асосий саволлар:

1. Диалектология фани ҳақида умумий маълумот. Унинг ўрганиш макони (объекти).
2. Ўзбек халқ шеваларини ўрганишда ишлатилаётган белгилар — транскрипция ва унинг тузилиши.
3. Унли ва ундош товушларни ифодалаш учун ишлатиладиган транскрипцион белгилар.

Таянч тушунча ва иборалар:

Диалект, шева, лаҗжа, туркий тиллар, туркий диалектология, қардош тиллар, фонетик хусусиятлар, морфологик ва лексик белгилар, диалектография, тасвирий диалектология, тарихий диалектология, маҳаллий шевалар, грамматик шакллар, лингвогеографик усуллар, фонетик норма, лексик норма, грамматик нормалар, орфография ва орфоэпия, уруғ-қабилалар, жойлашиш ҳудуди, онамастика, этнонимлар, топонимлар, гидронимлар, қарноқ шеваси, турк шеваси, ҳалқаро атама, умумлингвистик тушунча, равиш, тарз, йўсин, шеваларнинг тарқалиш чегараси, ўхшашиб лингвистик хусусиятлар, тарқалиш картаси, шеваларни карталаштириш, лингвистик атлас, жўналиш ва ўрин-пайт келишиклари, транскрипция, қайта ёзув, анъанавий алифбо, транслитерация, фонетик ва фонологик транскрипция, фонема, туркшунос ва русшунослар, қаттиқ ва юмшоқ унли, индифферент товуш, оралиқ товуш, олд қатор, орқа қатор, сингармонизмли шевалар, байналминал сўзлар, лабланган ва лабланмаган товушлар, акустик жиҳати, чуқур ва саёз тил орқа, дифтонглашиш, комбинатор вариант, фрикатив (сиргалувчи) товуш, портловчи товушлар, қоришиқ (аффрикат) товуш, бурун товуши, ён товуш, диакритик белгилар ва шартли ифодалар, спирантизация, конвергенция (бирлашиш), палатализация юмшалиш, редукция.

1-асосий савол бўйича ўқитувчининг мақсадлари: Диалектология фани ҳақида маълумот бериш. Унинг ўрганиш макони (объекти)ни

мисоллар орқали шарҳлаш. Диалектологиянинг мақсад ва вазифалари, унинг она тилини ўқитишдаги аҳамиятини талабалар онгига сингдириш.

ИДЕНТИВ ЎҚУВ МАҚСАДЛАРИ

- 1.1. Диалектология фани ҳақида қисқача маълумот беради.
- 1.2. Диалектологиянинг ўрганиш макон (объекти)ларини изоҳлайди.
- 1.3. Диалектологиянинг асосий вазифасини ўрганади.
- 1.4. Диалектологиянинг ўзбек тили ва адабиёти фанини ўқитишдаги аҳамиятини белгилайди.

1-асосий саволнинг баёни:

Диалектология фани бўйича умумий маълумот. Диалектология грекча *dialektos* сўзидан олиниб бирор тилнинг мавжуд шева ва лаҳжаларини ўргатади. *Dialekt* — шева, *logos* — таълимот, яъни шева ҳақида таълимот демакдир. Дунёда мавжуд тилларнинг деярли барчаси ўзига хос ички шева ёки шевачалардан иборат. Туркий тилларнинг ҳар бири бир неча шева ва диалектлардан иборатли маълум. Бироқ ўзбек тили туркий тиллар ичida ўзининг кўп шевалилиги диалектлилиги билан фарқланади. Шевашунослик билимдонларидан бири профессор Е.Д. Поливанов: «... туркий тилларнинг бирортаси ҳам шевалараро ўзбек тили сингари бу қадар кескин фарқланмайди, демак, ... бирорта туркий тил ҳам шу қадар специфик, диалектал хилма-хиллик хусусиятига эга эмасдир. Бу эса, табиий, адабий тил учун бирор диалектни асос қилиб олиш масаласини ниҳоят даражада оғирлаштиради», деган эди.

Ўзбек лаҳжашунослик фани Ўзбекистон ҳулулидаги ва бошқа қардош ҳамдўстлик мамлакатларидағи ўзбекларнинг жонли сўзлашув тилини текшириди.

Маконни ўрганиш нуқтаи назардан диалектология икки хил бўлади:
1) тасвирий диалектология ёки диалектография; 2) тарихий диалектология.

Тасвирий диалектология ёки диалектография маҳаллий шева ва лаҳжаларга хос фонетик ва лексик, морфологик хусусиятларни қайд этади, ёзиб олади ва уларни картага туширади.

Тарихий диалектология тилнинг диалектал хусусиятлари билан бирга, шу хусусиятларнинг келиб чиқиши, ривожланиши, турли даврларда ўзгариш, қардош тиллар билан муносабати ва шу шеваларнинг ташкил топишида қардош ва қардош бўлмаган тилларнинг иштироки кабиларни ўрганади.

Кейинги йилларда барча ўзбек шеваларини ареал ва лингво-географик усууллар билан ўрганиш ҳам тарихий мақсадларни кўзда тулади.

Диалектологиянинг шеваларни ўрганиши эса тил тарихи учун ҳам, ҳалқ тарихи учун ҳам бой ва қимматли материаллар беради. Чунки, адабий тилда аллақачонлар йўқ бўлиб кетган ёки ўзгаришга учраган сўзлар, айрим грамматик шакллар маҳаллий шеваларда сақланиб қолганлиги табиий. Уларни топиб адабий тилга олиб кириш ёки уни бойитиш жуда мухимдир. Ўзбек диалектологияси ўзбек тили тарихидаги айрим ноаниқ масалаларни ойдинлаштириш, ҳал қилиш учун асосий манба беради.

Қадимги ўзбек ёзма ёдгорликлари тилининг биз учун ноаниқ (гумонли) бўлган айрим хусусиятларини ҳозирги ўзбек шевалари материаллари ёрдамида аниқлашимиз ва тўлдиришимиз мумкин. Шеваларни ўрганиш ўзбек адабий тилининг фонетик, лексик-грамматик нормаларини белгилаш, орфография ва орфоэпиясини стабиллаштириш учун катта ёрдам беради.

Шеваларни ўрганиш орқали ўтмишдаги уруғ-қабилаларнинг жойлашиш худудларини аниқлаш, этнонимлар, топонимлар, гидронимлар, умуман онамастика (номлар) воситасида ҳалқ тарихининг айрим мавхум томонларини ёритиш мумкин. Шу жиҳатдан, диалектларни ўрганиш ҳам илмий, ҳам амалий аҳамиятга эгадир.

Диалектология (лаҗжашунослик)нинг ўрганиш макони: шева, диалект ва лаҗжа атамалари.

Бу атамалар диалектология фанининг ўрганиш макони (объекти) ҳисобланади.

Шева — бирор тил доирасидаги ҳалқ жонли тилининг ўзига хос фонетик, лексик ва грамматик хусусиятларга эга бўлган энг кичик қисми ҳисобланади. Масалан, Тошлоқ шеваси, Қарноқ шеваси, Турк шеваси.

Диалект — тилшуносликка доир адабиётларда кўпинча лаҗжа маъносида, баъзан шева маъносида ҳам кўлланади. Олимлар томонидан яратилган диалектологияга оид илмий ишларда шева, диалект ва лаҗжа атамаларини фарқламаслик, аралаштириб кўллаш ҳоллари ҳам учрайди. Диалект-халқаро атама бўлиб, умумлингвистик «диалект» маъносида ишлатиш лозим. Ўзбек диалектологияси фани учун шева ва лаҗжа атамаларини кўллаш етарлидир.

Бироқ, ўзбек ҳалқ жонли тилини ўрганган олимлар бир қатор шаҳар шевалари учун диалект атамасини ишлатганлар: Масалан, Фаргона

диалекти, Самарқанд –Бухоро диалекти, Андижон диалекти, Қипчоқ диалекти ва бошқалар.

Лаҳжа — арабча сўздан олинган бўлиб, равиш, тарз, йўсин каби маъноларни билдиради. Лингвистикада тилнинг бир неча шева ва диалектларини ўз ичига олган, умумий хусусиятлари жиҳатдан ўхшаш катта бўлаги яъни шевалар йифиндисидир. Эски туркий тилларга доир адабиётларда лаҳжа (русча наречие) атамаси ҳозирги мустақил миллый тил маъносида ҳам ишлатилган. Масалан, туркий тилларнинг қирғиз лаҳжаси (Киргизское наречие тюркских языков)- бу ибора ҳозирги қозоқ миллый тили маъносида қўлланган. Туркий тилларнинг қора-қирғиз лаҳжаси (кара-киргизское наречие тюркских языков) — бу ибора ҳозирги қирғиз миллый тили маъносида қўлланган.

ДИАЛЕКТОЛОГИЯНИНГ АСОСИЙ ВАЗИФАСИ

Диалектология фанининг макони (объекти) маҳаллий шева диалекти ва лаҳжаси бўлиб, мақсади ва вазифалари қуйидагилардан иборат:

- шева ва диалектларнинг фонетик, морфологик, синтактик ва лексик хусусиятларини ҳар томонлама тавсиф қилиш;
- миллый тилнинг пайдо бўлиши ва тараққиётида шеваларнинг тутган ўрни ва шу миллый тилга асос бўлган шеваларни аниқлаш;
- шеваларнинг ўзаро муносабатини, уларнинг адабий тил ва қардош тилларга бўлган муносабатларини белгилаш;
- ўхшаш хусусиятларига кўра шеваларнинг тарқалиш чегарасини аниқлаш;
- умумий ўхшаш лингвистик хусусиятларини белгилаш асосида шеваларнинг маълум ҳудуддаги тарқалиш карталарини тузиш ва шеваларни тасниф қилиш;
- ўрганилган шеваларни карталаштириш асосидаги лингвистик атласини тузиш ва бошқалар.

ДИАЛЕКТОЛОГИЯ ФАНИНИНГ ЎЗБЕК ТИЛИНИ ЎҚИТИШДАГИ АҲАМИЯТИ

Ўзбек тили шеваларининг асосий хусусиятларини яхши билиш ўқитувчилар, айниқса она тили ўқитувчиси учун жуда зарур. Ҳозирги кунда шева хусусиятлари адабий тил таъсирида жуда тез бирлашиб, текисланиб бораётганига қарамай, бу хусусиятлар фақат қишлоқларда

эмас, балки шаҳарларда ҳам маълум даражада сақланиб турибди. Шу сабабли ўқувчилар нутқида айниқса бошланғич синф ўқувчилари ёзуvida учрайдиган хатолар шева таъсирида содир бўлмоқда. Шунинг учун ўқитувчилар, айниқса она тили ўқитувчиси, ўзбек адабий тили меъёрларини яхши билиши, бу меъёрларни ўқувчиларга ўргатиши уларнинг ёзма ва оғзаки нутқ маданиятини ўстириш устида тинимсиз машгулот олиб бориши зарур. Ҳамда ўқувчилар нутқида учрайдиган камчиликларни (шева таъсиридаги) тузатмоқ учун барча ўзбек шеваларига хос хусусиятларни яхши билмоғи керак. Масалан, ўқувчиларнинг нутқида фонетик (айналмоқ// *ад.-орф.* айланмоқ; эсна// *ад.-орф.* эсна), морфологик (қаратқич келишиги ўрнида тушум келишиги аффиксини ишлатиш: нонни ушоги // *ад.-орф.* ноннинг ушоги. Жўналиш ва ўрин-пайт келишикларини фарқламаслик: Бухорога туради // *ад.-орф.* Бухорода туради), лексик (*ад.-орф.* чақалоқ ўрнида бувак; бобак; *ад.-орф.* чумоли ўрнида: мўрча, қаринжа) каби шева хусусиятлари учраб туради. Ўқувчилар нутқида учрайдиган бундай хатоларни тузатиш учун ўқитувчи шу ҳолатларнинг келиб чиқиш сабабини билмоғи керак.

Шундай қилиб, республика олий ўкув юртларида филологик ўқитишининг асосий вазифаси ўзбек адабий тили нормаларини, шунингдек, адабий тилнинг шеваларга бўлган муносабатини ҳам ўргатишидир. Бу вазифани ҳал қилиш филолог талабаларнинг ўзбек тилининг тарихий ривожланиш қонуниятларини яхши билиши билан боғлиқдир. Филолог талабалар бу маълумотлар билан ўзбек диалектологияси фанини бойитади.

Назорат топшириқлари

1. Диалектология фани бўйича маълумот беринг. *Dialeklos* — икки фан тармоғи тиљшуносликнинг бир бўлимини англатишидан ташқари табиат қонунларини ўрганувчи соҳаларга алоқасини тушунтиринг.
2. Шева, диалект, лајжа атамаларини мисоллар орқали ажратинг?
3. Тасвирий ва тарихий диалектологиянинг ўрганиш чегарасини белгиланг.
4. Диалектологиянинг асосий вазифаси нималардан иборатлигини сўзлаб беринг.
5. «Ўзбек тили ва адабиёти» фанларини ўқитишда диалектология фанининг аҳамиятини мисоллар асосида исботланг.

ТРАНСКРИПЦИЯ

2- асосий савол бўйича ўқитувчининг мақсади: Транскрипция (қайта ёзув)нинг ўзбек халқ шеваларини ўрганишдаги аҳамияти ҳақида тушунча бериш. Транскрипциянинг тузилиши ва турларини мисоллар орқали исботлаш. Лотин ва кирил алифбоси асосида тузилган белгилар, улардан фойдаланиш, халқаро фонетик алифбо ҳақида маълумот бериш.

ИДЕНТИВ ЎҚУВ МАҚСАДЛАРИ

- 2.1. Транскрипция (қайта ёзув)нинг диалектларни ўрганишдаги зарурлигини англаради.
- 2.2. Транскрипциянинг турларга бўлинишини изоҳлайди.
- 2.3. Халқаро фонетик алифбони шарҳлайди.
- 2.4. Транскрипция билан транслитерацияни фарқлайди.

Транскрипция ҳақида умумий маълумот. Транскрипция диалект ва шеваларда учрайдиган товушларнинг турли кўринишларини ёзувда ифодалаш учун кўлланадиган маълум белгилар системасидир. Тил товушларини аниқ ифодалаш учун хизмат қиласидиган ёзув — **транскрипция** (лотинча *transcriptio* — қайта ёзиш) деб аталади.

Транскрипция учун у ёки бу халқ истеъмолидаги (лотин — рус — ўзбек алфавити каби) традицион алфавитдан ўрни билан маълум ўзгаришлар киритиш орқали фойдаланилади. Шунинг учун ҳам транскрипцияда белгилар сони ўзига асос бўлган алфавитдаги ҳарфлар сонидан кўп бўлади.

Транскрипциянинг фонетик транскрипция, фонематик ёки фонологик транскрипция каби турлари бор.

Транслитерация. Бирор тилнинг ёзма ёдгорликларини ёки маълум бир матнни (масалан, араб алифбосида ёзилган эски ўзбек тили ёдгорликларини) нашр этишда шу ёдгорликларнинг ёзув системасини бошқа тил ёки ёдгорлик ёзув системаси орқали ифодалаш транслитерация деб аталади. Демак, транслитерация — бирор ёзув ҳарфларини бошқа бир ёзув ҳарфлари билан алматириб ифодалаш усулидир.

ФОНЕТИК ВА ФОНОЛОГИК ТРАНСКРИПЦИЯ

Маълум бир мақсад учун турли соҳалар бўйича ишлатиладиган транскрипцияларнинг аниқлик даражаси бир хил эмас.

Лингвистик асарлар (қиёсий ва тарихий грамматикалар, этимологик луғатлар, турли тил матнларидан намуналар ва шу кабилар)ни нашр этганда транслитерациядан фойдаланилса ҳам, қардош тилларнинг фонетикаси қиёс қилинганда, диалектологик ишларда ва диалектология фанида фонетик транскрипциядан фойдаланилади. Халқ оғзаки ижодиёти ёдгорликларини нашр этганда мавжуд алфавитдан фойдаланилса, бу ёдгорликлар диалектал қимматини йўқотади.

Шунинг учун уларнинг талаффуз хусусиятларини мумкин қадар сақлаш мақсадида фонетик транскрипция қўлланилади.

Транскрипция чет тили ва она тили орфоэпиясига оид ишларда ҳам кенг қўлланилади.

Моҳияти жиҳатдан энг аниқ транскрипция фонетик транскрипциядир. Бу транскрипция умумий ва хусусий фонетика, шу қатори экспериментал фонетика ютуқларига асосланади. Тиллардаги нутқ товушларини фонетик транскрипция учун танланган алфавит орқали ифода қилиб бўлмаса, бошқа тиллар алфавитидан ҳарфлар олинади ёки ҳарфлар ёнига, устига, ичига диакритик белгилар қўйилади. Фонетик транскрипциянинг вазифаси — тилда мавжуд бўлган ҳамма товушларни ёзувода акс эттиришдир. Фақат фонемаларниги ҳисобга олиш учун ишлатиладиган транскрипция — *фонологик транскрипция* дейилади.

Транскрипциянинг тузилиши. Тилшуносликда кенг миёсда қўлланадиган лотин алфавити асосида тузилган транскрипция халқаро фонетик алфавит (Международный фонетический алфавит — МФА) номи билан юритилади. Рус графикаси асосида тузилган транскрипциялар туркшунос ва русшуносларнинг ишларида кенг тарқалгандир. Лекин ўзбек тилининг диалект ва шеваларини ўргангандар турколог ва ўзбекшунослар ўз илмий ишларида турлича транскрипция белгиларини қўллаганлар. Баъзилари лотин алфавитидан фойдаланган бўлса (Е.Д. Поливановнинг ишларига қаранг), баъзилари рус графикаси асосида тузилган транскрипциялардан фойдаланган (А.К. Боровков, В.В. Решетовнинг ишларига қаранг).

Шеваларда учрайдиган ҳар бир товушни ифодалаш учун транскрипцияда айрим белги олиш талаб қилинади. Аммо шуни айтиш керакки, мавжуд транскрипция системалари бу талабга тўлиқ жавоб берга олмайди.

Масалан, **иғ** ва **дж** мустақил фонемаларининг икки ҳарф билан берилиши каби.

Китобда ишлатиладиган транскрипция

Китобда ишлатилган транскрипция системасида ўзбек алфавитида **е**, **ё**, **ю**, **я** дан ташқари ҳамма ҳарфлар қўлланади. Ёлашган ҳарфлар транскрипцияда товушлар бирикмаси орқали қуидагича берилади:

е — йе, йэ.

ё — йа.

ю — йў, йу.

я — йө, йä.

Бошқа алфавитлардан [у, о, ө, ә, ы] белгилари олинди. Булардан [у] ва [ө] белгилари шу унлиларнинг олдинги қатор эканлигини (юмшоқлигини) кўрсатади: г у л, к ө л каби; [ә] эса умум-ўзбек шеваларига хос бўлган олдинги қатор кенг унли товушни ифодалайди: ләттә, әрәвә каби. Транскрипцияда ундош товушларнинг юмшоқлиги ҳам алоҳида белги билан ифодаланади, масалан, л — юмшоқ л.

3-асосий саволнинг баёни

Ўқитувчининг мақсади: Унли ва ундошларни ифодалаш учун олинган транскрипцион белгиларни турли кўргазмали воситалардан унумли фойдаланиш орқали талабалар онгига сингдирис. Унли ва ундошлар учун олинган белгиларнинг лотин графикаси асосидаги шакллари хақида тўлиқ маълумот бериш.

ИДЕНТИВ ЎҚУВ МАҚСАДИ

3.1. Унлиларни ифодалаш учун олинган транскрипцион белгиларни изоҳлайди.

3.2. Ундошлар учун олинган белгилар лотин ва рус ёзувлари асосида тузилганлигини шарҳлайди.

3.3. Диiftonглашган унлиларни машқ орқали ўрганади.

3.4. Айрим белгиларнинг маъно ўзгаликларини изоҳлайди.

3.5. Айрим диакритик белгилар ва бошқа шартли ифодаларни исботлайди.

Унлилар. Унли товушларни ифодалаш учун қуидаги транскрипцион белгилар олинган:

Тилнинг кўтарилиш ўрнига кўра	Олдинги қатор (тил олди)	Индифферент (оралиқ) товушлар	Орқа қатор (тил орқа)
Лабнинг иштирокига кўра Тилнинг кўтарилиш даражасига кўра	лаб-ланмаган	лаб-ланмаган	лаб-ланмаган
Юқори кўтарилиш	и	ў	< ъ >
Ўрта кўтарилиш	Ҷ	Ө (ө)	< ў >
кўйи-ўрта кўтарилиш	Ҷ	Е	
Куйи кўтарилиш	Ҷ(а)		А(о)

Демак, унлиларнинг турли вариантларини бериш учун транскрипцияда 15 та белги олинган. Бу белгилар орқали ўзбек диалект ва шеваларида учрайдиган унли фонемаларни ифодалаш мумкин.

Айрим транскрипция белгиларнинг маъно ўзгаликлари

Унли товушлар учун белгилар қуидаги маъно ўзгаликлари билан қабул қилинди:

а — умумтуркий орқа қатор, сингармонизмни сақлаган барча ўзбек диалект ва шеваларига хос унли, сингармонизмни йўқотган шеваларда эса турли ўзгаликларга эга. Байнаминал сўзларда рус тилидаги а товушига мос келади.

ә — олдинги қатор, лабланмаган **а** унлиси; ўзбек диалект ва шеваларининг кўпчилигига учрайди, масалан, Марғ., Анд. ә к ә // Тош. о к ә.

Ҷ — орқа қатор, лабланмаган **а** типидаги очиқ унли товуш, **а** унлисидан тараққий этиб, бу товуш **о**-ловчи ўзбек шеваларида кенг тарқалгандир, масалан, Тошк., Марғ. отэ, болэ // Кўқон .бэлэ каби.

А — ловчи ўзбек шеваларида бу товуш ўзбек адабий тили ва **о**-ловчи шеваларнинг таъсирида тарқала бошлади.

е — олдинги қатор, лабланмаган, тор унли товуш бўлиб ўзбек шеваларининг кўпчилигига хос. Ўзининг акустик (эшитилиш) ва артикуляцион хусусиятларига кўра рус тилидаги ундошдан кейин келадиган **е** ёки сўз бошида келадиган **э** ҳарфи билан ифода этиладиган

сено (пичан), **ети** (булар) сўзларидаги каби товушга тўғри келади. Бу товуш мавжуд ўзбек орфографиясида сўз бошида келадиган ёлашган унли е (й+э) эмас, балки эди (-ель) сўзидаги каби ёлашмаган унлидир. Масалан, Тошк., Наманг., Марғ. ва бошқа шеваларда: бер, кел, ер, енди, ечкъ каби.

э — олдинги қатор, лабланмаган очиқ е унлиси; бу товуш акустик жиҳатдан е га яқин бўлса-да, унинг очиқ варианти эмас. Бу товуш баъзан русча (этот сўзидаги каби) э га мос келади, масалан, қипчоқ шеваларида: экәвийәм, эчки каби.

и — одатдаги туркий олдинги қатор, лабланмаган и унлиси. Сингармонистик шеваларда фонема сифатида, сингармонизмни йўқотган **о**-ловчи шеваларда эса турли фонетик шароитлардагина учрайди.

ъ — индифферент лабланмаган товуш, у ўзининг келиб чиқиши жиҳатидан олдинги қатор и ва орқа қатор ы унлиларнинг конвергенцияси (бирлашиши) натижасида ҳосил бўлган; и ва ы ўртасидаги бу индифферент товуш шаҳар шеваларида ва шаҳар типидаги қишлоқ шеваларининг кўп қисмида мустақил фонема сифатида учрайди, масалан, : Тошк., Кўқон, Анд., Марғ. ва шу каби шеваларда: къшъ, ъккъ, бъз, бъл // ад.-орф. киши, икки биз, бил каби.

ь — тургун орқа қатор индифферент ъ унлиси; аммо ы товушга тенг эмас. Шаҳар шеваларида ва шаҳар типидаги шеваларда чуқур тил орқа қ, ф, х товушлари билан ёндош келганда учрайди, масалан, Тошкент, Марғилон, Андижон ва шу каби шеваларда: қъз, қърқ, қъш, пъш (т), мъх; Туркистон шевасида бу товуш Тошкент, Фарғона шеваларидаги ъ каби.

2-МАВЗУ. ЛИНГВИСТИК ГЕОГРАФИЯ МЕТОДИ

Таълимий мақсад: Лингвистик география методи асосида халқ шеваларининг ўрганилиши. Лингвистик география асосчилари. Бу янги усулнинг жаҳон миёсида тарқалиши. Ўзбек халқ шеваларини ушбу усул асосида ўрганишнинг бошланиши, асосчилари, мақсади ва вазифалари хақида маълумот бериш.

Ривожлантирувчи мақсад: Лингвистик география методи асосида ўқитишнинг афзаликлари, унинг намояндалари, бажарган ишларини маъруза орқали талабалар онгига сингдириш.

Тарбиявий мақсад: Лингво-географик усулнинг ўрганишнинг бошқа усулларидан фарқли эканлигини тарғиб қилиш йўли билан талабаларнинг ижодий фикрлаш қобилиятини ўстириш, кенгайтириш.

Режа:

1. Лингвистик география нима? Унинг шеваларни ўрганишнинг бошқа усулларидан афзаликлари нимада? Лингвистик географиянинг ўрганиш обьекти.
2. Лингвистик географиянинг жаҳон тилшунослигига пайдо бўлиши ва асосчилари. Европа тилшунослигига тузилган энг муҳим атласлар.
3. Ўзбек халқ шеваларини лингво –география усулида ўрганиш, ўзбек шевалари атласини яратиш масалалари.

Таянч тушунчалар

Лингвистик география усули: изоглосса, изофонема, изоморфема; монографик усул ; товуш тушунчаси, грамматик шакл, лексик белги, грамматик белги; диалект, лаъжа, шева тушунчалари, лингвистик харита, лингвистик атлас, мос ҳодисалар, ареаллар, тил ланшафти, аралаш зоналар, инновация маркази, иррадиация, карталаштириш, регионал атлас, зонал атлас, ареал лингвистик принцип, диалектологик принцип.

1-асосий савол:

Лингвистик география, унинг шеваларини ўрганишдаги бошқа усуллардан афзаликлари. Лингвистик географиянинг ўрганиш обьекти.

Ўқитувчининг мақсади: Лингвистика география предмети ҳақида талабаларга кўргазмали восита орқали тушунча бериш. Шеваларнинг ўрганиш усули — монографик усулдан афзаликлари. Лингвогеографиянинг ўрганиш обьекти ҳақидаги тушунчани талабалар онгига сингдириш.

ИДЕНТИВ ЎҚУВ МАҚСАДИ

- 1.1. Лингвистик география хақидаги тушунчани кўргазмалилик асосида исботлайди
- 1.2. Лингвистик география усули билан монографик усул орасида фарқ ва афзал томонларини билиб олади.
- 1.3. Лингвогеографик усулнинг обьектини ўрганади.

Лингвистик география (линго-география) — тилшуносликнинг бир бўлими бўлиб, у маълум территорияда тарқалган тил ҳодисалари (товушлар, грамматик формалар, сўзлар)ни аниқлайди, уларнинг ўша жойга бўлган муносабатини кўрсатади. Территориал тил хусусиятларини ҳалқ тарихи, тил тарихи билан алоқадор ҳолда таққослаб, тушунтириб, карталар орқали ифодалайди. Лингвистик география ҳам территориал диалектларни ўрганади. Унинг энг муҳим хусусиятларидан бири кўргазмалилиги бўлиб, унда маълум тил ҳодисаларининг ўрни ва тарқалиш чегараси карта ва атлас воситасида аниқ белгилаб берилди.

Карта ҳам атлас ҳам лингвистик географиянинг ифода воситаси бўлиб, унинг асосий мақсади тилнинг тараққиёт қонуниятлари ва йўлларини, конкрет диалектларнинг пайдо бўлиши ва уларнинг миллий тилга бўлган муносабати, ўзаро алоқасини тушунтириб беришдан иборатdir.

Лингвистик география бир қатор умумлингвистик проблемаларни яъни тилда лаҳжа, диалект, шевалар мавжуд бўлса, уларнинг хусусиятлари нималар билан чегараланишлари, диалектларнинг умуммиллий тилга бўлган муносабати ва шу каби масалаларни ҳал қилмоғи керак.

XX асрнинг 60-йилларига қадар ўзбек тилшунослигига шевалар монографик усулда ўрганилиб келинган, бу жараён ҳозирга қадар давом этиб келмоқда. Бироқ 60-йиллардан сўнг ўзбек шеваларини ўрганиш икки хил йўналишда: 1) монографик усул; 2) лингвографик асосида ўрганила бошланди.

Монографик усул билан ўрганишда шевалар тавсифий усулда ёзиб олиниб, бошқа ўзбек шевалари ва адабий тилда қабул қилинган сўзлар товуш ва қўшимчалар билан қиёсланар эди.

Бу усулда оғзаки нутқни транскрипцияга ёзиб олиш, ёзиб олинган матнларни изоҳлаш, диалектал хусусиятларни ўрганиш, диалектал лугатлар тузиш монографиялар яратиш ва шу кабилардан иборат.

Ўзбек диалектологиясида йирик монографик асарларнинг пайдо бўлганлиги монографик тадқиқот меваси бўлиб, эндиликда шеваларимизни қиёсий-тариҳий, типологик тадқиқотининг ҳозирги замон аниқ ва изчил усули (методи) тил ҳодисаларининг тарқалиш чегараларини аниқлаб берувчи лингвистик география ва ареология асосида илмий теширишни тақозо қиласи ҳамда ўзбек халқ шевалари атласини яратиш масаласини навбатдаги вазифа қилиб кун тартибига кўяди.

Монографик усул асосида шеваларни ўрганишда кўпроқ дала шароитида — қишлоқларда юриб иш олиб борилади. Лингвогеография унга қараганда аниқ хусусиятга эга. Чунки лангвогеография материаллари билан лабораториялар ва кабинетда шугулланилади. Шу нуқтаи назардан қараганда морфологик усул билан шевалар ўрганилиб бўлингач, лингвогеографик тадқиқот унинг материалларини илмий лабораторияларда тадқиқ этишдан, унинг давомчисидек, ундан ўсиб чиққан деб фараз қилинади.

Лингвистик географиянинг асосий ўрганиш обьекти — тил ҳодисалари: 1. Изоглоссалар, изофонема ва изоморфема. 2. Лингвистик атласлар. 3. Мос ҳодисалар. 4. Ареаллар. 5. Лингвографик карталар ва карталаштириш. 6. Тил ланшафти. 7. Аралаш зоналар. 8. Инновация маркази. 9. Ирадаизация ва бошқалар.

1. Изоглосса — мос ҳодисаларнинг у ёки бу аъзоси, бўлаги тарқалган энг чет нуқталарни туташтирувчи атлас картасидаги чизиқ. Бошқача айтганда у ёки бу тил ҳодисасининг ҳудудий тарқалишини кўрсатувчи лингвистик картага туширилган белги «Изоглосса» — (изофонема — фонетик белги, изоморфема — морфологик белги, изоглосса — лексик белги) тушунчасидан иборат.

2. Лингвистик атласлар — Maxsus ластур (программа) — сўроқлик асосида тайёрланган, маълум тил ёки шеваларга хос характерли хусусиятларнинг тарқалиш чегарасини акс эттирувчи лингвистик карталарнинг албом шаклидаги изчил тўпламидир. Лингвистик атлас 2 хил бўлади: 1) Регионал атлас; 2) Зонал атлас.

3. Мос ҳодисалар — умуммиллий тил тизимининг звено (аъзo)лари бўлиб, ҳар хил диалектларда ўзининг турли бўлаклари (аъзолари) билан иштирок этгани ҳолда шевачилик фарқларини вужудга келтиради. Шунга кўра мос ҳодисалар ҳар вақт икки аъзоли ва кўп аъзоли бўлади. Масалан, *онэ*, *ойъ*, *опэ*, *эйэ*, *байъ*, *буғъ* кабилар шевалараро фарқланиб, ўзбек адабий тилидаги она (туққан она) тушунчасини билдиради.

4. Ареаллар — лотинча *arealis* сўзидан бўлиб, майдон, бўшлиқ маъноларини билдиради. Мос ҳодисалар айрим бўлакларининг лингвистик картада тарқалиш зонасини, яъни тилнинг диалектал фарқланишини англатади.

5. Лингвогеографик карталар ва карталаштириш — лингвогеографик тадқиқотнинг асосий нуқтаси. Синхроник тадқиқот натижаси ҳисобланган лингвистик картада тил тарихининг ҳамма даври ўз аксини топиши мумкин. Карталаштириш — тил ҳодисаларининг ҳудудга тарқалишини тасвирга (картага тушириш). Жонли тилдаги ҳар бир лингвистик ҳодиса ўзининг тарқалиш чегарасига, ўз ҳудудига эга. Шу ҳудуд, чегарадаги сўз — изоглосса, изофонема ва изоморфемаларни график шаклда қофозга туширишдан иборат.

6. Тил ланшафти — дейилганда бирор тил учун маълум бўлган изоглоссалар йиғиндиси ва уларнинг шу тил ҳудудида жойлашиш характери тушунилади.

7. Айрим зона — бир тил ёки диалект ичида бошқа бир тил ёки диалект элементларининг мавжуд бўлиши. Ўзбек шеваларида тоҷик тили элементлари аралашган зоналарнинг Ўзбекистон ва Тоҷикистон ҳудудида барқарорлиги аралаш зона саналади.

8. Инновация маркази — у ёки бу тил ёки шева ҳодисаларининг маркази. Масалан, (-вот, вуз (бовотъ, келовузз) маркази Тошкент шаҳар шеваси бўлиб, бу ўша инновация марказидан бошқа атроф шеваларга тарқалган.

Иrradiация — ҳодисанинг тарқалиш тушунчаси бўлиб, ареалнинг характерли белгиларидан бири. Масалан, ўрин-пайт келишиги қўшимчаси -да Самарқанд, Бухоро, Қашқадарё шаҳар тип шеваларига адабий тил таъсирида тўсиқларга учрамасдан кириб бориш йўли билан тарқалган. Лекин қаратқич келишиги қўшимчаси (-нинг)нинг кириб

бориши айтарли натижада бермаётир. Чунки адабий тилга асос бўлган шаҳар шевалари талаффузида -нинг қўшимчаси мавжуд эмас.

Тил ҳодисалари, диалектал ҳодисаларни тадқиқ қилишда кўпинча ёндош тиллар ва уларнинг шевалари материаллари билан солиштирамиз. Бу тўғри усул бўлиб, қўшни тиллар ва шевалардаги лингвистик ҳодисалар бир-бирига доимо ўтиб туради. Ўтиш ҳодисаси тараққиётнинг кейинги даври ва масофанинг яқинлиги билан характерланади. Бироқ тил ва диалектлар тараққиётининг қадимий даври учун характерли бўлган айрим ҳодисаларни изоҳлашда ёндош тиллар ва шевалар ҳар доим ҳам бир-бирига ўтавермайди. Масалан, Наманган гуруҳ шевалари учун характерли бўлган [р] ундоши ўзидан кейин келган ҳамма тил олди ундошларга сингиб кетиши Фарғона водийсидаги бошқа шеваларда учрайди: туссун - турсун, бодъ - бордъ, оттоқ-ортот, чошшэммъ- чоршэммъ.

Шунингдек, турк — барлос шеваларидаги ово (амаки) ҳам ёндош шеваларнинг бирортасида учрамайди. Айнан шу каби ҳодиса Қашқадарё вилоятидаги шаҳар ва шаҳар тип шевада мавжуд. Бу ҳодисанинг инновация маркази қайси эканлиги ва унинг иррадиацияси илдизи қай томондан қай томонга йўналганлиги номаълум. Ўзбек шевалари атласи яратилганда мана шунга ўхшаш қўпгина муаммолари ечилган бўлар эди.

Назорат топшириқлари

1. Лингвистик географиянинг ўрганиш обьекти: изоглосса, изофонема, изоморфема тушунчалари бўйича материаллар йиғиши.
2. Монографик усул билан лингвогеографик усулининг фарқ қилувчи томонларини аниқлаш.
3. Лингвистик харита яратиш бўйича амалий дарсларда машқ ўтказиш.

2- асосий савол

Лингвистик географиянинг жаҳон тилшунослигида пайдо бўлиши. Европа тилшунослигида тузилган энг муҳим атласлар.

Ўқитувчининг мақсади: Халқ шеваларини лингвогеографик усул асосида ўрганишнинг жаҳон тилшунослигида бошланиши, унинг намоёндалари хақида талабаларга тушунча бериш. Европа мамлакатлари

ва бошқа ҳамдүстлик мамлакатлари тилшунослари томонидан лингвистик атласларни номма-ном талабаларга сингдириш.

ИДЕНТИВ ЎҚУВ МАҚСАДИ

2.1. Европа ва жаҳон тилшунослигига диалектларни лингвогеографик усул асосида ўрганиш истиқболли эканлигини англайди.

2.2. Жаҳон тилшунослигидаги лингвогеографик усул асосчиларини билиб олади.

2.3. Тилшуносликда энг муҳим диалектологик атласларнинг борлигини исботлайди.

Тилшуносликдаги бу янги йўналишга, диалектологик фикрнинг кейинги тараққиётига Европа лингво-географларининг белгили хизматлари бор.

Лингвистик географиянинг асосчилари: Францияда Жан Жильерон, Германияда Георг Венкер, Ф. Вреде, П. Мейер, Россияда эса И.И. Срезневский кабилардир.

Мазкур олимларнинг асарлари туфайли лингвистик географиянинг фан сифатида асосий ўрни, предмети ва вазифалари белгиланади.

Лингвистик география методи билан шеваларни ўрганиш Украина ва Белоруссияда ҳам яхши ривожланган бўлиб, бу республикаларда шевалар атласини тузиш туталланди ва нашр этилди.

Бирор тил ёки диалектта хос характерли лингвистик хусусиятларнинг тарқалиш чегарасини акс эттирган альбом ёки китоб шаклида нашр қилинган карталар йиғиндиси диалектологик атлас дейилади.

Диалектологик атласлар бирор ҳалқ тили ва ҳалқ тарихини, унинг миллат бўлиб шакланишини ўрганишда алоҳида аҳамиятга эга бўлди.

Диалектологик атласларнинг дастлабки намуналари XIX асрнинг охири XX асрнинг бошларида яратилган. 1821 йилда К.де Монбрे томонидан тузилган француз шевалари чегараларини белгиловчи карта Франция қироллик жамиятига тақдим қилинади. 1823 йилда Д.Минье ўзининг лингвистик карта тузиш фоясини олдинга суради. Европада тузилган энг муҳим диалектологик атласлар қўйидагилар: Венкер ва Вределарнинг «Немис тили атласи» (1876—1926 йиллар мобайнида яратилган); Марбургдаги немис диалектологияси марказий институти нашр этган «Немис лексикологик атласи», Ж.Жильерон ва Э. Эд-

моннинг 12 жилдли «Француз тили атласи» (1902—1912 йиллар мобайнида яратилган), Яберг ва Юднинг 8 жилдли «Италян-швейцар атласи» (1928—1940 йиллар мобайнида яратилган).

Россияда лингвистик географиянинг пайдо бўлиши ва ривожланиши И.И. Срезневскийнинг номи билан боғлиқ. И.И. Срезневский ўтган асрнинг 50-йилларидаёқ бу соҳани ўрганишни асосий вазифа қилиб қўйди. Рус лингвистик географиясининг кейинги XIX аср охири XX аср бошларидаги тараққиётида акад. А.И. Соболевский ва акад. А.А. Шахматовларнинг катта ҳиссалари бор. А.Шахматов ўз текширувлари билан лингвистик география тараққиётига улкан ҳисса қўшибигина қолмай, бу соҳада илмий тадқиқот ишларини ҳам ташкил этди.

Кейинчалик рус шеваларини лингво-географик метод билан ўрганишда акад. Корш бошчилигида Москва диалектологик комиссияси катта ишлар қилди. 1935 йилда Фанлар Академияси «Рус тили атласи»ни тузишга киришди. Бу даврда тилшунослардан Б.А. Ларин, Ф.П. Филин бош бўлган диалектологлар гурӯҳи мазкур атласни яратиш режаси, сўроқлигини туздилар ва атлас учун материал тўплаш ишларига раҳбарлик қилдилар.

1944 йилда Р.И. Авансов ва Б.П. Филин бошчилигида «Рус диалектологик атласини тузиш бўйича материаллар тўплаш программаси»ни яратдилар. 1951 йилда «Москва шарқидаги марказий областлар рус халқи шевалари атласи» ни 1952 йилда «Шимоли-фарбий вилоятлар рус халқи шевалари атласи» тушиб тутатдилар ва бу 1957 йилда нашр этилади. Буларнинг ҳар қайсиси ўз ҳажми билан чет эллардаги энг катта миллий атласларга тенг бўлиб, рус тили ва халқи тарихи, миллатнинг шаклланишини ўрганиш учун қимматли материал бўлиб хизмат қиласди. Ҳозирги кунда барча рус тили шевалари бўйича материал тўплаш, тўпланган материалларни карталаштириш тугалланди.

Лингвистик география методи билан шеваларни ўрганиш Украина ва Белоруссияда, Грузия ва Озарбайжон, Туркманистон ва Қозогистонда ҳам яхши ривожланган бўлиб бу мамлакатларда шевалар атласини тузиш тугалланди ва нашр этилди.

МДҲ да тузилган энг муҳим диалектологик атласлар — «Москва шарқидаги марказий областлар рус халқи шевалари атласи» (1957 йили

нашр этилган), «Шимоли – ғарбий областлар рус халқ шевалари атласи» (нашрга тайёрланган) ва республикаларда нашр этилган «Украин тили халқ шевалари атласи», «Белорусь тили халқ шевалари атласи » ва бошқалар мавжуд.

Назорат топшириқлари

1. Жаҳон тилшунослигига халқ жонли тилини лингвогеографик усул асосида ўрганиш истиқболли эканлигини исботлаш.
2. Тилшуносликда лингвистик география усули билан шевашуносликни ўргангандар олимлар ишлари билан таниши.
3. Диалектологик атласлар билан ишлаш.

3- асосий савол

Ўзбек халқ шеваларини лингвогеографик усулда ўрганиш, унинг атласини яратиш масалалари.

Ўқитувчининг мақсади: Ўзбек шеваларини лингвогеографик усулда ўрганиш XX асрнинг 40-йилларида профессор А.К Боровков томонидан олга сурингандариги, бу соҳадаги ишлар В.В. Решетов ва А.Шерматов томонидан ижобий амалга оширилган бир қатор ишлар хусусида талабаларга маълумот беради. Шу билан бирга қилинаётган ва қилинажак ишлар хусусида ҳам тафсилотланади.

ИДЕНТИВ ЎҚУВ МАҚСАДИ

- 3.1. Талабалар ўзбек шеваларини ўрганишда лингвогеографик усулдан фойдаланиш мумкинлигини билиб олади.
- 3.2. Бу янги усулнинг ўрганилишини А.К. Боровков, В.В. Решетов, А. Шерматов асарлари воситасида исботлайди.
- 3.3. Хозирги кунда ўзбек шевалари уч асосий йўналишда ўрганилаётганлиги ҳақида ахборот беради.

Ўзбек шевалари тадқиқотида асосан, тасвирий, қисман экспериментал ва қиёсий-тарихий усуллар қўлланилиб келинган. Айрим гуруҳ шевалар атласи устида текшириш ишлари олиб борилади.

Тилшунос олимлар Е.Д. Поливанов, Ф. Олим, К.К. Юдахин, А.К. Боровков, В.В. Решетов, Ш. Шоабдураҳмонов, А. Фуломов, С. Иброҳимов, Р. Абдуллаев, М. Мирзаев, А. Алиев, А. Шерматов,

Х. Дониёров, Н. Ражабов ва уларнинг шогирдлари ўзбек шевалари бўйича олиб борган бир қатор илмий изланишларда шеваларни лингвогеографик ва ареал тадқиқоти учун манба яратади.

Ўзбек диалектологиясида бу соҳа ҳали ёш соҳалардан бири бўлиб, тугалланган бой материаллар асосида диалектологияга доир назарий масалаларни ишлаш, сўнг лингвистик география масалаларни режалаштириш босқичига ўтди.

Ўзбекистонда диалектолгик ишларни бошқариб борувчи ягона илмий марказ — Ўз ФАнинг Алишер Навоий номидаги Тил ва адабиёт институти диалектология бўлими мавжуд. Бу бўлим ҳозирги вақтда уч йўналиш бўйича иш олиб бормоқда:

1. Ўрганилмаган ўзбек шеваларини монографик тадқиқ қилиш.
2. Ўзбек шевалари луғатини тузиш.
3. Ўзбек тилининг диалектал атласини тузиш.

Ўзбек шеваларида умумтуркӣ изоглоссалар мавжудлигини дастлаб 1930 йилларда профессор Е.Д. Поливанов таъкидлаб ўтган эди.

1944 йилда профессор А.К. Боровков ўзбек тили шевалари атласини яратиш мақсадида «Ўзбек шева-лаҳжаларини текширишга доир савол-жавоблар» анкетасини тузди. Шу анкета асосида 1945—1950 йиллар мобайнида Фарғона водийси шеваларидан материаллар тўпланди.

Орадан 20 йил ўтгандан кейин 1965 йилдан бошлаб, ўзбек шевалари хусусиятларини карталаштириш иши яна кун тартибига қўйилди, программа ва сўроқнома тузилди, диалектологик материаллар тўплана бошланди.

Ўзбек шеваларини карталаштириш ишини В.В. Решетов бошлаб берди. У Тошкент вилоятининг бир қисмини, Оҳангарон ҳудуди шеваларида учрайдиган фонетик, лексик ва грамматик фарқларни кўчирди. Ўзбек диалектологиясида биринчи бўлиб ўзбек қурама шеваларининг 49 та лингвистик картасини тузди. Тахминан 150 картадан иборат «Тошкент вилоят шевалари атласи»ни тузиш ишлари 1980 йилда якунланди.

В.В. Решетов тузган лингвистик карталарда қуйидаги фонетик, грамматик ва лексик белгилар олинган. Фонетика бўйича «дж»лаш, «ж»лаш ва «й» лашнинг тарқалиши, яъни сўз бошида [джф] ж фй ҳодисаси [карта № 1, изоглосса: джок - ж о к - й о к], «о»лаш ва «а» лашнинг тарқалиши, яъни типик орқа қатор [а] нинг сақланиши ёки

унинг ўрнида [о] учраши [карта №2, изоглосса: б а р, б о р], танглай гармонияси ва лаб гармониясининг характеристи [карта №3А, 3Б, 3В, 4А, 4Б, 4В], юқори-ўрта кўтарилиш унлиларининг дифтонглашуви [карта №5А, 5Б, 5В, 5Г]; изоглосса.

Вордук-Вордэк- ордек; вон-Уон-он; й эчки -й эшки -и эчки -ечъ -ъчъ], [V//о // у// о], [а // э, aff э. е // э] унлиларининг ҳамда [к// х], [ч//ш] ундошларнинг алмашиниши [карта №6, 7, 8, 11; изоглосса: Вй//ой, уй//ой; атлар // ййтлар//ийтлер, этлар // итлэр, етлер // ътлэр ; катын-кэтын-хатын- хатун- хэтун- хэтън;чай-чэй//шай-шэй], сўз бошида [х] ва [дж]нинг спонтан пайдо бўлиши [карта №9, 22, изоглосса: айвон-ҳайвон; аппа-харпа].

В.В. Решетов ўзи ўрганган ҳудуддаги изоглоссаларнинг тарқалишини ўрганиб, айрим шева вакилларининг этногенезини аниқлашга ва шунингдек, реал тил вақтлари асосида қурама шеваларининг аниқ таснифини беришга муваффик бўлди.

М. Мирзаев 1955 йилда «Бухоро вилоятидаги ўзбек шеваларини ўрганиш учун анкета» профессор А.Алиев 1964 йилда «Наманган диалекти бўйича материал тўпловчилар учун анкета» 1976 йилда профессор А. Гуломов, А. Алиев, К. Назаровлар томонидан «Ўзбек тилининг маҳаллий шевалари бўйича материал тўпловчилар учун методик қўлланма» яратдилар.

Ўзбек халқ шевалари атласи ҳозирги замон ўзбек тили шеваларининг ранг-баранг хусусиятларини карталарда ифодалайди. Лингвистик карталарда кўрсатилган диалектал хусусиятлар ва уларнинг тарқалиши, тиљишуносларга айрим тил ҳодисаларининг тарихий тараққиёти ва ўзбек миллий тилининг келиб чиқиши каби масалаларни янада чуқурроқ ўрганиш имконини беради. Шунингдек, атлас материаллари тарихчилар, этнографлар учун ҳам фойдалидир.

Ўзбек тили диалектологик атласи қўйидаги вазифа-мақсадларни кўзда тутади:

1. Ҳозирги замон ўзбек адабий тили маълум шеваларга таянади. У ўзининг имло ва талафуз нормаларини, шунингдек, фонетик системаси, грамматик тузилиши, лексик таркибини нормалаштиришда, асосан, Тошкент — Фарғона тип шеваларга асослансан ҳам, айрим ҳолларда бу шевалар материали адабий тил нормаларига мос келмайди. Диалектологик атласнинг объектив натижалари (хulosалари) бу масалага тўлиқ аниқлик киритади. Ҳақиқатан ҳам,

шеваларга хос диалектал хусусиятларнинг бутун ўзбек тили территориясида тарқалиши ва унинг чегараларини фақат диалектологик атлас заминидагина муваффақиятли ҳам қилиш мумкин.

2. Диалектологик атлас материаллари ўзбек шеваларининг мавжуд таснифларини тўлдириш, мукаммаллаштиришга, уларга аниқлик киритишга ёрдам беради. Шунингдек, ўзбек шеваларининг пайдо бўлишида қатнашган туркий ва туркий бўлмаган этник гуруҳларнинг ўзаро алоқалари натижасида рўй берган жуда мураккаб этнолингвистик тараққиёт процессини ҳам белгилаб берди.

3. Адабий тил ва таянч шаҳар шеваларининг кундалик таъсири ўзбек халқ шеваларида тил асосларининг аралашуви ва текисланиб бориш жараёнини тезлаштиради. Чунки ўзбек халқининг экономикаси ва маданияти мислсиз даражада юксалиши билан ўзбек адабий тилининг қўлланиш доираси кенгайди. Адабий тилнинг барча ўзбек шевалараро нормаллаша бориши аста-секин диалектал нутқни қисиб, оғзаки-сўзлашув нутқ доирасига ҳам кириб борди.

Ўзбек шеваларини линг-географик метод асосида илмий-тадқиқ қилишда А. Шерматов самарали ҳисса қўшли. У «Қашқадарё гурух шевалари картаси» ни тузиб чиқди. Бу тадқиқот 167 карта билан ўз якунини топди.

Кейинги йилларда Орол бўйи ўзбек шевалари, жанубий ва шимолий Тожикистонда яшовчи ўзбек шевалари, жанубий Қозоғистондаги Ўзбек шеваларининг лингвистик картаси устида қизғин иш олиб борилмоқда.

Ўзбек тили диалектологик атласини тузиш ўзбек адабий тили имло ва талаффуз нормаларини фонетик тузилиши системаси, грамматик қурилиши лексик таркибини нормаллаштиришда аниқликлар киритиш учун; ўзбек шеваларининг мавжуд таснифларини тўлдириш, мукаммаллаштириш; адабий тил ва таянч шаҳар шеваларининг кундалик таъсири натижасида адабий тилнинг ўзбек шевалараро нормаллаша боришини тезлаштиради.

Ўзбек диалектологлари ўз миллий тиллари атласини яратиш билан бир қаторда, қардош диалектологлар билан бирга «Туркий тиллар атласи»ни ҳам тузмоқдалар. Бундай атласни тузиш академик В.М. Жирмуниский ташаббуси билан бошланган эди.

Унинг сўроқлиги ва программаси 1960—70 йилларда бир неча бор муҳокама қилиниб, тасдиқланди.

Ҳар 3—4 йилда туркй тиллар атласини яратиш бўйича Ҳалқаро миқёсида конференциялар, йигинлар ўтказилиб турилмоқда.

Умумтуркй лингвистик атласнинг яратилиши, туркй ҳалқлар тили ҳақида янги маълумотлар беради, қардош тилларнинг тараққиёти фикримизни кенгайтиради, унга илмий нуқтаи назаридан аниқликлар киритади.

ИЛОВАЛАР: Фонетика бўйича : э лашишнинг тарқалиши: чэй чэй, бэзэр > бэзэр, йэхширэк > йэхширэк, к х. Кулок > кулах, т ч. тыш > чыш.

Морфология бўйича: а-я : шаҳара- далайэ, менга, мэнгэ, маган; сенга (сэнгэ) саган.

Лексика бўйича: даргат бовэт (богэт) тогон, Мэйэк, йимиртэ – тухум; лгыр кели- к; кы.

Назорат топшириқлари

1. А.Шерматовнинг Қашқадарё вилоятидаги «Ўзбек ҳалқ шевалари» китобидан лингвогеографияга алоқадор бўлимларни ўрганиш.
2. Лингвогеография бўйича кўргазмали қурол тайёрлаш (Ҳар бир талабага биттадан).
3. Ўзбек ҳалқ шеваларини ўрганишнинг ҳозирги аҳволи: уч йўналиш ҳақида адабиётлардан маълумот тайёрлаш.

Фойдаланиш учун адабиётлар

1. Решетов В.В., Шоабдураҳмонов Ш. Ўзбек диалектологияси. Тошкент, 1978 (Лингвистик география бўлими).
2. Боровков А.К. Ўзбек шева-лаҗаларини текшириш учун савол-жавоблар. Тошкент, 1944.
3. Решетов В.А. О диалектологическом атласе узбекского языка. Казань, 1958.
4. Шоабдураҳмонов Ш. Ўзбек тилининг диалектологик атласи, ЎТА, 3, 1969.
5. Шерматов А. Қуйи Қашқадарё шеваларини карталаштириш тажрибасидан ЎТА, Н, 1970.
6. Шерматов А. Лингвистик география нима? Тошкент, «Фан», 1981.

З-МАВЗУ. ТУРКИЙ ТИЛЛАР. ЎЗБЕК ХАЛҚ ШЕВАЛАРИНИНГ ТАСНИФИ МАСАЛАЛАРИ

Таълимий мақсад: Туркий тилларнинг таснифи ва у билан шуғулланган олимлар асарлари, туркий тиллар ичидаги ўзбек тилининг нуфузи; ўзбек халқ шевалари ва уларнинг этногенетик, тарихий ва худудий нуқтаси назардан ўрганилиши, тасниф қилиниши асосларини талабалар онгига сингдириш. Ҳозирги долзарб амалий ва назарий масалалар ҳақида тушунча бериш.

Ривожлантирувчи мақсад: Туркий тиллар орасида ўзбек тили ва шеваларининг тутган ўрни, ўзбек шеваларининг тасниф қилиниш принциплари ҳақида илмий-методик тушунча ҳосил қилдириш.

Тарбиявий мақсад: Туркий тиллар ва унинг шеваларини тавсиф ва таснифлаш орқали талабаларнинг фикрлаш қобилиятини ўстириш, талабаларда она тилига нисбатан меҳр уйғотиш.

Режа:

1. Туркий тиллар таснифи: академик В.В. Радлов, А.Н. Самойлович, Ф.Е. Корш, Богородицкий ва бошқалар томонидан қилинган таснифлар.

2. И.И. Зарубин, Сер Али Лапин, Е.Д. Поливанов, Фози Олим, А.К. Боровков, К.К. Юдахин, В.В. Решетов таснифлари.

3. Ўзбек диалектологиясининг XX асрнинг 60- йиллардан сўнгги ютуқлари ҳақида. Миллий истиқлол ва ўзбек халқ шевалари равнақи масалалари.

Таянч тушунчалар

Этник-лингвистик таснифлар, этно-генетик таснифлар, территориал-лингвистик таснифлар; **о**-лашиш масалалари, **о**-ловчи ва **а**-ловчи шевалар, **й**-ловчи ва **ж**-ловчи шевалар; эронлашган ва эронлашмаган шевалар; максимал эронлашиш, локализация лабиал, лаб гармонияси, танглай гармонияси, лақайлар, метисация ва гибридизация, умлаутли шевалар, ўзбек-қипчоқ лаҳжаси, қорлуқ лаҳжаси, ўғуз лаҳжаси, қирқ шеваси, қозоқ-найманлар, чўзиқ унлилар, ундошлар ассимиляцияси, туркий компонент, прогрессив ва регрессив ассимиляция.

1-асосий савол

Туркий тиллар таснифи: академик В.В. Радлов, Н.А. Баскаков, А.Н. Самойлович, Ф. Е. Корш, В.Г. Богородский ва бошқалар томонидан қилинган таснифлар.

Ўқитувчииниг мақсади: В.В. Радлов, Ф.Е Корш, Н.А.Баскаков ва бошқалар томонидан туркий тилларнинг ўрганилиши, таснифлари, улар ичida ўзбек тилининг ўрни нуфузи масаласини талабалар онгига сингдириш . Талабаларни ижодий фикрлашга жалб этиш.

ИДЕНТИВ ЎҚУВ МАҚСАДИ

- 1.1. Ўтмишда туркий тилларнинг тасниф қилинганилиги В.В. Радлов, И.Зарубин каби олимлар асарларини ўрганиш орқали билиб олади.
- 1.2. Туркий тилларни уч йўналиш: этник, тарихий-генетик, лингво-территориал асосидаги таснифлар исботлайди.
- 1.3. Таснифнинг асосларини ва энг муҳим таснифларининг савиясини ўрганади.

Туркий тилларнинг генетикаси, тил хусусияти жиҳатидан ўзаро муносабати масаласига олимлар жуда қадимдан қизиқиб келганлар. Туркий тилларни (аниқроғи туркий қабилаларни) биринчи бўлиб тасниф қилган олим Маҳмуд Кошфарийдир. Туркий тиллар таснифи билан қизиқиш XIX аср охири ва XX асрларда қайтадан бошланди ва кўйдан кўп таснифлар вужулга келди. Бу тасниф методлари, олдига кўйган вазифалари, мақсадлари ҳам турличадир. Улардан баъзилари мураккаб пухта ўрганилган ва ишланган таснифлар бўлса, айримлари у ёки бу жиҳатдан камчиликлардан холи эмасдир.

Академик В.В. Радлов таснифи

В.В. Радлов ўзининг «Шимолий Туркистон тилларининг фонетикаси» (1882—1883) деган асарида, асосан, туркий тилларни тасниф қиласди.

У туркий тилларни шундай гуруҳлаштиради:

1. Шарқий гуруҳ (олтой, барабарин, Объ, Енисей туркларининг тиллари).

Бу гурухга кирган тилларнинг характерли хусусиятлари қуйидаги:
1) [о] унлиси ўзидан сўнгги тор унлига жуда кучли таъсир кўрсатади;
2) Сўз ўзакларининг бошида жарангиз ундошларнинг мавжуд бўлиши: баш паш> каби;

3) Жарангиз ш, т ундошлардан кейин унли товуш билан бошланадиган қўшимчалар қўшилиб келганда, бу ундошлар жаранглашади: Масалан, ойрот тилида тиш+ы-тижи, тут +ар — тудар;

4) Сўз охирида келган жарангиз портловчи п, қ, к ундошлари унлидан олдин жаранглашади;

5) [л] товуши қаттиқ ва юмшоқликда фарқланади: (л: вал)ва бошқалар.

2. Фарбий гуруҳ (Фарбий Сибирь татарларининг тили, қирғиз, қозоқ, бошқирд, поволжье татарларининг тиллари).

3. Ўрта Осиё гуруҳи (Ёркент, Чигатой тили, Шимолий ўзбек шеваси, Кўқон шеваси, Зарафшон водийсидаги ўзбек шевалари, Бухоро ва Хива шеваси).

4. Жанубий гуруҳ (туркман, озарбайжон, турк (усмонли) ва қрим татарлари тили, деб, тўрт гурухга бўлади. Шундай қилиб, В.В. Радлов биринчи бўлиб ўзбек шеваларини тасниф қилган олим ҳисобланади. Унинг таснифига кўра ўзбек шевалари олти гурухга бўлинади. Чигатой, Шимолий ўзбек, Кўқон, Зарафшон водийси, Бухоро, Хива гуруҳлари.

В.В. Радлов ўзининг таснифида ўзбек шеваларини гуруҳларга бўлиб кўрсатган бўлса ҳам, уларнинг хос характерли хусусиятлари, бир-биридан фарқи ҳақида маълумот бермайди.

В.А. Богородицкий таснифи

В.А. Богородицкий 1921 йилда ҳозирги туркий тилларни географик жойлашуви ва фонетик хусусиятларни ҳисобга олиб 7 гурухга бўлган. Кейинчалик 1934 йилда у ўзининг ушбу таснифига аниқликлар киритиб, уни тўлдириб қўйидагида тақдим этди.

1. Шимоли-шарқий гуруҳ: ёқут, карагас, тыва тиллари.
2. Ҳакас ва абакан гуруҳи. Ҳакас тили, абакан лаҳжаси, сагай, койбал, качин, қизил шевалари, минусин татарлари тили.
3. Олтой гуруҳи. Бунга олтой (шор) тили ўз шевалари билан киритилган.
4. Фарбий Сибирь гуруҳи: чулим, ишим, тюмень татарлари тили.
5. Волга бўйи ва Урал гуруҳи: татар ва бошқирд тиллари.

6. Ўрта Осиё гуруҳи: уйғур, қозоқ, қирғиз, ўзбек, қорақалпоқ, тиллари.

7. Жануби-ғарбий гуруҳ: туркман, озарбайжон, қумуқ, гагауз, турк тиллари ва чуваш тили, қорачой ва болқар тиллари.

Ф.Е. Корш таснифи

Ф.Е. Корш ўзининг «Классификация тюркских племен по языкам» асарида туркий тилларни фонетик хусусиятларидан ташқари, морфологик хусусиятларни ҳам ҳисобга олиб қуидагича тасниф қилган.

1. Шимолий гуруҳ: қирғиз, қозоқ, қумиқ, нўғой, қорачой олтой, Волга татарлари, Шимолий кавказ татарларининг тиллари.

2. Ғарбий гуруҳ: озарбайжон, туркман, турк, гагауз, қирим татарлари тиллари.

3. Шарқий гуруҳ: Ўрхун-Енисий ёдгорликлари ёзуви тили, эски уйғур тили, чигитой, қипчоқ (полевец) каби ўлик тиллар ва жонли тиллардан карагас ва хакас тиллари.

4. Аралаш гуруҳ: Бу гуруҳга ёқут ва чуваш тиллари ва Ўрта Осиёдаги баъзи тиллар киради. Бу тилларнинг ҳар бири ўзига хос тасниф белгиларга эгадир.

А.Н. Самойлович таснифи

А. Н. Самойлович ўз таснифига туркий тилларнинг мавжуд В.В. Радлов ва Ф.Е. Корш таснифини бирлаштириб, қуидагича 5 гуруҳга бўлади.

1. **Жануби-ғарбий ёки ўғуз гуруҳи.** Бу гуруҳга туркман, озарбайжон, турк, гагауз тиллари ва қрим татарларининг баъзи диалектлари ҳамда ўзбек тилининг ўғуз лаҳжаси киради.

2. **Жануби-шарқий ёки чигатой гуруҳи.** Бу гуруҳга ҳозирги уйғур тили, ўзбек тили ва унинг бир қатор шаҳар диалектлари, қумандин тили, ўлик чигатой тили киради.

3. **Шимоли-ғарбий ёки қипчоқ гуруҳи.** Бунга татар, бошқирд, ойрот, телеут, нўғай, қирғиз, қозоқ, қорақалпоқ, ўзбек тилининг айрим қипчоқ шевалари, қумуқ, қорачой ва қрим татарларининг баъзи шевалари киради.

4. Шимоли-шарқий ёки Сибирь гуруҳи. Бу гуруҳга қадимги ўрхун, уйғур, қорлуқ ёзуви ёдгорликлари тилларидан ташқари тува, сариқ ўйғур, хакас, шор, качин, сагай ва ёқут тиллари киради.

5. Чуваш ёки булғор гуруҳи. Ўлик булғор ва ҳозирги чуваш тиллари киради.

Н.А. Баскаков таснифи

Н.А. Баскаков туркий тилларнинг таснифини яратишда фақат ҳар бир туркий тилнинг фонетик, грамматик, лексик хусусиятинигина ҳисобга олиб қолмасдан, ҳар бир туркий халқнинг тарихий шаклланиши жараёни, унинг этник генезисига ҳам алоҳида эътибор беради.

1. Фонетик хусусиятлар асос қилиб олинган таснифлар (В.В. Радлов таснифи).

2. Фонетик — морфологик хусусиятлар асос қилиб олинган таснифлар (Ф.Е. Корш, А.Н. Самойлович).

3. Тил хусусиятларидан ташқари, генетик алоқалар ҳам ҳисобга олинган таснифлар (И. Бенцинг, К. Менгес).

4. Туркий тилларда гапиравчи халқларнинг географик жойлашуви асос қилиб олинган таснифлар (В.А. Богородицкий таснифи).

Сер Али Лапин таснифи

В.В. Радловдан анча кейин, ўтган асрнинг 90-йилларида Сер Али Лапин «Сарт сўзининг келиб чиқиши ва маъноси ҳақида» деган ишида ўзбек адабий тили билан бир қаторда тўртта ўзбек диалекти борлиги тўғрисида маълумот бермайди.

1. Сирдарё вилояти диалекти.

2. Фарғона вилояти диалекти.

3. Амударё бўлими ва Хива хонлиги диалекти.

4. Самарқанд вилояти ва Бухоро хонлиги диалекти.

Сер Али Лапин таснифига ҳам ўзбек диалектларининг фонетик системаси, грамматик қурилиши ва лексик бойлиги ҳақида ҳеч қандай маълумот келтирилмайди. Унинг бу таснифи ўз даврига нисбатан маълум қимматга эга бўлган.

Назорат топшириқлари

1. Туркий тиллар оиласига кирувчи халқларнинг тарқалиш ҳудудини аниқлаш.
2. В.В. Радлов, Сер Али Лапин, Корш, Богородицкий каби олимлар таснифидан ўзбек тилига алоқадор қисмини аниқланг ва изоҳ беринг.
3. Таснифларнинг бўлиниши сабабларини ўрганиб, амалий соатларда сўзлаб беринг.
4. Мавзу бўйича 5 та кўргазмали қурол тайёrlаш.

2- асосий савол

Ўзбек шеваларининг таснифи: Е.Д.Поливанов, Фози Олим, А.К. Боровков, К.К. Юдахин ва В.В. Решетов таснифлари.

Ўқитувчининг мақсади: Ўзбек халқ шеваларини тасниф қилган олимларнинг асарлари билан талабаларни таништириш: тасниф асосларини онгга сингдириш.

ИДЕНТИВ ЎҚУВ МАҚСАДИ

- 2.1. Ўзбек халқ шеваларини тасниф қилган олимлар ва уларнинг асарларини ўрганиш.
- 2.2. Этно-лингвистик, тарихий-лингвистик ва лингво-территориал таснифларни исботлайди.
- 2.3. Таснифларнинг мақсади, уларнинг мазмунан бир, шаклантурли-туманлиги хусусида ҳукм чиқаради.

Маълумки, ҳозирги замон ўзбек адабий тили ҳозирги босқичга қадар узоқ тарихий тараққиёт йўлини босиб ўтган. Улар уруғ-уруғ, қабила-қабила бўлиб ҳаёт кечиргандаридан сўнг, аста-секин элат, халқ бўлиб ташкил топди. Шунга қараб уларнинг тиллари ҳам турли тараққиёт йўлларини бошдан кечирди ва ўзгариб, мукаммалашиб, такомиллашиб, тараққий қилиб келди. Ана шу тилнинг тараққиёти, уларнинг таркиби ва гуруҳларга бўлиниши қадимги даврларданоқ олимлар диққат-эътиборида бўлган. Масалан. Маҳмуд Кошғарий «Девону луготит-турк» номли асарида кенг ҳудудда ҳаёт кечирган уруғ-қабила ва улар тилларнинг бир-бирига бўлган муносабатини, уларнинг тиллардаги яқинлик ва фарқларни дифференцияция (ажралиш) ва интеграция (кўшилиш) каби масалаларни аниқлаган. Ушбу асарда

йигирмага яқин туркий тилнинг қиёсий лугатини беради. Уларни фонетик, морфологик, лексик томондан тасниф қиласди. Кейинчалик Алишер Навоий «Мұҳокамат ул-лугатайин» асарида, Заҳиридин Бобур «Бобурнома»сида, Мирза Маҳтихон «Санглох» асарида, Абулғози Баходирхон «Шажараи түрк» ва «Шажараи тарокима» асарларида ўзбек тили ва диалектологиясининг тарихига доир бой мерос қолдирган, лекин ўзбек халқ шевалари, уруғ-қабила тилларини маҳсус тасниф қилмаганлар.

Маҳмуд Кошгаридан кейин ўзбек халқ шеваларини ўрганишга қизиқиш масалалари XIX асрнинг иккинчи ярмидан бошлаб пайдо бўла бошлади.

Академик В.В. Радлов, Сер Али Лапин, В.Наливкин каби олимларнинг ишлари бунга мисол бўла олади.

XX асрнинг бошларига келиб, айниқса, 1917-йилдан сўнгги даврда профессорлар И.И. Зарубин, Е.Д. Поливанов, К.К. Юдахин, А.К. Боровков, Фози Олим Юнусов, В.В. Решетов каби олимларнинг ўзбек шеваларини ўрганиш ва уни гуруҳлаштиришда жуда катта ишлари дикқатга сазавордир.

И.И. Зарубин таснифи

Профессор И.И. Зарубин ўзбек шеваларини тўрт гуруҳга бўлиб тасниф қиласди: 1) Хива; 2) Фарғона; 3) Тошкент; 4) Самарқанд-Бухоро шевалари.

И.И. Зарубиннинг бу таснифида ўзбек шевалари орасида катта ўрин тутган ҳозирги Ўзбекистоннинг анчагина ҳудудига тарқалган қипчоқ-ж-ловчи шевалар ва шимолий ўзбек шевалари ҳисобга олинмаган.

К.К. Юдахин таснифи

К.К. Юдахин ўзбек шевалари таснифининг икки вариантини тавсия этади: У ўзининг дастлабки вариантида ўзбек шеваларининг тожик тили билан бўлган муносабати ва сингармонизмни сақлаш даражасига қараб, тўрт гуруҳга ажратади.

1) асл туркий товуш таркиби ва сингармонизмни сақлаган ўзбек шевалари;

2) ўз товуш таркибини қисман ўзгартирган, сингармонизмни йўқотган шевалар;

3) эрон тиллари оиласига мансуб унлилар таркибини сақлаган шевалар;

4) ўзбек ва тожик тилларида сўзлашадиган тожик шевалари (Самарқанд, Бухоро каби шаҳарларда).

Кейинчалик, К.К. Юдахин ўзбек шеваларини ўзига хос хусусиятлари билан муфассал танишиб, аввалги таснифига тегишли аниқликлар киритди ва ўзбек шеваларини беш гуруҳга бўлди: Тошкент, Фарғона, Қипчоқ, Хива (Хива-ўғуз) ва шимолий ўзбек шевалари.

Е.Д. Поливанов таснифи

Е.Д. Поливанов томонидан бир қатор ўзбек шевалари ва диалектлари ўрганиб чиқилди ва шу асосда шеваларнинг мукаммал таснифи берилди.

Е.Д. Поливанов ўз таснифидаги тилдаги икки ҳолатни кўзда тутди: 1) метисация (қардош тилларнинг чатишуви); 2) гибридизация (турли тизимдаги тилларнинг чатишуви). У шеваларда учрайдиган барча фонетик ўзгаришларни ҳисобга олиб, ўзбек шеваларини бир неча гуруҳга бўлди. Эронлашиш нуқтаи назаридан, яъни баъзи ўзбек шеваларининг тикланиш процессида тожик тилининг иштирокини ҳисобга олиб шеваларни қўйидагича гуруҳлаштириди.

1. Эронлашмаган шевалар.

2. Эронлашган шевалар.

Эронлашмаган шеваларга ўзбек- қипчоқ (**Ж**-ловчи) лаҗжасидаги ва Фарғонанинг сингармонизмли қишлоқ шеваларини (Сарой, Андижон, Йўлгузар, Манкент) киритади.

Тошкент, Қўқон-Марғилон, Андижон-Шаҳрихон тилидаги шеваларда эронлишиш элементларининг мавжудлигини қайд қилса, Бухоро, Самарқанд, Хўжанд, Ўратепа типидаги шеваларни максимал эронлашган, яъни тожик вокализмини ўзида тўла акс эттирган шевалар деб ҳисблайди.

Эронлашган ва эронлашмаган шевалар ўртасида эронлашишнинг кучсизланиши, гибридизация процессида туркий элементларнинг кучсизланишига кўра эронлашган шеваларни тўрт типга ажратди.

1. Самарқанд-Бухоро шевалари. 2-тип. Тошкент типидаги шевалар (Тошкент ва унинг атрофидаги туман шевалари). 3-тип. Қўқон-Марғилон типидаги шевалар. 4-тип. Андижон-Шаҳрихон типидаги

шевалар ва шу типга уйғурлашган ёки умлаутли шевалар ҳам киритилган. (Наманган ва унга яқын Чорток, Уйчи, Шоҳанд шевалари). Е.Д. Поливанов таснифида яна икки тип шевага ажратилган. Булар 6-тип. Шимолий ўзбек шаҳар шевалари типи, (Туркистон, Чимкент ва шу типдаги баъзи қишлоқ шевалари). 7-тип. Шимолий ўзбек қишлоқ шевалари типи. (манкет, қорабулоқ каби шевалар).

Е.Д. Поливанов таснифига кўра иккинчи диалект «ўғуз лаҳжаси» бўлиб, ўз ичига икки тип шевани олади. 1-тип. Жанубий Хоразм гуруҳ шевалари (Хива, Янги Урганч, Шовот, Фазовот, Хазорасп, Янги Ариқ, Хонқа шевалари); шу гуруҳга Шўрахон шеваси алоҳида бир тип сифатида киритилган. 2-тип. Шимолий ўғуз гуруҳ шевалари. (Иқон-Қорабулоқ шевалари) Шу гуруҳга Фориш туманидаги Боғдот шеваси ҳам киритилган.

«Қипчоқ лаҳжаси» учинчи диалект бўлиб, бу етти тип шевани ўз ичига олади. 1-тип. Ўрта Хоразм ва Шимолий Хоразм; (Гурлан, Бофот, Шоаббоз, Хўжайли, Қипчоқ, Кўнгирот, Мангит туманлари шевалари).

2-тип. О-ловчи тип; (Қозоқ-Найман, Фарғона Қорақалпоқлари).

3-тип. Қурама шевалари; Оҳангарон водийсидаги қурама шевалари.

4- тип. Шимолий ўзбек шевалари; Туркистондаги Сўзок, Чалакўргон қишлоқ шевалари

5-тип. Ўрта ўзбек; Қириқ шевалари ва жанубий ўзбек-лақай шевалари ва Афғонистондаги қипчоқ ўзбеклари ҳам шу гуруҳга киради.

Е.Д. Поливанов ўзининг бир қатор ишларида ўзбек шеваларининг таснифи ҳали мукаммал эмаслигини қайд қилиб, ўзбек тилшунослиги шеваларнинг деталлаштирувчи таснифга зарур деб кўрсатади.

Е.Д. Поливановнинг айрим назарий хуласалари тўғри эмас, чунки у ўз таснифига ва бошқа тадқиқот ишларида ўзбек шеваларидаги тараққиётни фақат факторга боғлаб текширади. Ўзбек тили ва унинг шеваларida рўй берган ўзгаришлар тилнинг асрлар мобайнида ўз ички тараққиёт жараёнининг натижаси эканлигини кўрмайди. Лекин унинг ёзиб олган далилий материаллари, айрим тил ҳодисаларига берган шарҳлар жуда аниқ ва ҳеч қандай эътиroz туғдирмайди. Бу жиҳатдан Е.Д. Поливановнинг ўзбек шеваларини ўрганишга бағишлиланган қўп ишлари ўзининг сифати ва илмийлиги билан ажralиб туради.

Унинг ишлари ҳозирги кунда ҳам ўзбек шеваларини ўрганишга катта ёрдам бермоқда.

Фози Олим Юнусов таснифи

Профессор Фози Олим Юнусов ўзи тўплаган жуда бой далилий материалларга суянган ҳолда 1936 йили, Е.Д. Поливанов таснифидан кейин 1936 йилда нашр этилган «Ўзбек лаҳжаларининг таснифида бир тажриба» номли асарида ўзбек шеваларини уч катта гуруҳга бўлиб тасниф қилди ва шу асосда тасниф ҳолатини ҳам берди.

1. Ўзбек-қипчоқ лаҳжаси.
2. Турк-Барлос лаҳжаси.
3. Хива-Урганч ёки ўғуз лаҳжаси.

1. Ўзбек-қипчоқ лаҳжаси. Бу лаҳжага Ўзбекистоннинг Оҳангарон, Мирзачўл, Самарқанд, Зарафшон, Бухоро, Фарғона водийси, Қашқадарё, Сурхондарё ва бошқа ҳудудларда яшовчи ж-лашган шеваларнинг ҳаммаси киради. Ўзбек-қипчоқ лаҳжаси тўрт шевага: Қирқ, Жалойир-лақай, Қипчоқ, Гурлан.

2. Турк-барлос лаҳжаси. Бунга ҳамма шаҳар ва шаҳар типидаги шеваларни: Тошкент, Қўқон, Наманган, Андижон, Марғилон шаҳарлари ва бу шаҳарларнинг атрофида яшовчи ўзбек шевалари киритилади. Бу лаҳжа вакиллари Самарқанд, Бухоро, Қашқадарё, Зарафшон водийсининг юқори қисми, Чимкент, Сайрам, Ўш, Ўзган шаҳарлари ва унинг атрофларида яшовчи ўзбеклар шевалари ҳам шу лаҳжага киритилган.

Фози Олим бу лаҳжанинг асосий тил хусусиятларини ҳисобга олиб, тўрт гуруҳга бўлади.

1. Сайрам-Чимкент шеваси. Бу лаҳжа ўз ичига Хива, Хонқа, Фазовот, Шоҳбод, Кат, Тошовуз, Эски Урганч, Янги Урганч, Ҳазорасп, Тўрткўлда яшовчи ўзбек шеваларини олади. Бу шеванинг ўзига хос хусусиятлари алоҳида берилмаган.

2. Тошкент-хос шеваси. Бу шеванинг асосий хусусиятлари: тушум келишиги қўшимчаси -т билан тугаган сўзлардан кейин -ти:тти. Шунингдек, бу қўшимча сўз охирида ассимиляцияга учраб, олдидаги ундошга мослашади: биз-биззи, истак феъли ясовчи -лук: келайлук. Ҳозирги замон давом феъли қўшимчаси - в ттъ, бўлишсиз кемъй тъпть.

Шарт феълининг кўплиги (1 шахс) -вуз, -мъз, 2 шахс -йъз: бълсайъз. 1 шахс ўтган замон феълининг кўплиги - мъза, -мъз, -вуз, -вуз (лдузэй). 2 шахс -ъ: з (лдъ:з) орқали ясалади.

3. Андижон шеваси. Бу шеванинг асосий хусусияти тушум келишиги қўшимчаси **-нъ**, **-ни** дан ташқари **-ть**, **-ти**, **-дъ**, **-ди**, тарзида келади. Ҳозирги замон давом феъли **-йап**, **йэп**, орқали ясалади: келэйэмэн.

4. Наманган шеваси. Бу шеванинг асосий хусусияти ҳозирги замон давом феъли қўшимчаси **-ут**: келутъман, бўлишмизи: келмутъман.

Бу тасниф ҳам ўзбек диалектологияси тарихида анча яхши ишланган. Таснифлардан бири бўлиб ҳисобланади. Лекин бу таснифда ўзбек шеваларнинг асосий хусусиятлари тўла қамраб олинмаган, шеваларнинг лингвистик фарқларини кўрсатувчи белгилар берилмаган. Шунинг учун ҳам бу таснифни олимлар ўз вақтида танқид қилган (И.А. Батманов томонидан).

A.K. Боровков таснифи

А.К. Боровков ўзбек ҳалқ шеваларини ўрганишда ўз ҳиссасини қўшиб, хизмат қилган олимлардан бири ҳисобланади. У ўзбек шеваларини икки марта тасниф қилган. А.К. Боровковнинг биринчи таснифи 1940 йил «Ўзбек адабиёти ва санъати» журналида «О новым узбекском алфавите» деган мақоласида эълон қилинган.

А.К. Боровков бу таснифидаги ўзбек ҳалқ шеваларини фонетик томондан икки гурӯҳга бўлиб кўрсатади.

- 1) **о**-лашган шевалар;
- 2) **а**-лашган шевалар.

О-лашган гурӯҳ шевасига шаҳар шевалари ва улар атрофидаги туман шеваларини киритди (Тошкент, Самарқанд, Бухоро, Каттақўргон, Андижон, Қўқон, Марғилон, Қарши, Жиззах).

А-лашган гурӯҳ шеваларига эса сингармонизмни сақлаган шевалар киритилди. Бу гурӯҳ ўзбек шевалари **-й**-лаш ва **ж**-лаш хусусиятларига кўра иккига ажратилади:

- 1) **й**-ловчи шевалар;
- 2) **ж**-ловчи шевалар.

Ўзбек диалект ва шеваларини гурӯҳлаштиришда А.К. Боровковнинг бу таснифи ҳалигача ўз аҳамиятини йўқотмаган. Лекин унда ҳам бაъзи камчиликлар йўқ эмас.

А.К. Боровковнинг иккинчи таснифи 1953 йил Ўз.ФА ахборотларининг 5-сонида эълон қилинган. Бу тасниф биринчи

таснифга нисбатан беқиёс даражада яхши тузилган. Чунки бунда ўзбек халқ шеваларининг тарихий тараққиётини фонетик, лексик, морфологик хусусиятлари ҳисобга олинган.

Ана шуларга кўра ўзбек халқ шеваларини 4 катта гуруҳга бўлиб кўрсатган:

1. **Ўрта ўзбек диалекти.** Бу диалектга 2 гуруҳ шева киритилган:

а) Ўрта Ўзбекистон шеваси (Тошкент, Самарқанд, Бухоро ва Фарғона типидаги шевалар); унлилар миқдори 6—7 тадан иборат. Сўзларнинг биринчи ва кейинги бўғинларида очиқ о фонемаси ишлатилади.

б) **Шимолий ўзбек шеваси** (Чимкент, Сайрам, Жамбул, Марки ва Жанубий Қозоғистоннинг баъзи бир ўзбек шевалари). Унлилар 8 та фонемадан иборат. Бу гуруҳ шеваларда о ўрнида а қўлланади.

2. **Шайбоний-ўзбек ёки ж-ловчи диалект.** Бунга ҳамма ж-лашган шевалар киради. Бу шеваларда унлилар 8—9 та.

3. **Жанубий Хоразм диалекти.** Бунга Хонқа, Ҳазорасп, Шовот, Янгиариқ, Газовот, Шўрахон ва унга ёндош бўлган шевалар киритилган. Бу шеваларда унлилар сони 9 та.

4. **Алоҳида гуруҳ шевалар.** Бунга юқоридан 3 та гуруҳга кирмаган шевалар (Қорабулоқ, Иқон, Манкент, Боғдон) ва «умлаутли» (Наманганд) шевалари киритилган.

Бу тасниф ўзбек диалектологияси тарихида энг яхши таснифлардан биридир.

B.B. Решетов таснифи

В.В. Решетов ўзбек шеваларининг тарихий лингвистик хусусиятларини ва айрим диалектларга қардош тиллар (тоҷик, қозоқ, қорақалпоқ, туркман) муносабатини ҳисобга олган ҳолда ўзбек шеваларининг тасниф системасини тузди.

Ўзбек халқи таркибида тарихий-лингвистик жиҳатдан бир-биридан ажralадиган (фарқ қиласиган) уч диалект бирлиги мавжуд (бу бирлик ўзбек, қозоқ, уйғур, туркман, қорақалпоқлар составидаги турк қабилаларининг миграцияси туфайли ҳам пайдо бўлган).

Бу диалект бирликлари ўз навбатида ўзбек тили таркибида уч лаҳжани, яъни қипчоқ, ўғуз, қорлуқ-чигил-уйғур лаҳжаларини вужудга келтирди. Булар ҳозирги кунда ҳам ўзбек тилининг алоҳида лаҳжаси

сифатида давом этиб келмоқда. Демак, ўзбек тили уч туркий компонентининг бирикиши натижасида вужудга келган:

1. Қорлуқ-чигил-уйғур лаҳжаси ҳозирги қардош уйғур тилига яқин бўлиб, тожик тили билан яқин этнолингвистик муносабатда бўлган.

2. Қипчоқ лаҳжаси қардош қозоқ ва қорақалпоқ тиллари билан яқин.

3. Ўғуз лаҳжаси қардош туркман тили билан яқин.

В.В. Решетов ўзининг таснифида ҳар бир лаҳжанинг ўзига хос тор диалектал хусусиятлари борлиги уларни ўрганиш ўзбек диалектологиясининг асосий вазифалардан эканини ва бу шеваларнинг пайдо бўлиши ва ривожини ўрганишга ёрдам беришини алоҳида таъкидлаб ўтади. Бу уч лаҳжанинг ўзига хос хусусиятлари қўйидагилардан иборат.

Ўзбек тилининг қорлуқ-чигил-уйғур лаҳжаси. Бу лаҳжага Тошкент, Наманган, Андижон, Фарғона, Самарқанд-Бухоро, Қарши, Термиз, Жиззах, Каттакўргон каби шаҳар ва шаҳар типидаги бошқа шевалар киритилади.

Унинг асосий специфик хусусиятлари қўйидагилардан иборат:

— ч/т нинг алмашиниши чъшлэ, тушть // чушть каби.

— Ўзак ва аффиксларда сўз охиридаги **к-қ** // **ғ-ғ** ундошларининг сақланиши: тэрък//тэрък, сэрък// сэрък, къшл лиг// къшл лък, куллук// куллук, бундо к//бундоғ.

— Турли ҳолатда ҳам **к//х** ундошларининг алмашиниши, сақланиши: т кта// тохта, тоққсан// тохсан.

— **л//н** ундошларнинг алмашиниши: койнек//койлэк // койнэй.

— Тўлиқ прогрессив ассимиляция: туззъ < тузнъ, кушшъ< күшнъ, тошшъ < тошнъ, темърръ< темърнъ, тошшъ<тошнъ.

— Уйғур тилининг асосий фонетик хусусиятларидан бири «умлаут» бўлиб, биринчи бўғинда келган куйи кўтарилиш **а/ә** унлиларининг иккинчи бўғинда келган юқори кўтарилиш **ъ** унлиси таъсирида **га** ўтишидир. Ат < етъ, балиқ < белиг келуттъ каби.

— Қорлуқ-чигил-уйғур лаҳжасига кирган кўпчилик шеваларда қаратқич ва тушум келишиги қўшимчасининг битта: **-ни, нъ, -ть, -дъ, -ли, -шъ** вариантлари билан келишидир, отни мин < эттъ мън, унинг дафтари < унъ дафтаръ.

— Ҳозирги замон давом феълини ифодаловчи икки морфологик белги **-ват**, **-ут**, **ва йэп**, **эп** га эга эканлиги: борвэтмэн, боруттъмэн, кел эпмэн, келопмэн кабилар.

В.В. Решетов таснифида қорлуқ-чигил-уйғур лаҳжаси қуидаги гуруҳга бўлинган.

— Фарғона гуруҳи: Наманган диалекти; Андижон-Шаҳриҳон диалекти; Ўш-Ўзған диалекти; Марғилон-Қўқон диалекти.

— Тошкент гуруҳи: Тошкент диалекти; Жиззах диалекти.

— Қарши гуруҳи: Қарши диалекти; Самарқанд-Бухоро диалекти.

— Шимолий ўзбек гуруҳи: Иқон-Қорабулоқ диалекти; Туркистон-Чимкент диалекти.

ЎЗБЕК ТИЛИНИНГ ҚИПЧОҚ ЛАҲЖАСИ

Бу лаҳжага хос хусусиятлар Е.Д. Поливанов ва Фози Олим таснифида атрофлича берилган.

Қипчоқ лаҳжасининг асосий фонетик хусусиятлари қуидагилар:

1) Контраст жуфт унлилар **у\ , о\о, ы\и, а\э** нинг мавжудлиги ва бунинг натижасида сингармонизмнинг сақланиши;

2) Сўз бошида келган ўрта кўтарилиш унлиларнинг дифтонглашуви: **и₃, в_о, у_о (и_и, у_и, в_и)** каби;

3) Қисқа ва узун унлиларнинг фарқланмаслиги, ундош товушининг тушиб қолиши ҳисобига бўладиган иккинчи даражали чўзиқликнинг мавжудлиги: сұхбат (сұхбат);

4) Сўз бошида [й]нинг, [ж]га ўтиши: йўл>жол, ёмон>жамон;

5) Сўз бошидаги ҳ ундошнинг ортирилиши: appa > ҳарра, айвон > ҳайвон каби;

6) Сўз охирида **к**, **қ** ундошнинг тушиб қолиши: киччи < кичик , сарик < сарў ва бошқалар.

Морфологик хусусиятлари:

1) Қаратқич ва тушум келишиги аффиксида **и/д/т** товушларининг алмашиниши: -нынг//нинг, дынг//тынг-тинг, -ни//ны, -ды//ди, ты//ти.

2) Шахс олмошларининг жўналиш келишиги шакли **маган**, **саған**, **օған** шаклида келиши.

3) Ҳозирги замон давом феълининг -джатыр билан ясалиши: баражатыр каби ҳозирги келаси замон сифатдош -тыған билан ясалиши: келатыған.

Шунингдек, лексикасида ҳам бошқа ўзбек шеваларидан фарқла-
нувчи хусусиятлар бор.

ЎЗБЕК ТИЛИНИНГ ЎҒУЗ ЛАҲЖАСИ

Бу лаҳжанинг ўзига хос хусусиятлари қўйидагича:

- а) қипчоқ шеваларидаги каби контраст жуфт унлиларнинг мавжудлиги;
- б) қисқа-узун унлиларнинг фарқланиши, яъни туркман тилидаги каби қадимги туркий узун унлилар (биринчи даражали чўзиқ унлилар)-нинг мавжудлиги: а:т: (ҳайвон), а:д: (исм), о:т (олов);
- в) сўз бошида т ва к ундошларининг жаранглашуви: дил (тил), гэл (кел);
- г) қаратқич келишиги формасининг -ынг // -инг шаклида ишлатилиши;
- д) жўналиш келишиги аффикснинг -а// -ә шаклида ишлатилиши;
- е) бол феълидаги б нинг тушиши: бол > ол кабилар.

Назорат топшириқлари

1. Олимлар томонидан қилинган таснифларни ўрганиш ва уларнинг бир-биридан фарқланишини билиб олиш.
2. Фози Олим таснифини амалий жиҳатдан ўрганиш ва унинг қисмларини фарқлай билиш. Фози Олим таснифидаги турк-барлос шевалари ва қипчоқ шевалари ўртасидаги тафовутни дафтарга ёзib амалий соатда сўзлаб бериш.
3. Таснифлар юзасидан картотекалар тайёрлаш ва 5 та кўргазмали қурол ишлашни талабаларга вазифа қилиб топшириш.
4. Ўзингиз яшаб турган қишлоқ шаҳар, туман шеваси тасниф бўйича қайси бирига алоқадорлигини исботланг.

3- асосий савол

Ўзбек диалектологиясининг XX асрнинг 60 йилларидан кейинги ютуқлари. Миллий истиқтол ва ҳалқ шевалари равнақи масалалари.

Ўқитувчининг мақсади: Ўзбек ҳалқ шеваларининг ўрганилиш босқичлари, айниқса XX асрнинг 60-йилларидан сўнг ҳалқ шеваларининг ўрганилиши билан боғлик масалаларни талабалар онгига сингдириш. Турли даврдаги тилшунос-диалектологлар асарларига шарҳ

бериш орқали талабаларни хабардор қилиш. Миллий истиқлол шарофати билан халқ шеваларининг истиқболларини белгилаш, муаммоларни талабаларга етказиш.

ИДЕНТИВ ЎҚУВ МАҚСАДИ

3.1. XX асрнинг 60-йилларидан сўнг ўзбек шеваларининг ўрганилиш аҳволини билади.

3.2. Диалектолог олимларнинг асарлари орқали ўзбек халқ шеваларининг тарқалиш ҳудудини аниқлади.

3.3. Шўролар давридаги халқ шеваларининг ўрганилишини миллий истиқлол даври билан таққослайди, ютуқларини исботлайди.

60-йиллар ўзбек диалектологияси тараққиётида муҳим ўрин тутган, кўплаб диалектологик кадрлар етишириб берган Россия ва Ўзбекистон Фанлар Академиясининг мухбир аъзоси А.К. Боровковдир. У факат ўзбек диалектологиясида эмас, умуман, ўзбек тилшунослиги фанининг тараққиётида муҳим ўрин тутади. Чунки ўзбек тилшунослигининг ҳамма соҳалари бўйича чуқур илмий асосга қурилган асарлар яратди.

Олим ўзбек диалектологиясининг улкан мутахассиси сифатида кўлгина асарлар яратди, ўзбек шеваларини тасниф қилди. Унинг соғ диалектологик асарларига «Вопросник для собирания материалов по узбекском говорам», «К характеристике узбекских «умлаутных» или «уйгуризованных» говоров», «Вопросы классификации узбекских говоров», «Узбекское говоры Наманганской области» кабиларни киритиш мумкин.

Мазкур ишларда олим ўзбек шеваларининг фоят хилма-хиллигини, уларни тасниф қилиш масалаларини ёритди. «Вопросник для собирания материалов по узбекским говорам» да эса биринчи тажриба сифатида савол-жавоблардан иборат анкета усулини қўллаб кўрди. Бу билан олим ўзбек шеваларини лингво-географик усулда ўрганиш ишига ҳам асос қўйди. А.К. Боровков ўз қарашларида ўрта ўзбек диалекти вакиллари билан қипчоқ лаъжаси вакилларининг қадимги вақтлардаётқаралашибу жараёни ўтганига ишора қиласди.

30 йиллардан бошлаб профессорлар Е.Д. Поливанов, Фози Олим, К.К. Юдахин, А.К. Боровков билан бирга ўзбек шеваларини ўрганишда жуда катта ишларни бажаришган. Россия Педагогика Фанлар

Академиясининг ҳақиқий аъзоси, Ўзбекистонда хизмат кўрсатган фан арбоби, профессор В.В. Решетовдир. В.В. Решетов олиб борган илмий диалектологик тадқиқотлар Ватан урушидан кейинги даврнинг характерли хусусиятларидан бўлиб, кўплаб диалектологик кадрларни тайёрлади.

В.В. Решетов хилма-хил ўзбек шеваларининг фонетик, морфологик ҳамда лексик хусусиятларини ёритадиган ишларини Иккинчи жаҳон уруши арафаларида бошлаган эди. Унинг «Некоторые замечания по консонантизму и морфологии маргеланского говоре узбекского языка», «К вопросу о термине «Курама» и о «кураминах», «Классификация узбекских говоров Ангренской долины», «К вопросу об изучении узбекских народных говоров», «О диалектной основе узбекского литературного языка», «Кураминские говоры Ташкентской области». Фонетическая и морфологическая система», «О Наманганском говоре узбекского языка», «Состояние и задачи узбекской диалектологии», «О диалектологическом атласе узбекского языка», «Ўзбек диалектологияси», «Ўзбек тилининг қорлуқ-чигил-уйғур лаҳжаси», «Ўзбек шеваларининг таснифи» каби бир қанча асарларида ўзбек диалектологиясининг тараққиётига хос хусусиятларни ёритди.

Олимнинг бевосита раҳбарлигига диалектологик кадрлардан фан докторлари етишиб чиқди. В.В. Решетов ёзган илмий-диалектологик асарлар ўзбек тилининг икки йирик ва етакчи компоненти: қорлуқ-чигил-уйғур ва қипчоқ лаҳжасини ёритишга бағишлиланган бўлиб, мазкур лаҳжаларнинг тараққиётига доир оригинал фикрларни олға суради. В.В.Решетов ўз асарларида ўзбек тили диалектал компонентларининг ўзаро муносабатига маълум даражада эътибор билан қарайди.

Хуллас, ўзбек диалектологиясининг Иккинчи жаҳон урушидан кейинги давр тараққиётининг бутун йўналиши В.В.Решетов фаолияти билан чамбарчас боғлангандир.

Ўзбек диалектологиясида ўзининг умумлаштирувчи характердаги илмий тадқиқотлари билан муҳим аҳамият касб этган олимлардан бири — Ўзбекистон Фанлар Академиясининг академиги Ш. Шоабдураҳмоновдир.

Ш. Шоабдураҳмонов марказий шаҳар шеваларининг ўзбек адабий тилига муносабати масаласини ёритиш билан бирга, шеваларнинг адабий тилга таъсири масаласини ҳам ишлаб чиқди. Баъзи бир олимлар

шеваларнинг адабий тилга таъсири, ҳатто шевалардан адабий тилга «ҳеч оладиган нарса қолмаган» деб айтишга журъат этган бир вақтда шеваларнинг таъсири, адабий тилни бойитиш кучи сақланиб қолажагини олим таъкидлади. Бизнинг фикримизча ҳам, ўзбек шевалари ўзбек адабий тилининг ривожланишида ички етакчи имкониятларнинг асосий базаси бўлиб қолади.

Ш. Шоабдураҳмонов ўзининг «Ўзбек шеваларининг лексик составини ўрганиш масалаларига доир», «Изучение и задачи узбекской диалектологии», «Ўзбек диалектологияси» (В.В. Решетов билан бирга), «Ўзбек адабий тилининг шеваларга муносабати», «Шаҳар шевалари лексикасидан», «Узбекский литературный язык и его влияние на говоры», «Ундошларнинг ўрин алмашуви» (метатеза), «Таянч шевалар фонетикасидан», «Ўзбек адабий тили ва ўзбек ҳалқ шевалари», «Диалектное членение узбекского языка», «Ўзбек диалектологияси ва навбатдаги вазифалар», «Развитие диалектологической науки в Узбекистане», «Ўзбек шаҳар шевалари таснифи», «Ўзбек шеваларида лексик мослик ва уларнинг адабий тилда нормасини белгилаш», «Ўзбек тилининг диалектологик атласи», «Об атласе узбекских народных говоров» каби муҳим илмий мақолалари билан диалектология фанининг кейинги тараққиёти йўналишини белгилашга улкан ҳисса кўшмоқда.

Худудий диалектларни атрофлича ўрганиш ишларини амалга оширишда профессорлар Ф.А. Абдуллаев, М. Мирзаев, А. Алиев, А. Шерматов, Б. Жўраев бажарган ишлар фоят муҳим аҳамиятга эгадир. Ўзбек шевалари лексикасини ўрганишнинг йўналишини белгилашда С.И. Иброҳимовнинг ишлари етакчи роль йўнайди.

Ўзбек диалектологиясида қипчоқ лаҗжаси ўзининг диалектал ва худудий хусусиятлари билан ажralиб туради. Қипчоқ диалектлари бўйича йирик илмий-тадқиқот ишларини олиб борган олим X. Дониёров ва Н. Ражабовлардир.

Ҳозирги вақтда ўзбек диалектологиясининг турли соҳалари бўйича иш олиб бораётган диалектологлардан Н. Ражабов, Қ. Муҳаммаджонов, О. Мадраҳимов, А. Жўраев Ш. Носиров, Й. Иброҳимов каби олимларни ҳам алоҳида таъкидлаб ўтмоқчимиз, чунки номлари қайд этилган кишилар Тошкент, Қўқон, Қашқадарё, Хоразм (ўғуз), қўшни Қозогистон, Қирғизистон ва Қорақалпоғистон республикасидаги ўзбек шеваларининг фонетик, морфологик структураси, лексикаси, диалектал лексикасининг айrim қатламларини қиёсий-тарихий усулда ёритиш бўйича иш олиб бордилар ва бормоқдалар.

Шу билан бирга, ўзбек тилининг диалектологик атласини тузиш бўйича ҳам жиддий тайёргарлик ишлари давом этмоқда.

Назорат топшириқлари

1. XX асрнинг иккинчи ярмида ўзбек шеваларини ўрганган олимларнинг асарларини конспектлаштириш.
2. Миллий истиқолол ва ўзбек халқ шевалари мавзусида реферат ишини ёзиш (ижодий ҳолда).
3. Ўзбек диалектологиясининг ярим асрлик ютуғи мавзусида диалектологик харита тузиш.
4. Ўзбек шеваларининг 60-йиллардан сўнгги ютуқлари ҳақида фикрингизни ёзма баён қилинг.

Фойдаланиш учун адабиётлар

1. *Решетов В.В., Шоабдураҳмонов Ш.* Ўзбек диалектологияси. Тошкент, 1978.
2. *Ғози Олим.* Ўзбек лаҗжаларининг таснифидан бир тажриба. Тошкент, 1936.
3. *Ражабов Н.* Ўзбек тилшунослигининг 60 йиллик тараққиёти тарихидан. Самарқанд, 1982.
4. *Шерматов А.* Қашқадарёдаги ўзбек халқ шевалари. Тошкент, 1981.
5. *Решетов В.* Ўзбек шеваларининг классификацияси. ЎТА, 1-сон, 1966.
6. «Ўзбек тили ва адабиёти» журналининг кейинги 10 йиллик сонларидан ўзбек диалектологиясига оид қисмларини кенспектлаштириш.

4-МАВЗУ. ҚОРЛУҚ ЛАҲЖАСИ

Асосий саволлар:

1. Қорлуқ лаҳжасининг фонетик хусусиятлари.
2. Қорлуқ лаҳжасининг лексикаси.
3. Қорлуқ лаҳжасининг морфологик хусусиятлари.

Таянч тушунча ва иборалар:

Қорлуқ-чигил-уйғур, чигатой, турк-барлос, ўрта-ўзбек, Тошкент шеваси, Фарғона шеваси, Андижон шеваси, Наманган шеваси, Жиззах шеваси, Бухоро шеваси, Қарши шеваси, Қорлуқ лаҳжасининг фонетик

хусусиятлари, қорлуқ лаðжаси лексикаси, қорлуқ лаðжасининг морфологик хусусиятлари, қорлуқ лаðжасидаги сўзларнинг ўз шевангизга муносабати, ҳозирги адабий тилга муносабати.

1- асосий савол бўйича ўқитувчининг мақсади: Қорлуқ гуруҳ шевалар хақида маълумот бериш. Уларнинг фонетик хусусиятларини шарҳлаш. Бошқа лаðжалар ва ўзбек адабий тили билан қорлуқ лаðжасининг муносабатини белгилаш.

ИДЕНТИВ ЎҚУВ МАҚСАДЛАРИ

- 1.1. Қорлуқ лаðжаси хақида қисқача маълумот беради.
- 1.2. Қорлуқ гуруҳ шеваларининг унлилар тизимини шарҳлайди.
- 1.3. Қорлуқ гуруҳ шеваларининг ундошлар тизимини изоҳлайди.
- 1.4. Қорлуқ гуруҳ шеваларининг ўзбек адабий тили билан фонетик муносабатини белгилайди.

1-асосий саволнинг баёни:

Қорлуқ лаðжаси (Ш.Шоабдураҳмонов бўйича, В.В. Решетов бўйича «қорлуқ-чигил уйғур», Е.Д. Поливанов бўйича «чиғатой», Ф.О. Юнусов бўйича «турк-барлос», А.К. Боровков бўйича «ўрта ўзбек» атамалари кўлланилади). Қипчоқ ва ўғуз лаðжалари билан бирга ўзбек тилининг шаклланишида муҳим ўрин тутади.

Қорлуқ лаðжасини бир қанча гуруҳларга ажратиб кўрсатиш мумкин.

1. **Фарғона гуруҳи** — Наманган диалекти (Наманган, Уйчи, Чорток шевалари кириб, улар уйғур тилига яқин), Андижон-Шаҳриҳон диалекти (Андижон шаҳар шеваси, Шаҳриҳон шеваси киради), Ўш-Ўзган диалекти, Марғилон-Қўқон диалектларини ўз ичига олади.

2. **Тошкент гуруҳи** — Тошкент (Пскент, Паркент, Қорахитой шевалари киради), Жиззах диалектиларини ўз ичига олади.

3. **Қарши гуруҳи** — Қарши диалекти (Қарши, Шаҳрисабз, Китоб, Яккабоғ шевалари) Самарқанд-Бухоро диалекти (Самарқанд, Бухоро, Хўжанд, Чуст, Косон шевалари)ни ўз ичига олади.

Қорлуқ лаðжасининг унлилар тизими қипчоқ ва ўғуз лаðжаларининг унлилар тизимидан бирмунча фарқи кўзга ташланади. Буни қуйидаги жадваллардан аниқ илғаш мумкин.

Тошкент диалекти унлилар тизими

Тил олди	Индифферент	Тил орқа
Тор	ъ	(ы) У
Ярим тор	е	ö
Кенг	ə	ɔ

Фарғона диалекти унлилар тизими

Тил олди	Индифферент	Тил орқа
Тор	ў	<ў>{ы}
Ярим тор	е Θ	о
Кенг	ə	а ɔ

Андижон диалекти унлилар тизими

Тил олди	Индифферент	Тил орқа
Тор	ў	<ў> <ь>
Ярим тор	е Θ	о
Кенг	ə	а ɔ

Наманган диалекти унлилар тизими

Тил олди	Индифферент	Тил орқа
Тор	{ў}	<ў>
Ярим тор	е {Θ}	о
Кенг	ə	а ɔ

Бу унлиларни ҳозирги ўзбек адабий тилидаги унлилар билан қиёслайдиган бўлсак, мазкур шеваларда унлилар адабий тилдагидан камроқ. Чунки ҳозирги ўзбек адабий тилида худди эски ўзбек тилидагидек 9 унли товуш мавжуд. Аммо улар б та ҳарф билан ифодаланади.

Ўзбек шевалари ундош товушлар тизими жиҳатидан ҳам ўзаро фарқланади. Чунончи, Тошкент ва Фарғона гурӯҳ лаҗжаларда лабтиш **ф** ва **в**, тил олди сирғалувчи **ж**, аффрикат **ц**, бўғиз **ҳ** ундошлари йўқ.

Бу ундошлар табиатан ўзига яқын бўлган бошқа товушлар билан алмашади: **фойда > пәйдә, вагон > ввәгән, цирк > серк, ҳозир > хәзир.**

Лаб-лаб, жарангсиз {П} ундоши сўзнинг барча ҳолатида кела олади: **пәхта / пахта, ъпәк / ипак, қәп / қоп.** Фарғона лаҳжасида сўз ўртасида баъзан жарангиз п ундош жарангли **в** ундошига ўтиши мумкин: Тепа > төвә.

Лаб-лаб, портловчи, жарангли {б} ундоши адабий тилда сўзнинг барча ҳолатда кела олгани ҳолда, лаҳжада сўз охирида учрамайди. Сўз охирида ва сўз бошида кўпинча **б > в** фонетик жараёни юз беради: тэшбақа > тәшвәқә, ләб > ләв, хәбәр > хәвәр.

Тошкент, Фарғона, Андижон шеваларида **б > м** фонетик жараёни мавжуд: **бунъ > муунъ, бурун > мурун.**

Самарқанд - Бухоро гуруҳ шеваларда лаб-тиш [Ф] товуши мавжуд: афт, ҳафта, сафәл.

Тошкент -Фарғона гуруҳ шеваларда [Ф] товуши[П] товушига ўтади: **къфт > къит, касофат > кәсәпәт.**

Шаҳар гуруҳ шеваларда лаб-лаб, сирғалувчи, жарангли [в] ундоши адабий тилдаги ушбу товушдан деярли фарқ қилмайди: **вәдж // вадж, савут // савуқ, ъков // ъккав.**

Лаб-лаб, бурун, сонор **М** ундоши Тошкент лаҳжасида баъзан «**в**»га ўтади: **кўрдъмъз > кўрдъвуз қ, кўрдувзә.**

Андижон шевасида **м>н** жараёнини ҳам учратиш мумкин: **момагулдърәк > намәгулдърәк.**

Фарғона, Андижон, Кўқон шеваларида **м>п** фонетик жараёни мавжуд: **борйәпмән > борйәппән, кетйәпмән > кетйәппән.**

Тил олди, жарангсиз т ундоши сўзнинг барча ҳолатида кела олади: **тъл-тил, қаттуғ // қатъқ-қаттиқ, тәл-тол.**

Баъзан т>ч фонетик жараёни учрайди: **туш > чуш, тыш > чыш.**

Лаҳжада жарангли [д] ундоши сўз охирида унлидан сўнг кўпинча тушади ёки жарангсиз [т]га ўтади: **хурсанд > хурсән, баланд > бәлән, абад > эват.**

Тил олди, жарангсиз, аффрикат [ч] ундоши сўзнинг барча ҳолатида қўлланилади. **Чөл || чол, кечә, уч.** Лаҳжадаги [ч] ўзбек адабий тилида [с] ундоши билан алмашинади: чөч, чөчуғ (тошкент)// чөч, чачъқ (Фарғона)//соч, сочиқ (ўзбек адабий тилида).

Тил, олди, жарангли, аффрикат [Ж] ундоши сўзниг барча ўрнида кела олади: **жәғ // жақ, пәнжө.**

Тил олди, сирғалувчи, жарангсиз [С] сўзниг уч ҳолатида ҳам иштирок этади: сәман (Тошкент), сәман (Фарғона), самән (Бухоро).

Тил олди, сирғалувчи, жарангли [З] ундоши шаҳар гуруҳ шеваларда сўз охирида ярим жарангсизлашади: йуз^c (юз), бъз^c (биз).

Тил олди, сирғалувчи, жарангсиз [Ш] ундоши сўзниг барча ўринларида қатнашади: шәмол (Тошкент) шәмал (Фарғона) шамол (Бухоро) бәш.

Тил олди, сонор, бурун (**и**) ундоши сўзниг ҳар уч ҳолатида кела олади: **иән, әнәр** (Тошкент), **иән, әнар** (Фарғ). Тошкент шевасида қўшимчанинг бошидаги [**и**] ўзак охиридаги товуш билан мослашади: тузнъ > туззъ, этнъ > эттъ, тәмнъ > тәммъ, темирнъ > темърръ, оқнъ > оққъ, ошнъ > эшшъ.

[қ, ғ, қ, ғ] товушларидан олдин [**и>и**] фонетик жараёни юз беради: чәнқәш > чәнқәш, қўнғиз > қонғъз, тўнка > тонка, сенга > сенгә.

[б] товуши олдидан [**и>м**] фонетик жараёни кўзга ташланади: **шәнбә > шәмбә, онбър > омбър.**

Тил олди, ён, жарангли [**л**] ундоши сўз боши, ўртасида, охирида қўлланилади: **ләгән, бәлә // бала, қол.**

Тошкент шевасида бир бўғинли сўзларнинг охирида (хусусан феълларда) [**л**] ундоши қатъий эмас: масалан : **эл>о, бол>бо, қол>қо.**

Сонор, титроқ, тил олди [**р**] ундоши сўз ичидаги баъзан [**и**] га ўтади: кәрнәй > кәннәй, турнә > туннә.

Баъзан [**р>t**] жараёни учрайди: **бъртә > бъттә.**

Тошкент шевасида кўплик қўшимчасидаги [**р**] нинг тушиш ҳолати учрайди: **бәләләр > бәләлә // бәллә.**

Тил ўрта, сирғалувчи, жарангли [**й**] ундоши сўзниг ҳамма ҳолатида кела олади: **йәш // йәш, суйуг // суйу, сой.**

Жарангсиз, портловчи, тил орқа [**к**] ундоши сўз боши, ўртаси, охирида қўлланилади: **кек, ъккъ // еккъ.**

Тошкент шевасида кўп бўғинли сўзларда [**э**] ва [**ъ**] унлилардан сўнг [**к > й// в**] фонетик жараёни юз беради: **тәрәк > терәй, бъләк > бъләй, кучук > кучув.**

Тил орқа, жарангли, портловчи [**ғ**] ундоши сўз боши, сўз ўртасида келгани ҳолда, сўз охирида қўлланилмайди: гөш (гўшт), егәр (эгар).

Үзлашган сўзларда сўз охиридаги [г] товуши [к] ёки [й]га алмашади:
барг (форс) **бәк** > **бәй**.

Сўз ўртасида [г>й] фонетик жараёни учрайди: съгър > съйър.

Чукур тил орқа, портловчи, жарангиз [к] ундоши сўзнинг уч ҳолатида ҳам кела олади: **қор** // **қар**, **тәқә** // **тақа**, **оқ**.

Тошкент шевасида кўп бўғинли сўзларда [к] товуши сўз охирида келмайди.

Сўз ўртасида жарангиз ундошдан олдин баъзан [қ>х]жараёни юз бериши мумкин: **тоқсан** > **тоҳсан**, **чъқсын** > **чъҳсън**.

Баъзан [к] [ф] ундошларнинг алмашиниб кўлланилиши, баъзан [қ>ғ] фонетик жараёни кўзга ташланади: **булоқ** // **булоғ** (Фарфона, Андижон). **булғ** // **булғ** (Тошкент); **булғқ** >**булағъ**, **ортак** > **ортагъ**.

Чукур тил орқа, портловчи, жарангиз [х] ундоши ҳам сўзнинг ҳар уч ҳолатида кела олади: **ҳәт** // **ҳат**, **зәҳчә**, **мъҳ** (Самарқанд, Бухоро).

Чукур тил орқа, жарангли [F] ундоши шаҳар гуруҳ шеваларида сўзнинг барча ўрнида ишлатилади: **ғоз**, **тәға**, **бәғ**, Тошкент шевасида жарангли [f] ундоши бир бўғинли сўзларда [ъ, ү] қисқа унлилардан сўнг **[туғ**, **йъғ]** учрайди. Қолган ҳолатларда жуда кучсиз талаффуз этилади.

Тил орқа бурун **[и-иғ]** ундоши сўз ўртаси ва охирида кела олади: **йенъ** // **йәнъ**, **чән**.

Бўғиз, сирғалувчи, жарангиз [х] ундоши Тошкент шевасида кўпроқ [х] га мойилроқ талаффуз этилади.

Лаҳжадаги ундошлар жядвали

Лаб ундошлари: П, Б, (Ф), В, М.

Тил олди: Т, Д, Ч, Ж, С, З, Ш, (Ж), Н, Л, Р.

Тил ўрта: Й.

Тил орқа: К, Г, Н.

Чукур тил орқа: Қ, Ф, Х.

Бўғиз: Ҳ, [Х].

Назорат топшириқлари

1. Қорлуқ лаҳжаси ҳақида билганларингизни баён қилинг (категория — билиш).
2. Қорлуқ гуруҳ шеваларининг унлилар тизимини шарҳланг (категория — билиш).

3. Шевалардаги унлиларни бир-бири билан қиёслашга ҳаракат қилинг (категория — билиш).
4. Шевалардаги унлилар тизимини адабий тилдаги унлилар тизими билан қиёсланг (категория — билиш).
5. Лаҳжадаги ундошлар тизимини изоҳланг (категория — билиш).
6. Ундошларда юз берадиган товуш жараёнларини шарҳланг (категория — билиш).
7. Ундошлар бўйича шевалараро муносабатни белгилашга ҳаракат қилинг (категория — билиш).
8. Ундошлар тизими юзасидан лаҳжа ва адабий тил муносабатини белгилашга ҳаракат қилинг (категория — билиш).

2- асосий савол бўйича ўқитувчи мақсади: Қорлуқ гуруҳ шевалар лексик хусусияти ҳақида умумий маълумот бериш. Қавм-қариндошлик атамалари юзасидан шарҳ. Ўз ва ўзлашган қатламлар ҳақида изоҳ. Лаҳжа лексикасининг баъзи ўзига хосликлари ҳақида.

ИДЕНТИВ ЎҚУВ МАҚСАДЛАРИ

- 2.1. Қорлуқ лаҳжаси лексикаси ҳақида умумий тушунча.
- 2.2. Лаҳжадаги баъзи атамаларни шарҳлайди.
- 2.3. Лаҳжадаги ўз қатлам ва ўзлашган қатламлар ҳақида изоҳ беради.
- 2.4. Лаҳжа лексикасининг ўзаро ва ўзгаларга муносабатини белгилайди.

2-асосий саволнинг баёни:

Қорлуқ лаҳжасига киравчি шеваларнинг лексикаси хилма-хил ва бошқалар. Айни пайтда уларнинг лексик қатламлари ҳам турли-туман.

Улар турли даврларга хос бўлганидек, барча соҳаларга тегишли. Чунончи, лаҳжада қавм-қариндошлик атамалари ўзбек адабий тили билан баъзан умумийлик касб этганидек, айрим ўзига хослиги билан ҳам ажralиб туради. Масалан, әтә// ўзбек адабий тилида ота, әнә // адабий тилда она, оғыл //. Ўзбек адабий тилида ўғил, қъз // ўзбек адабий тилида қиз ва бошқалар.

Шунингдек, айрим шеваларда баъзи атамалар ўзига хос тарзида кўлланилади. **Кәтәтә > кәттә:** (<кәттә этэ) (анд.)-бувә (Тошкент), кәттәнә (<кәттә энә), (Анд)-бувъ (Тошкент), әпәқъ, тәғә, әмәқъ, хәлә, кельн, куйәв, жыйән, қәйнәнә, қәйнәтә, қәйнъинъ, қәйнъсыңыл, қәйнәғә, қәйнәгәчъ ва бошқалар.

Турмуш тарзи билан боғлиқ ҳолда кишиларнинг худудларда қайси соҳа билан шуғулланишига қараб, ўша соҳани акс эттирувчи атамалар кўп қўлланилади. Масалан, **кулун** (йилқининг бир ёшгача бўлган боласи), **кәлтәтәй** (бир ёшдан икки ёшгача), **гунән** (иккidan уч ёшгача), **дөнан** (учдан тўрт ёшгача), **бота** (туяниг бир ёшгача боласи), **тайлақ** (бир ёшдан икки ёшгача), **нар** (тўрт ёшгача эркак тuya), **тоқлу** (икки ёшгача бўлган қўй), **ҳышшәк** (уч ёшгача) ва бошқалар.

Фарфона водийсида паҳтачилик ривожланганлиги сабабли шу соҳага оид атамалар мўл. Масалан, **пәхта**, **ҳөппәк**// **лөппәк** (лўппак), **ғоза**, **шәнэбәрг** (шонабарг), **бешэмәк** (бешамак), **көсәк**, **көрәк**, **элақарақ** (олақароқ), **ърджақ**(иржоқ), **чувъмә** (чувима) ва бошқалар.

Ўлчов бирликлари: пәйсә (пайса), қадақ (қадоқ), бәтмән (ботмон), тәш (тош), чақърим (чақирим). Бу атамалар ҳозир асосан кексалар нутқида ишлатилади, холос.

Лаҳжа лексикаси туркий сўзлар (ўз қатлам) ва ўзлашган қатламдан ташкил топган.

Туркий қатлам: **Баш**, **йўрәк**, **бър**, **бор** (Тошкент Андижон), **мән** (Тошкент), **мен** (Андижон). **Ўғыл** (Тошкент), **օғул** (Фарфона, Андижон), **ўчә** (Тошкент), **очақ** (Фарфона), **ўпкә** (Тошкент), **өпкә** (Фарфона) **ўрә** (Тошкент), **орақ** (Фарфона), **ўрдәй** (Тошкент), **өрдәк** (Фарфона), **чәч** (Тошкент), **чач** // **чәч** (Фарфона, Андижон), **сър** (Тошкент, Фарфона), **сәмән** (Тошкент), **сәман** (Андижон), **чъқән** (Тошкент), **чъчқан** (Андижон), **тъләй** (Тошкент), **тәрә** (Тошкент), **тарақ** (Фарфона), **тузлу** (Тошкент), **узъм** (Тошкент), **ўзўм** (Фарфона), **кәкрә** (Тошкент), **чугурчу** (Тошкент), **чъғърчъқ** (Фарфона), **съгър** // **съйър** (Тошкент, Фарфона), **сүмәй** (Тошкент), **шумәк** (Фарфона), **чушәй** (Тошкент), **тошәк** (Фарфона), **қуло** (Тошкент), **қулақ** (Фарфона Андижон), **қуду** (Тошкент), **қудуг** (Фарфона), **қарыш** (Тошкент), **пъчә** (Тошкент), **пъчақ** (Фарфона), **эрү** (Тошкент), **аръқ** (Фарфона), **бешув** (Тошкент), **бөшък** (Фарфона), **бутә** (Тошкент), **бутақ** //**путақ** (Фарфона), **бәлчу** // **бәлчүғ** (Тошкент), **қәпкә** (Тошкент), **қапқақ** (Фарфона), **әлмә** (Тошкент, Фарфона), **әмәч**// **әмәш** (Тошкент, Фарфона), **әйә**, (Тошкент), **әйақ** (Фарфона), **әғъз** (Тошкент, Фарфона), **етув** // **ўтув** (Тошкент), **енгтәй** (Тошкент), **ъйәк** (Фарфона), **къғъз** // **къйъз** (Тошкент, Фарфона), **къпрәй** (Тошкент), **кърпък** (Фарфона), **кірпік** (МК. 1, 443), **кәпәләй** (Тошкент), **кәпәләк** (Фарфона), **кәпәли** (МК.1, 149), **ъсъруғ** (Тошкент), **йсріқ** (МК.1.125), **жър** (Тошкент), **jip** (МК.1.313), **буқър** (Тошкент), **буқръ**

(Фаргона), **бўқрі** (МК.1.366), **бутә** (Тошкент), **бутақ** (Фаргона), **бутақ** // **бутіқ** (МК.1.358), **бъләй** (Тошкент), **бъләк** (Фаргона), **біләк** (МК.1.366), **чучув** (Тошкент), **сүчік** (МК, 1.382), **үйәлдь** (Тошкент), **үйаттъ** (Фаргона), **үйатті** (МК.1, 222), **уннъқтъ** (Тошкент), **унуқті** (МК.1.223), **ектъ** (Тошкент, Фаргона), **екді** (МК.1. 180), **ъшләндъ** (Тошкент), **ишләлді** (МК.1.290), **йә:ладъ** // **йъғләдъ** // **йъғләдъ** (Тошкент), **іғлагі** (МК, 1, 283), **бәрьш-кельш** (Тошкент), **кәліш-барыш** (МК.1, 351), **ънәндым** (Тошкент), **ънандым** (МК, 1, 213), **ъстәдъ** (Фаргона), **истәдү/иртаді** (МК, 1, 270), **элқымәқ** (Тошкент), **алқышдә** (МК.1.240).

Табиийки, лаҗжадаги ўзаро ёки ёдгорликлар билан юз берган тафовутлар сўзларда фонетик ўзгаришлар, фонетик жараёнлар билан кўпроқ боғлиқ. Баъзан сўзлардаги семантик маъно муносабати ҳам ўзаро тафовутни юзага келтирган.

Ўзлашган қатлам: Ўзлашган қатлам нафақат адабий тилда, балки лаҗжаларда ҳам анчагина бўлиб, баъзан уларни аниқ қайси қатламга тегишилигини аниқлаш ҳам қийин. Ҳозирги ўзбек адабий тили ва шаҳар гурӯҳ шеваларда шундай ўзлашган сўзлар мавжудки, улар худди ўз қатламидай бўлиб кетган. Масалан, **мәл** (Тошкент, Фаргона), адабий имлода **мол** (арабча), **мъхнат** (Тошкент) адабий имлода **меҳнат** (арабча), **ғэм** (Тошкент), **ғам** (Фаргона) (арабча), **зэръл** (Тошкент) адабий имлода **зарур** (арабча), **әзъз** (Тошкент, Фаргона), адабий имлода **азиз** (арабча), **ънәғәм** (Тошкент), адабий имлода **инъом** (арабча), **жувол** (Тошкент, Фаргона) адабий имлода **жавоб** (арабча), **қъмат** (Тошкент), адабий имлода **қиммат** (арабча), **нәхт** (Тошкент), адабий имлода **нақд** (арабча), **умър** (Тошкент) адабий имлода **умр** (арабча), **мә:лум** (Тошкент), адабий имлода **маълум** (арабча), **ҳәвәр** (Тошкент), адабий имлода **ҳабар** (арабча), **ҳайвән** (Тошкент), адабий имлода **ҳайвон** (арабча), **дәрәх** (Тошкент), **дарак** // **дараж** (Андижон, Фаргона), адабий имлода **даражат** (тожикча), **ләдән-нәдән** (Тошкент, Фаргона), адабий имлода **нодон** (тожикча), **тез** (Тошкент, Андижон, Фаргона). Адабий имлода **тез** (тожикча), **бечәрә** (Тошкент), адабий имлода **бечора** (тожикча), **дәрїә** (Тошкент), **дәйрә** (Андижон). Адабий имлода **дарә** (тожикча), **шәхәр** // **шәэр// шә:р** (Тошкент), адабий имлода **шаҳар** (тожикча), **дос** (Тошкент), адабий имлода **дўст** (тожикча), **нәрх** (Тошкент), **нәх** (Андижон). Адабий имлода **нарх** (тожикча), **гош** (Тошкент), адабий имлода **гўшт** (тожикча), **мәйдон** (Тошкент) адабий имлода **майдон** (тожикча), **бәзәр** (Тошкент), **бәзар** (Андижон). Адабий

имлода **базор** (тожикча), **докән** (Тошкент), **декен** (Андижон). Адабий имлода **дўкон** (тожикча), **чърә** (Тошкент), **чърак** (Андижон), адабий имлода **чиrok** (тожикча), **шәгут** (Тошкент), адабий имлода **шогирд** (тожикча).

Араб тилидан ўзлашган сўзлар шева вакиллари нутқида худди ўзбекчадек сингиб кетган. Масалан: **мъхнатчъ** (Тошкент) (<ар. меҳнат+ўзб-чи), **дәвләтлъ** (<ар. давлат+ўзб-ли), **ғәйрәтлъ** (<ар. гайрат+ўзб-ли), **хәқсъз** (<ар. ҳәқ+ўзб.-сиз), **ъхтыйатлъй** (<ар. эҳтиёт+ўзб-лик), **рәзъльй** (<ар. Рози+ўзб.-лик), **мә:мурчълъй** (ар. маъмур+ўзб-лик), **шәхәпчэ** (<ар. шаҳоб+ўзб-ча), **ҳазирги** (ар. ҳозир+ўзб-ги), **әнъқләш** (<ар. аниқ+ўзб-лаш), **тәрбыйәлә** (<ар. тарбия+ўзб.-ла) ва бошқалар.

Лаҳжада араб сўзлари ўзагига тожикча кўшимчалар ёки арабча ва тожикча аралаш кўшимчалар қўшилган сўзлар ҳам учрайди. Масалан: **бетәқат** (Тошкент) (< тож. Бе-+ ар. тоқат), **бепаҳъм** (< тож. бе-+ар. фаҳм), **бәләгәрдән** (< ар.+тож.), **вәсъйәтнәмә** (< ар+ тож.), **қъвләгәй** (< ар+ тож.), **асләдә** (< ар+ тож.), **қәвъшдүз** (< ар+ тож) ва бошқалар.

Ўзбек халқи билан тожик халқи жуда узоқ вақтдан бўён яқин муносабатда бўлганлиги сабабли ўзбек тилига тожик тилидан жуда кўп сўзлар ўзлашган. Шаҳар гуруҳ шеваларда исм гуруҳида ва равиш туркумида арабча сўзлар анчагина. Масалан: Тошкент шевасида **әвәз** (адабий имлода овоз), **әйнә** (адабий имлода ойна), **әгә:** (адабий имлода огоҳ), **әрәм** (адабий имлода ором), **әрзъ** (адабий имлода орзу), **әптәв** (адабий имлода офтоб), **бәднәм** (адабий имлода бадном), **бәттәр** (имлода баттар), **бәзъм** (имлода базм), **бәндә** (имлода банда), **бәнгъ** (имлода банги), **бәй** (имлода барг), **быйәвон** (имлода биёбон), **бегәнә** (имлода бегона), **бемәр** (имлода бемор), **бечәрә** (имлода бечора), **қәләндәр** (имлода қаландар), **дәрәмат** (имлода даромад), **дәш** (имлода дашт), **әндәзә** (имлода андоза), **әндъшә** (имлода андиша), **әрмән** (имлода армон), **зә** (имлода зоф), **зәбәрдәс** (имлода забардаст), **нәрвән** (имлода нарвон), **кәптәр** (имлода кантар), **гәрдән** (имлода гардон), **гъйә** (имлода гиёҳ), **гәвҳәр** (имлода гавҳар), **ләрзә** (имлода ларза), **нәзәнтын** (имлода нозанин), **нәврўз** (имлода наврўз), **пәйәндәз** (имлода поёндоз), **пәймән** (имлода паймон), **рәвән** (имлода равон), **рәвшән** (имлода равшан), **тәшнә** (имлода ташна) ва бошқалар.

Тожик тилидан ўзлашган сўзлардан баъзилари айрим сўзларнинг ҳосил бўлишига асос сифатида ҳам хизмат қиласи. Масалан, дутәрчъ (< тож.дугор+ўзб.-чи), рәхбәрлъй (тож.раҳбар+ўзб.-лик), хурсәнчътъй (< тож.хурсанд+ўзб.-чилик), әврәль (<тож.обру +ўзб-ли), пәсләшъп (<тож.паст+ўзб-ла+ш+иб), дәрәхсъз (<тож. дараҳт +ўзб-сиз) ва бошқалар.

Шевалар бир-бири билан нафақат фонетик, морфологик, балки лексик жиҳатидан ҳам баъзан фарқланади. Қиёсланг:

Тошкент шевасида:	Самарқанд шевасида:	Фарғона шевасида:
чәқәлә:	чақалоқ	бувәк
муч(ъ)чә	мусъча	мъсъөчә
қўқонджухоръ	сарджуваръ	оқ жугәръ
гәръымдэръ	қалампур	қалампър
дэвуччә	довучча	форә
қәләмчә	қаламча	чъкелдәк
әргъымчә:	аргунчак	ҳәйунчәк
духәбә	бахмал	бәркәт
ўғър	ўғур	кељ
гәшәнгә	чъмълъқ	чъмълъқ
әрқән	арқон // аргамчън	арғамчъ
зәғъзән	алашақшәқ	ҳәккә // әләккә
түвә:	қапқақ	қапқақ
өргумчәй	тәртанак	өрмәнчък
чөпчәй	матал	ертәк
чәкәй	жәқ	жағ
йелъй	Эстьнча	йенгъчә
нәрвән	нәрбән	шатъ
чумалъ	морча	чумәлък
әғъз	фалла	пәллә

Назорат топшириклари

- Лаҳжанинг лексик хусусиятлари ҳақида фикр билдиришга ҳаракат қилинг (категория — идрок).
- Қавм-қариндошлик атамаларини ўз шевангиз ва адабий тил билан қиёслаб шарҳланг (категория — идрок).

3. Касб-хунар лексикасини ўз шевангиз ва адабий тил билан қиёсан изоҳланг (категория — идрок).
4. Лаҳжалаги ўз қатламни изоҳланг. Уларнинг баъзиларини мумтоз тилимиз билан қиёсланг (категория — идрок).
5. Ўзлашган қатлам ҳақида фикр билдириng. Ўзлашиш сабабини тушунтиришга ҳаракат қилинг (категория — идрок).
6. Лаҳжага ўзлашган арабча сўзларни адабий тил билан қиёслаб изоҳланг (категория — идрок).
7. Тожик тилидан ўзлашган сўзларни адабий тил билан қиёсан шарҳланг (категория — идрок).
8. Арабча + Ўзбекча қолипни қандай изоҳлаган бўлардингиз (категория — идрок)?
9. Тожикча + Ўзбекча қолипни шарҳланг (категория — идрок).
10. Лаҳжа лексикасидаги шеваларо фарқни кўрсатишга ҳаракат қилиб кўринг. Уларни адабий тил ва ўз шевангиз билан қиёсланг (категория — идрок).

3-савол бўйича ўқитувчи мақсади: Лаҳжанинг морфологик хусусиятини изоҳлаш морфологик жиҳатдан лаҳжа ва адабий тил муносабатини белгилаш.

ИДЕНТИВ ЎҚУВ МАҚСАДЛАРИ

- 3.1. Лаҳжанинг келишиклар кўрсаткичини шарҳлайди.
- 3.2. Эгалик кўрсаткичларининг ўзига хослигини изоҳлайди.
- 3.3. Кўплик кўрсаткичларини ёритади.
- 3.4. Лаҳжада сўз ясалиши масаласини тавсифлайди.

3-асосий саволнинг баёни:

Қорлуқ лаҳжаси келишиклар категорияси жиҳатидан ўзбек адабий тилидан фарқланади. Агар ўзбек адабий тилида 6 та келишик мавжуд бўлса, мазкур лаҳжада тўрт ёки бешта.

Тошкент шевасида

Унли товуш билан
тугаган сўзга

Бош кел.
Қаратқич
Тушум кел.-нб
Жўналиш кел. -гә

Ундош товуш билан
тугаган сўзга

.....
-нб, -лб, -иб,
-зб ва бошқалар.
-гә// -кә// -қс.

Үрин-пайт кел. -дә
Чиқиш кел. -дән

-дә // -тә.
-дән// -тән.

Фарғона шевасида

Унли товуш билан
тугаган сўзга

Ундош товуш билан
тугаган сўзга

Бош кел.
Қаратқич
Тушум кел. -нѣ
Жўналиш кел. -гә
Үрин-пайт кел. -дә
Чиқиш кел. -дән

.....
-дѣ / -тѣ
-гә// -кә// -қа.
-дә // -тә.
-дән// -тән

Қарши шевасида

Унли товуш билан
тугаган сўзга

Ундош товуш билан
тугаган сўзга

Бош кел.
Қаратқич тушум кел. -нѣ
Жўналиш, Үрин-пайт кел. -гә
Чиқиш кел. -дан

.....
-нѣ // -дѣ / -тѣ
-гә// -кә// -қа.
-дан// -тан // -ман.

Шаҳар шеваларида қаратқич келишиги қўшимчаси адабий тилдан фарқли равиша ўзакнинг табиатига қараб -нъ // -дъ / -ть шаклида кўлланилади. Масалан: қарашни кўрсатмәй кеттъ (Тошкент), съзиъ өзъийзгэ мунасып (Анд). Улардъ уч оғель бар (Андижон) пъчақтъ сапъ (Фарғона).

Айрим шаҳар шеваларида қаратқич-тушум келишик қўшимчаси — нъ // -дъ / -ть. Масалан. Сен бўшъинъ тэртгэсан (Андижон). Эйнъ дэгъинъ Әльп келәсән (Наманганд). Өзъийздъ тутиңг (Андижон).

Тошкент шевасида ўзакнинг қандай ундош билан тугашига қараб тушум келишиги қўшимчаси ўзгаради: қэппъ, токъ, туттъ, тоҷжъ, кәззъ, қолъ, съммъ, темирръ, мъссы, мъххъ, ашишъ, чеччъ, оққъ, туффъ каби.

Шаҳар шеваларида жўналиш келишиги қўшимчаси ҳам турли шаклда кўлланилади. Масалан Тошкент, Фарғона шеваларида -ғә (ўйғә-уйғә), -кә (эткә), -қә (боққә).

Самарқанд-Бухоро, Қашқадарё вилоят шеваларида жүналиш келишиги қўшимчаси ўрин-пайт келишиги қўшимчасига мос келади: **әзънгтә йоқ- әләмгә йўқ** (ўзингда йўқ, оламда йўқ).

Шаҳар шеваларида ўрин-пайт келишиги кўрсаткичи ҳам кўп вариантилдири. Масалан: Тошкент, Фарғона шевасида **-дә** (баләдә), -**тә** (оттә).

Самарқанд –Бухоро шеваларида ўрин-пайт келишиги жүналиш келишиги билан алмашади. Масалан, **бу әдамлар санъ өлдънгга нъма қъладъ?** (бу одамлар сенинг олдингда нима қиласди). **Ман уйгә едъм** (мен уйда эдим). **Баччала мактабга оқуидъ** (болалар мактабда ўқииди). **Мактап шу қъашлоққа** (мактаб шу қишлоқда).

Қарши шевасида ўрин-пайт келишиги жүналиш келишиги маъносида қўлланилади. **Бу къшъ Бухәрәя йашайдъ** (Бу киши Бухорода яшайди).

Чиқиш келишиги кўрсаткичи шаҳар шеваларида ўзакнинг қайси товуш билан тугашига боғлиқ. Масалан.-**дән** // -**тән** (Тошкент. йердән, дәрәхтән), -**дан**// -**дән** // -**тан** // -**тән** (Фарғона. қолдан, көприктән), -**дан** // -**тан** /л -**нан**. (Қарши.баладан, қаламнан).

Шахс	Унли билан тугаган ўзакка		Ундош билан тугаган ўзакка	
	Бирлик	Кўплик	Бирлик	Кўплик
I	-M	-вуз// -уз -вузә// -вза	-ъM	-увуз// -у:з// -ўз// -ўвўз// -ўвўзә// -зә// -узә
II	-нг (>й)	-йъз// ъз -йлэ	-ънг(>ъй)	-ъйъз// -иъ:з// -ъз// -ълэ
III	-съ	-съ	-ъ	-ъ, лугъ// -лувъ

Эгалик кўрсаткичлари ҳам шаҳар шеваларида ўзаро фарқланади. Чунончи, Тошкент гуруҳ шеваларида эгалик қўшимчалари қуйидаги кўринишга эга.

Лаҳжада эгалик кўрсаткичи нафақат отга, балки сифатдошга ҳам қўшилади: **йыйэрънъ ѹеп, Ѣчэрънъ Ѣчъп** – еярини еб, ичарини ичиб.

I шахс кўплик -(у) вуз қўшимчаси **-миз**, **-имиз** қўшимчасидан лаблашиш натижасида келиб чиқсан: дәләмъз >дәләвуз, ўйъмъз > ўйувуз > ўйу:з қиёсланг: **келдъмъз** >**келдувуз** > **келду:з** > **келдуз**.

Худди шундай ҳолат **нг** товушининг й ундошига ўтиши натижасида II шахс қўплигида – (ъ) **нгъз** нинг **-ъйъз** кўринишига ўтишида ҳам кўзга ташланади: **этәнгъз** > **этәйъз**; **көзънгъз** > **көзъ:з** > **көзъ.қиёсланг:** **бәрдънгъз** > **бәрдъйъз** > **бәрдъ:з** > **бәрдъз**.

Лаҳжада сўзга эгалик қўшимчаликни қўшилганда баъзан ўзакда фонетик ўзгариш содир бўлади. Жумлалдан ъ тушади: **қәрън** > **қәннъ** > **қәннънг** > **қәнним**; **қойън** > **қойън**, **қойнън**, **қойнъм** (Тошкент).

у тушади: **бурун** > **буннъ**, **буннън**, **буннъм** (Тошкент).

ә тушади: **шәҳэр** > **шәхръ**, **шәхрън**, **шәхръм** (Тошкент).

қ> f ҳодисаси юз беради: **ортәқ** > **ортәғым**, **ортәғын**, **ортәғъ**.

к> г ҳодисаси юз беради: **еләк** > **еләгъ**, **еләғын**, **еләгъм**.

Тошкент тип шеваларда эгалик қўрсаткичи кўплек қўшимчаликни аввал қўшилиши ҳам мумкин: қиёсланг: **узъмъилә**, **бәғыйлә** (Тошкент), **узумләрън**, **бәғләрън** (Фаргона). Лаҳжада абстракт эгалик қўрсаткичи ҳам (-**нъкъ** // -**дъкъ**// -**тькъ**) мавжуд бўлиб, у қаратқич келишиги **ынг**, **-инг** - қўшимчаликни -**ки** сўз ясовчи қўшимчалигининг қўшилиши натижасида ҳосил бўлган: **мәнъкъ**, **сәнъкъ**, **бъздъкъ**, **бәшишъкъ**, **темърръкъ**.

Лаҳжада кўплек морфологик ва синтактик усул билан ҳосил қилинади.

Ўзбек адабий тилидаги – **лар** кўплек қўрсаткичининг лаҳжада турли шакли мавжуд: **-лар** (Андижон қъозлар), **-ләр** (Андижон. гулләр), **-лә** (Тошкент әдәмлә), **-әр** (парк.бъзэр), **-ә** (Тошкент. бъзә).

Тошкент гуруҳ шеваларда шахс олмошларининг I ва II шахс кўплек қўшимчаликни хилма-хилликка эга: **съзлә// сълә съләр** = **съзлә** (сълә) **боръялә** (Жиззах) **съләрдъ към чақърдъ**.

Кўплек аффикси феълга ҳам қўшилади: **дөриагә таш атмәнләр батәр кетәр** (Паркент) Тошкент шевасида мазкур қўшимча қўшма феълнинг **-иб** равишдошли асосий қисмига қўшилади: **куръблә кесеън <куръбләр кътсън**. Тошкент шевасида I шахс кўплекда – **мъз** > – **вуз**, II шахс кўплекда –**з** қўшилади: **көрдъмъз** > **көрдўвуз** > **көрдү:з**; **бәрдъз**.

Тошкент шевасида **-луг** қўшимчаликни эгалик қўрсаткичи билан биргаликда келиб кўплек ва хурмат маъносини ифодалайди: **өзлүгъ** (Фаргона)- **әзләръ**, **қойлуғынъ бәқъишинвәттъ** (Тошкент)- қўйларини бокишияти.

Тошкент шевасида қавм-қариндошликтини ифодаловчи сўзларга қўшилиб, I ва II шахс эгалик қўшимчалари билан биргаликда хурмат

маъносини ифодалайди: **әйъмлә, бувъмлә; әйълә (< әйънлә), бувъйлә (< бувънлә).**

Кўпликни ифодалаш учун юқоридаги ҳолатда эгалик билан кўплик қўшимчаси орасига -гъ шаклини қўшиб, қиёсланг: **бувәмлә, бувәйлә бувәмгълә, бувәңгълә, хәләмлә, хәләйлә=хәләмгълә, хәләңгълә; әпәмлә әпайлә = әпәмгълә, әпәңгълә; экәмлә, экәйлә=экә йл ә, экәмгълә, экәңгълә; тәғәмлә, тәғәмгълә, тәғәңгълә.**

Ўзбек тилининг қорлуқ лаҳжасида қўшимчалар қўшилиши (аффиксация) ва сўзларнинг ўзаро бирикиши (композиция) асосида сўз ясалиш муҳимдир.

- ә қўшимчаси: а) от ва сифатдан феъл ясайди: **й ә ш +ә** (Андижон, Фарғона) **ойнә, қыйна** (Тошкент), б) феъл негизидан равишдош ҳосил қилади: **кәрә-туръп** (Андижон)//**кәрә туръп** (Тошкент).

- әй қўшимчаси: а) сифат ва равишдан феъл ясайди: **әзәй** (Тошкент) // **озәй** (Фарғона, Андижон). б) сифат ва отдан от ҳосил қилади: **хәмәй** (Тошкент) // **хамәк** (Фарғона, Андижон).

- әкъ отдан сифат ясайди: **ә:зәкъ** (Тошкент). **йўзәки** (Андижон).
- әлә сондан жамловчи сон ясайди: **тәрәләсь** (Андижон, Фарғона).
- әғән феъл негизидан сифат ясайди: **сузәғән, қәпәғән** (Тошкент), **сузәҳән** (Андижон).

- ай (әй): **көпәй, кәмәй,** (Бухоро).
- бә, -ба – сифат ясайди: **бакувват, бама:нъ** (Бухоро), **бәсәвләт, бәдәвләт** (Тошкент).
- банд: **хунарбанд** (Бухоро).
- бе - отдан сифат ва равиш ясайди: **бевапа** (Андижон), **бесәвър** (Тошкент).

- бәз отдан от ясайди: **кафтарбәз** (Бухоро).
- бән отдан от ясайди: **сарайбән, дарбәзабән** (Бухоро).
- бәф от ясайди: гъламбәф (Бухоро)-гилам тўкувчи.
- ван: меҳръван (Андижон).
- вәз: дәрвәз (Тошкент).
- вән: тўрәвән (Тошкент)- тўрәзбән, дарвәзвән (Бухоро)-дарвәзабән, әйәлвән (Тошкент)- аёлманд.
- вәт: кетвәттъ (Тошкент).
- гәр отдан от ясайди: **савдагәр** (Андижон)//**сәвдәгәр** (Тошкент) **сәвънгәр** (Тошкент).

- гәчә сон ва равишдан равиш ҳосил қиласи: **ертәгәчә, йўзгәчә** (Тошкент).

- гәчәйын: кечкәчәйын, сәғәт бешкәчәйын (Тошкент).

- гәчән: **ертәгәчән, йўзгәчән** (Тошкент).

- гәчәвур: **ертәгәчәвур** (Фарғона).

- гар: **заргар, мъсгар** (Бухоро).

- гър: феълдан сифат ясади: **сезгър** (Андижон, Тошкент).

- гәр: отдан от ясади: **дурәдгәр** (Тошкент).

- гу (**н**)дәй феъл негизидан равиш ясади: **өлгү (**н**)дәй** (Тошкент).

- дәй: **йўгърдәй** (Тошкент). **Сәндәй** (Тошкент).

- дәкәм: **рәстәкәм** (Тошкент).

- дар: **нақшдар** (Андижон).

- даш: **йолдаш** (Андижон).

- дъгән ҳозирги – келаси замон сифатдоши ясади: **кетәдъгән** (Тошкент, Андижон), **ўғудза:-даған: гәлдаған, барадағән.**

- дән: а) отдан от ясади: **ғалладән** (Андижон), **сыйә: дән** (Тошкент)-**ғалладон, сиёҳдон;** б) отдан сифат ясади: **бъльмән** (Тошкент).

- дәр: отдан сифат ясади: **пулдәр** (Тошкент), **декәндәр** (Бухоро).

- дәқ: а) феълдан от ясади: **қўндәқ (<қўндә:)** (Тошкент), б) кўрсатиш олмошдан равиш ясади: **бундак//мундәқ (> мундә:)** (Тошкент).

- доз: отдан от ясади: **топтъодоз** (Тошкент), **зардоз** (Бухоро).

- ъ: а) отдан феъл ясади: **бэйъ** (Андижон, Тошкент), б) исмдан сифат ясади: **бузуқъ** (Тошкент).

- ък. Феълдан сифат ва от ясади: **тешък, әлък** (Андижон), қиёсланг: қипчоқ лаҳжасида **кәсик, сынық.**

- ълдәқ. товушга тақлид сўзлардан от ва сифат ҳосил қиласи: **шәқъылдәқ (>шәқъылдәқ)** (Тошкент).

- ъллә. Товушга тақлид сўзлардан феъл ясади: **възыллә** (Тошкент, Андижон).

- ъм феълдан от ясади: **теръм, оръм, къйм** (Тошкент).

- ънъ феълдан от ясади: **қърънъ** (Тошкент, Бухоро).

- ъп феъл негизидан ўтган замон равишдошини ясади: **чертип** (Андижон), **корип** (Тошкент), қиёсланг: қипчоқ лаҳжасида **сорап, чығып, сўйүнўп** (суйинип).

- ъш а) феълдан ҳаракат номи ясади: **оқьш** (Тошкент).

- ъчъш (Андижон) қиёсланг: ўғуз лаҳжасида **-мақ // -мәқ:**

- **оқымақ, гәлмәк.** б) феълнинг биргалик нисбатини шакллантиради: **йувыш** (Андижон).

- **ъш** (Тошкент) в) сифатнинг озайтирма шаклини ясайди: **кәкьыш** (Андижон, Фаргона), **кәкьыш** (Тошкент).

- **ы:** **бузуқь** (Андижон, Фаргона), **қышлақь**.

- **ылдақ :** **шақылдақ** (Андижон).

- **й:** **күрәй** (Тошкент)- **курак.**

- йэп ҳозирги замон феълини ҳосил қиласи: **ъшлэйэпть.** Тошкент лаҗасида **вәттъ:ъшлэвәттъ** қипчоқ лаҗасида –**жатыр//йатыр:баражатир,** чыгайатыр.

- **кән** феъл негизидан ўтган замон сифатдошини шакллантиради: **кечккән, кеткән** (Тошкент).

- **кәнчә:** **кечккәнчә, кеткәнчә** (Тошкент).

- **кәчә:** **кечкәчә, ўчкәчә** (Тошкент).

- **кәчән:** **ўчкәчән** (Тошкент).

- **кәчәвур:** **кечкәчәвур** (Фаргона).

- **кәш:** отдан от ясайди: **йўккәш** (Фаргона, Андижон), чъzmәkәш (Тошкент).

- **каш:** **сураткаш, пъллакаш** (Бухоро).

- **мәк:** **кәкмәк** (Фаргона, Андижон).

- **мән, -мән:** сифатдошдан от ва сифат ясайди: **хўнәрмән** (Тошкент), **быләрмән**(Андижон, Фаргона), **быләрмән** (Тошкент)**йыйәр-мән- ьчәрмән** (Тошкент).

- **мәқчъ** истак маъносини ифодаловчи феъл ясайди: **кемәқчъ** (Тошкент) қипчоқ лаҗасида – **мәкчин// -мақчын// -махчын:** **кәмәқчин, айтмақчын// айтмахчын.**

- **әп:** **қыләпту** (Бухоро), **қвәттъ** (Тошкент)- **вәттъ.**

- **ут:** **келуттъ** (Наманган).

- **хуш** – отдан сифат ясайди: **хушбъчым** (Тошкент).

Қорлуқ лаҗасида юқоридаги қўшимчалар сўз ва шакл ясаганидек, бундан бошқа жуда кўп қўшимчалар ҳам шу маънода қўлланилади.

Қорлуқ лаҗасида сўзлар синтактик усул билан ҳам ҳосил қилинади. Масалан: **қара йалақ** (Фаргона), (Тошкент чугурчуг), **пәтмә чъмчъқ** (Андижон), (Тошкент **жъбләжъбон**), **бъзәвәш** (Тошкент)-**бузоқ боши,** **ўчә:вәшъ** (Фаргона)-ошхона ва бошқалар.

Назорат топшириқлари

1. Қорлуқ лаҗжасидаги келишик күрсаткичларини шарҳланг (категория — анализ).
2. Қорлуқ лаҗжасидаги келишик күрсаткичларининг бошқа лаҗжаларга муносабатини белгиланг (категория — анализ).
3. Лаҗжадаги келишик күрсаткичларининг адабий тилга муносабатини белгиланг (категория — анализ).
4. Қорлуқ лаҗжасидаги эгалик күрсаткичларини изоҳланг (категория — анализ).
5. Қорлуқ лаҗжасидаги эгалик күрсаткичларининг бошқа лаҗжаларга муносабатини белгиланг (категория — анализ).
6. Лаҗжадаги эгалик күрсаткичларининг адабий тилга муносабатини белгиланг (категория — анализ).
7. Қорлуқ лаҗжасидаги кўплик күрсаткичларини шарҳланг (категория — анализ).
8. Қорлуқ лаҗжасидаги кўплик күрсаткичларининг бошқа лаҗжаларга муносабатини белгиланг (категория — анализ).
9. Лаҗжадаги кўплик күрсаткичларининг адабий тилга муносабатини белгиланг (категория — анализ).
10. Қорлуқ лаҗжасидаги сўз ясовчи қўшимчаларни матндан ажратиб шарҳланг (категория — анализ).
11. Қорлуқ лаҗжасидаги шакл ясовчи қўшимчаларни матндан ажратиб изоҳланг (категория — анализ).
12. Қорлуқ лаҗжасидаги сўз ясовчи қўшимчаларнинг бошқа лаҗжаларга муносабатини белгиланг (категория — анализ).
13. Лаҗжадаги сўз ясовчи қўшимчаларнинг адабий тилга муносабатини белгиланг (категория — анализ).
14. Қорлуқ лаҗжасидаги шакл ясовчи қўшимчаларнинг бошқа лаҗжаларга муносабатини белгиланг (категория — анализ).
15. Қорлуқ лаҗжасидаги шакл ясовчи қўшимчаларнинг адабий тилга муносабатини белгиланг (категория — анализ).

Талабалар учун мустақил иш топшириқлари:

1. Қорлуқ лаҗжасида турли соҳаларга оид юзта сўз ёзиш. Уларнинг адабий тилда қўлланиш, қўлланмаслик ҳолатини белгилаш. Сўзларнинг маъноларини изоҳлаш.
2. Қорлуқ лаҗжасига доир йигирмата мақол, йигирмата ибора ёзиси келиш. Уларнинг адабий тилдаги шаклдошларини топиб шарҳлаш.
3. Қорлуқ лаҗжасига хос битта эртакни транскрипцияда ёзиш.

Фойдаланиш учун адабиётлар

1. Шоабдураҳмонов Ш. Карлукское наречие узбекского языка. Т.: «Фан» 1983.

2. Шаабдурраҳмонов Ш. Ўзбек адабий тили ва ўзбек халқ шевалари. Тошкент, 1962.
3. Носиров Ш. Ўзбек тилининг Кўқон шеваси. Тошкент, 1980.
4. Иброҳимов С.И. Ўзбек тилининг Андижон шеваси. Тошкент, 1967.
5. Шерматов А. Қашқадарё ўзбек шевалари. Тошкент, 1972 .
6. Алиев А.Ю. Ўзбек диалектологиясидан материаллар. Тошкент, 1991.
7. Ражабов Н. Ўзбек тилининг Фарбий Самарқанд шевалари. Тошкент, 1977.

5-МАВЗУ. ҚИПЧОҚЛАҲЖАСИ ВА УНИНГ ФОНЕТИКХУСУСИЯТЛАРИ

Асосий саволлар:

1. Қипчоқлаҳжаси. Унинг эски ўзбек ва ҳозирги ўзбек адабий тилига муносабати.
2. Қипчоқлаҳжасининг унлилар тизими, унинг эски ўзбек ва ҳозирги ўзбек адабий тилига муносабати.
3. Қипчоқлаҳжасининг ундошлар тизими, унинг эски ўзбек ва ҳозирги ўзбек адабий тилига муносабати.
4. Фонетик жараёнлар.
5. Оҳангдошлиқ.

Мавзуга оид таянч тушунча ва иборалар:

Қипчоқлаҳжаси, адабий тил, ҳозирги ўзбек адабий тил, эски ўзбек тили, қипчоқлаҳжаси ҳақида умумий маълумот, товуш ва ҳарф муносабати, қипчоқлаҳжасидаги унлилар тизими, уларнинг эски ўзбек тилига муносабати, қипчоқлаҳжасидаги ундошлар тизими, уларнинг эски ўзбек тилига муносабати, ҳозирги ўзбек адабий тилига муносабати, оҳангдошлиқ, қипчоқлаҳжасида оҳангдошлиқ, оҳангдошлиқда қипчоқлаҳжаси ва эски ўзбек тили муносабати, оҳангдошлиқда қипчоқлаҳжаси ва ҳозирги ўзбек адабий тили.

1-асосий савол бўйича ўқитувчининг мақсади: Ўзбек тилининг кўплаҳжалилиги ҳақида тасаввур бериш. Қипчоқлаҳжаси юзасидан фикр билдириш. Қипчоқлаҳжасининг эски ўзбек тилига муносабатини

белгилаш. Қипчоқ лаҳжасининг бошқа туркй тилларга муносабатини белгилаш. Қипчоқ лаҳжасининг ҳозирги ўзбек адабий тилига муносабатини белгилаш.

ИДЕНТИВ ЎҚУВ МАҚСАДЛАРИ

- 1.1. Ўзбек тилининг кўп лаҳжалилиги талабаларда тасаввур уйғотади.
- 1.2. Қипчоқ лаҳжаси ҳақида умумий маълумот беради.
- 1.3. Қипчоқ лаҳжасининг эски ўзбек тилига муносабатини белгилайди.
- 1.4. Қипчоқ лаҳжасининг бошқа туркй тилларга муносабати ҳақида тасаввур ҳосил қиласди.
- 1.5. Қипчоқ лаҳжасининг ўзбек адабий тилига муносабатини шарҳлайди.

1- асосий саволнинг баёни:

Дунёдаги кўп тиллар ва уларнинг лаҳжалари муносабатини дарахт ва бутоқларга менгзаш мумкин бўлса, ўзбек тили ва унинг лаҳжалари ўртасидаги муносабатни тизма тоғларга ўхшатиш мумкин.

Ўзбек тили турли мустақил лаҳжаларнинг тадрижий бирикуви натижасида пайдо бўлгандир. Дунё тиллари орасида кўп лаҳжалилиги билан ажralиб турувчи ўзбек тили ҳамда унинг шевалари ўртасидаги муносабатлар ҳақида туркй тиллар грамматикасининг билимдони профессор Е.Д. Поливанов ўз вақтида шундай ёзган эди:

«Ўзбек тили (ўзбек диалектларининг бир бутун йигиндиси сифатида) ягона системанинг, ҳеч қачон амалда бўлмаган ўзбек тилининг диалектологик парчаланиши йўли билан эмас, балки тил системаларининг бирлашуви йўли билан пайдо бўлган». Дарҳақиқат шевашуносляримизнинг кўп йиллик тадқиқотлари ўзбек умумхалқ тили уч йирик мустақил лаҳжанинг бирикувидан ташкил топганини тасдиқлайди:

1. Қорлуқ-чигил ёки ўрта ўзбек лаҳжаси.
2. Қипчоқ ёки соф ўзбек (Е.Д.Поливанов атамаси) лаҳжаси.
3. Ўгуз лаҳжаси.

Кўпгина тарихий манбаларда, Турон заминининг кечмишини тасвирловчи қадимий қўллэзмаларда Даشت Қипчоқ фуқаролари

ўзбеклар деб аталғанлиги бугунги тарихчиларимиз томонидан ҳам таъкидланмоқда. Айни пайтда, бир қатор олимлар тасаввуфнинг турондаги асосчилиридан бўлмиш Хўжа Аҳмад Яссавий асарларини ва бадиий сўз жозибасининг гўзал намунаси бўлмиш «Муҳаббатнома» достонини қипчоқ лаҗжасига нисбат бериб изоҳлайдиларки, бундай маълумотлар, бир жиҳатдан, қипчоқ лаҗжасининг жуда қадимий ва кенг худудга тарқалғанлигини кўрсатса, иккинчидан, унинг ўзбек умумхалқ тилини шакллантиришдаги ҳақиқий ўрнини белгилашга ҳам ёрдам беради.

XIII—XIV асарларда ўзбек тили тараққиётiga қипчоқ лаҗжасининг катта таъсири борлиги маҳсус луғатларда ҳам ўз аксини топган. Маъноси ўша қадимий луғатларда ҳам изоҳланган **қыныр** эгри, **ијак**-чакак, **тамақсов** — очкӯз, **санров** — кар (аттуҳфа — туз) сингари жуда кўплаб сўзларнинг ҳозиргача қипчоқ лаҗжасида кенг кўлланилиши ҳам бу лаҗжанинг жуда қадимий, яшовчан ва ифода имконияти кенг эканлигини кўрсатади. Мавлоно Лутфий, ҳазрат Алишер Навоий, Заҳириддин Муҳаммад Бобур ва улар замондоши Муҳаммад Солиҳ сингари даҳо адиллар асарлари тилида қипчоқ тили унсурларининг бот-бот учраб туришини ҳам қўшадиган бўлсак, умуман бу гуруҳ лаҗжаларининг эски ўзбек адабий тили тараққиётида бениҳоя катта ўрин тутганлигининг гувоҳи бўламиш.

Аслида, амалдаги ўзбек адабий тилининг шаклланиши ва ривожланишида ҳам қипчоқ лаҗжасининг таъсири биз тасаввур қилганимиздан бир неча бор кучлироқдир. Зоро, ҳар қандай маҳаллий лаҗжа тилнинг қуий шакли бўлиб, у адабий тилнинг бойиши учун асос, туганмас манбадир. Афсуски, бизнинг тилшунослигимизда тилнинг тараққиётини сунъий тарзда тезлаштиришга интилиш, худди мулкни умумлаштиришга шошилганимиз сингари умумий тилга эга бўлишга шошилиш тенденциясининг узоқ вақт ҳукмрон бўлиб келиши натижасида адабий тил маҳаллий шевалардан-лаҗжалардан ажралиб қолди. Аксар ҳолларда, адабий тил лаҗжаларга, айрим маҳаллий лаҗжалар бир-бирларига қарши қўйилди. Бу ҳол, ўз навбатида, адабий тилни ҳар жиҳатдан камбалғаллаштиради, лаҗжаларни эса, ўз қиёфасидан маҳрум бўлиш, кишилик хотирасидан унут бўлишга сабаб бўлди. XX асрнинг 20—90-йилларида ўзбек тили, асосан, ташқи омилларга таяниб ривожланди. Тилимизга рус тили ва у орқали Европа тилларидан жуда кўплаб сўзлар кириб келди. Шевадаги минглаб

ифодалар, ўзимизнинг асрлар мобайнида яратган миллий бойлигимизни четга суриб қўйилди. Мана шу носоғлом вазиятни бартараф қилиш керак бўлган фурсат етиб келди. Жумҳурят худудидаги барча лаҳжаларни, жумладан қипчоқ лаҳжасини foят синчиклаб ўрганиб чиқиш ва улардаги қўплаб сўзларни, идеоматик ибораларни адабий тил хазинасига қўшиш тилшуносларимиз олдида турган энг зарур вазифалардан биридир. Чунки қипчоқ лаҳжалари хусусиятлари таъкидланганидек, аввало эски ўзбек тилида, ўша даврда яратилган манбаларда беришган. Иккинчидан, бошқа лаҳжалар каби қипчоқ лаҳжаси ҳозирги ўзбек адабий тилини бойитиб турибди.

Назорат топшириқлари

1. Ўзбек тилини лаҳжалари нуқтаи назардан тавсифланг (категория — билиш).
2. Ўзбек умумхалқ тилини гуруҳлаштиришга ҳаракат қилинг (категория — билиш).
3. Қипчоқ лаҳжасининг тарихига бир назар ташлаб изоҳланг (категория — билиш).
4. Эски ўзбек тилига қипчоқ лаҳжасининг муносабатини белгиланг (категория — билиш).
5. Қипчоқ лаҳжасининг бошқа туркий тилларга муносабатини белгилашга уриниб кўринг (категория — билиш).
6. Қипчоқ лаҳжасининг ҳозирги ўзбек адабий тилига муносабати ҳақида фикрингизни баён қилинг (категория — билиш).

2-асосий савол бўйича ўқитувчи мақсади: Қипчоқ лаҳжасидаги унлиларни шарҳлаш. Уларнинг бошқа туркий тилларга муносабатини белгилаш. Үнлиларнинг тадрижий тараққиётини кўрсатиш эски ўзбек ва ҳозирги ўзбек адабий тилга муносабатини кўрсатиш талабаларда унли товушлар изоҳига, шарҳига нисбатан фикр уйғотиш. Уларни мuloҳаза қилишга етаклаш.

ИДЕНТИВ ЎҚУВ МАҚСАДЛАРИ

- 2.1. Қипчоқ лаҳжасидаги унли товушларни шарҳлайди.
- 2.2. Ҳарф ва товуш ўртасидаги муносабатни белгилайди.
- 2.3. Қипчоқ лаҳжасидаги унлиларнинг бошқа туркий тиллардаги унли товушларга муносабатни изоҳлайди.
- 2.4. Унли товушларнинг тадрижий тараққиётини таҳлил қиласди.

2.5. Қипчоқ лаҗжасидаги унлилар билан эски ўзбек тилидаги унлиларни қиёслайди.

2.6. Қипчоқ лаҗжасидаги унлиларнинг ҳозирги ўзбек адабий тилидаги унлиларга муносабатини белгилайди.

2.7. Унли товушлар ҳақида бир хуносага келишда талабаларга кўмаклашади.

2- асосий саволиинг баёни:

Қипчоқ лаҗжасининг барчасида тўққиз унлилик тизими амал қиласди. Бу жиҳатдан қипчоқ лаҗжаси қипчоқ гуруҳидаги (қозоқ, қорақалпоқ, қирғиз каби) бошқа туркий тиллар билан умумийлик касб этади.

Қипчоқ лаҗжасидаги тўққиз унлилик тизими унинг эски туркий ва эски ўзбек тилининг тадрижий давоми эканлигидан ҳам далолат беради. Чунки эски туркий ва эски ўзбек тилида ҳам тўққиз унлилик тизими бўлган.

Булар: и, ы, э, а, ə, о, у, ў.

Ә унлиси тил олди, кенг, лабланмаган товуш:

Өзгә, кәм, әкә, кәттә, кәл, әнә, әммә каби. Эски туркий (әдгу-яхши, әб-уй, сәкиз- саккиз), эски ўзбек (әйләсә, өзгәләр (Навоий), шәрмәндә ликтин, кәтмәсә, көктә әнә (Лутфий)) тилларда ҳам бу товуш фаол бўлган. Ҳозирги ўзбек адабий тилида кенг кўлланилмоқда.

а унли тил орқа, кенг, лабланмаган унли : ал, бар, қал, баба, таға, тақ, чақ, айт. Эски туркий (адағ// айағ («Девон»), қаған (Девон)), эски ўзбек (шафттолу, қашу, жан, алмаға (Лутфий)) тилларида ҳам фаол бўлган. Ҳозирги ўзбек адабий тилида ҳам сўзнинг барча ўрнида қатнашади.

Ә унлиси мустақил товуш сифатида эски туркий тил давридан бошлаб шаклланган бўлиб, унинг юзага келишида кенг, тил олди, лабланмаган ә товушнинг нисбатан торайиши, ҳамда тор, лабланмаган **и** унлисининг кенгайиши муҳим аҳамият касб этган. ә товуши асосида э нинг шаклланганини ҳозирги туркий тилнинг барчаси, хусусан ўзбек тилининг ўғуз лаҗжаси тўлиқ исботлайди. Агар ҳозирги ўзбек тилидаги **м** э **и**, **с** э **и** кишилик олмошларидаги сўз ўртасида келувчи ўрта кенг э унлисининг тарихан тор **и** товуши бўлганлигига эътибор берсак, айрим ҳолатда э нинг шаклланишида и товушининг ҳам асос бўлганлигини сезамиз.

Эски ўзбек тили даврида э унлиси мустақил фонема сифатида ишлатилиб, аксарият асл туркий сўзларнинг биринчи бўғинида қўлланади.

Мәни мэн истаган киши өз сүхбатигэ аржуманд этмәс,

Мәни истәр кишиниң сўхбетин қөнгүм писөнд этмәс.

(Навоий).

Ҳозирги ўзбек адабий тилида ва ўзбек халқ шеваларининг аксариятида бу товуш ишлатилади. Бироқ бу товушнинг талаффузида ҳозир шевалараро маълум даражада фарқ бор. Чунончи, шаҳар ва шаҳар типидаги шеваларда бироз ёпикроқ, қипчоқлаҳжасида эса очикроқдир. Масалан, Тошкент, Марғилон, Наманган шеваларида **б е р, е н д и, е р к ә й, е р к ә к**, қипчоқлаҳжаларида **э н д и, э р к ә к, ч э п к ә н, э н ә**, адабий имлода **бер, э н д и, э р к ә к, ч е к м а н, о н а**.

Тил олди, тор, лабланмаган **И** ва тил орқа **Ы** унлилари эски туркий (сызды – чизди, **сызлады** – зирқиратди, **сын-** қомат, **сыр-сир**, бўёқ, сиз- ҳурмат маъноси, сирка-бошдаги бит сиркаси- «Девон») ва эски ўзбек тилида мустақил фонема бўлган.

Ўзида оҳангдошликнинг танглай уйғунлигини тўлиқ сақлаб қолган баъзи туркий (масалан, қозоқ, қорақалпоқ) тилларда шунингдек қипчоқлаҳжаларида тил олди **И** ва тил орқа **Ы** унлилари эски ўзбек тилидагидек алоҳида мустақил икки товушдир. Қипчоқ шева вакиллари **тыш** (ташқари)- **тиш** (кишининг тиши); **ыс** (курум) -**ис** (ҳид); **сыз** (чиз)-**сиз** (сиз) сўзларидаги **Ы** ва **И** товушларини фарқли талаффуз этадилар.

Эски туркий тил даврида тўртта лабланган унли товуш мавжуд бўлган. Буни Маҳмуд Қошғарий ўзининг «Девону лугатит турк» асарида маҳсус таъкидлаб кўрсатади қиёсланг: **ў л ў ш** – ҳисса (тил олди қилиб талаффуз этилади), **ул у ш** (тил орқа қилиб талаффуз этилади, ҳуриш, бақириш, фарёд); **өч-** интиқом, ўч (тил олди қилиб талаффуз этилади), **от-ўт**, олов-от деган билан оғиз қўймас (тил орқа қилиб талаффуз этилади).

Эски ўзбек тилида ҳам бу тўрт лабланган унли аоҳида фонема бўлганлиги Алишер Навоийнинг «Мұҳокамат ул-луғатайн»ида чиройли изоҳланган. Ўзида оҳангдошликнинг танглай уйғунлигини сақлаб қолган қипчоқлаҳжасида кўпгина туркий (қозоқ, қорақалпоқ, нўғай ва б.) тилларидагидек, бу тўрт лабланган унли мустақил фонема

саналади. Бу шева вакиллари ҳам худди тилимиз тарихидагидек уларни бир-бирдан жуда осон ажратадилар. Қиёсланг: **Өт** — ўтишга буйруқ, организмнинг бир қисми (унли тил олди), **От**-олов, ўсимлик (унли тил орқа); **Өр**-сочни ўриш, қиёлик(унли тил олди); **Ор**-бедани ўрмоқ, чукурлик (тил орқа); **т ө р** — уйнинг тўри (тил олди), **т о р** — балиқ тутадиган ускуна (тил орқа); **Өз**-ўзлик олмоши (тил олди), **Оз**-ўзишга буйруқ (тил орқа); **б ө з** — материал (тил олди), **боз**-майса, ранг (тил орқа) ўч-3 (тил олди) уч-учмоқ (тил орқа); **т ў т ў н** — мўрининг тутуни (тил олди), **т у т у н**-ака-ука тутунмоқ (тил орқа); **тўр**-хил, енгни туриш (тилолди) **т у р** -ўриндан турмоқ (тил орқа); **б ё р** — ҳаё, уят, беданинг гули, барги (тил олди), **бур** — машинани бурмоқ (тил орқа).

Ўзбек адабий тилида ҳам бу унлилар яхши фарқланади. Улар мустақил тўртта товуш. Бироқ икки ҳарф билан ифодаланганлиги сабабли кўпда мазкур товушлар ҳарф билан чалкаштирилади.

Унли товушларнинг тадрижий тараққиётини шундай кўрсатиш мумкин.

Эски туркий тилдаги унлилар тизими

Лабнинг иштирокига кўра	Лабланмаган		Лабланган	
Тилнинг тўғри йўналишига кўра	тил олди	тил орқа	тил олди	тил орқа
Тилнинг тик ҳаракатига кўра				
Тор	И	Ы	ў	У
Ўрта кенг	Э		Ө	О
Кенг	Ө	а		

Эски ўзбек тилидаги унлилар тизими

Лабнинг иштирокига кўра	Лабланмаган		Лабланган	
Тилнинг тўғри йўналишига кўра	тил олди	тил орқа	тил олди	тил орқа
Тилнинг тик ҳаракатига кўра				
Тор	И	Ы	ў	У
Ўрта кенг	Э		Ө	О
Кенг	Ө	а		

Қипчоқ лаҗжасидаги унлилар тизими

Лабнинг иштирокига кўра	Лабланмаган		Лабланган	
Тилнинг тўғри йўналишига кўра	тил олди	тил орқа	тил олди	тил орқа
Тилнинг тик ҳаракатига кўра				
Тор	И	ы	ў	у
Ўрта кенг	Э		Ө	О
Кенг	Ө	а		

Ҳозирги ўзбек адабий тилидаги унлилар тизими

Лабнинг иштирокига кўра	Лабланмаган		Лабланган	
Тилнинг тўғри йўналишига кўра	тил олди	тил орқа	тил олди	тил орқа
Тилнинг тик ҳаракатига кўра				
Тор	И	ы	ў	у
Ўрта кенг	Э		Ө	О
Кенг	Ө	а		

Назорат топширикчари

1. Қипчоқ лаҗжасидаги унли товушларни изоҳланг (категория — анализ).
2. Лаҳжадаги унлиларни бошқа туркӣ тилдаги унлилар билан қиёслашга ҳаракат қилинг ва хулоса чиқаринг (категория — анализ).
3. Қипчоқ лаҗжасидаги унлиларни эски туркӣ тилдаги унлилар билан қиёслаб изоҳланг (категория — анализ).
4. Қипчоқ лаҗжасидаги унлиларни эски ўзбек тилидаги унлилар билан қиёсланг, фикрингизни билдиринг (категория — анализ).
5. Унли товушлаги тадрижий тараққиётни лаҗжа материали асосида қандай шарҳлаган бўлардингиз (категория — анализ)?
6. Ҳозирги ўзбек адабий тилидаги ҳарф ва товушлар муносабати унлиларни ифодалашга, изоҳлашга қандай таъсир этаётганлигини изоҳлашга ҳаракат қилинг (категория — анализ).
7. Қипчоқ лаҗжасидаги унлиларнинг ҳозирги ўзбек адабий тилидаги унлиларга муносабатини аниқ белгилай оласизми (категория — анализ)?
8. Жадвалларни қиёслаш асосида унли товушлар юзасидан ўз хулосаларингизни баён этинг (категория — анализ).

З-асосий савол бўйича ўқитувчи мақсади: Қипчоқ лаҗжасидаги ундошлар тизими бўйича тушунча бериш. Уларнинг эски туркӣ, эски ўзбек тилига муносабатини белгилаш. Қипчоқ лаҗжасининг бошқа туркӣ ва ҳозирги ўзбек адабий тилига муносабатини изоҳлаш.

ИДЕНТИВ ЎҚУВ МАҚСАДЛАРИ

- 3.1. Қипчоқ лаҳжасидаги ундош товушлар ҳақида тушунча беради.
- 3.2. Қипчоқ лаҳжасидаги ундошларнинг бошқа лаҳжалардаги ундошларга муносабатни белгилайди.
- 3.3. Қипчоқ лаҳжасидаги ундошларнинг эски туркий, эски ўзбек тилидаги ундошларга муносабатини аниқлайди.
- 3.4. Қипчоқ лаҳжасидаги ундошларнинг бошқа туркий тилларга муносабатини изоҳлайди.
- 3.5. Қипчоқ лаҳжасидаги ундошларнинг ҳозирги ўзбек адабий тилдаги ундошларга муносабатини кўрсатади.

3- асосий саволнинг баёни:

Ўзбек халқ шеваларининг ундошлар тизими асосан бир-бирига тўғри келади. Бироқ улар маълум даражада ўзаро фарқланадилар ҳам. Қипчоқ лаҳжаси ҳам й-ловчи, ж-ловчи гуруҳларга ажралганлиги сабабли баъзан уларнинг ўзида қисман тафовут кўзга ташланиб қолади. Лекин уларда барибир умумийлик кучли.

Чуқур тил орқа «**X**» ундоши бу гуруҳ шеваларда йўқ даражада, унинг ўрнида аксарият қ ќўлланади: **тукум** (тухум), **қала** (хола), **қатын** (хотин). **X** товушининг туркий сўзларда қўлланлиши эски туркий тил даврига тўғри келади **хан** (Длт)- хон, **хайу** (Длт)-қайси.

Бу товушнинг истеъмол доираси эски ўзбек тили даврига келиб янада кенгаяди: **Хатун** (рабф). **Хотин**, **хонлық** (ХШ)-хонлик. Ҳозирги ўзбек адабий тилида ҳам **X** ундоши фаол ишлатилади. Аммо баъзи туркий тилларда, жумладан, қозоқ, қорақалпоқ, қирғиз тилларида бу товушнинг ўрнида қ ундоши қўлланилади. Бўғиз, сиргалувчи, жарангсиз ҳ ундоши қипчоқ шеваларида мустақил фонема: **Ҳ ә м м ә**, **ҳ ә м, ҳ и к м ә т, ҳиммәт** каби. Эски ўзбек тилида ҳам фаол ишлатилган бу товуш Тошкент шевасида мустақил фонема саналмайди. Ўзбек адабий тилида **X** ва **Ҳ** ундошлари бир-биридан фарқланади.

Лаб-тиш сиргалувчи, жарангсиз ф ундоши қипчоқ лаҳжасида фонема сифатида мавжуд эмас. Унинг ўрнида ҳамиша **п** товуши қўлланилади: ад тил. фойда //қиплаҳ: **п а й д а**, ад .тил. фарзанд //қиплаҳ. **п ә р з ә н т** ад.тил **ф а р қ** қиплаҳ. **п а р қ**, ад .тил. **фаҳм** //

қиплах. **п а й м** //п а й — и м, ад . тил. **Фикр** //қиплах. **п и к р** // п и к и р , ад.тил фурсат қиплах. **п у р с а т** ва б. Бу товуш қадимги туркий тилда учрамайди. У эски туркий ва эски ўзбек тилларида ўзлашган сўзлар ҳисобига пайдо бўлди. Шунинг учун айрим бошқа туркий тилларда ва барча ўзбек лаҗжаларида **ф** фонема сифатида мавжуд эмас.

Ўзбек адабий тилига ўзлашган сўзлардан кириб келган сиргалувчи ж ундоши барча ўзбек шеваларидагидек қипчоқ лаҗжасида ҳам мустақил фонема сифатида учрамайди. **Аждар, журнал** тарзидағи сўзларда келадиган сиргалувчи ж аффрикат ж товушига алмашади.Чунки қипчоқ лаҗжасида аффрикат ж товушининг худди қозоқ, қирғиз, қорақалпоқ тилларидагидек истеъмол доираси кенг. **Жол** (йўл), **Жомарит** (жумард), **Жар** (жар), **Жақшы** (яхши), **жақын** (яқин), **Жора** (жўра), **жогары** (йуқари).

Титроқ, сонор Р ундоши қипчоқ лаҗжасида тил олди, тил орқа шаклда бўлиб, худди қадимги туркий тилдагидек сўз бошида келмайди.

Ірайқан, ирайис, ораза, орамал каби. Бу ҳолат ҳозирги айрим туркий (қозоқ, қорақалпоқ, қирғиз каби) тилларда ҳам сақланиб қолган.

Н бурун товуши қипчоқ лаҗжасида қипчоқ гуруҳига тааллукли туркий тиллардаги каби икки вариантидир. Тил орқа унлилар билан келадиган Н¹ (таң, ан, қан- қолиң, барың, чабың каби) ва тил олди унлилари билан келадиган Н² (кэн, тэн, көнўл, синил, мин, ә к ә н ә, ў к ә н ә) шакллари мавжуд.

Қипчоқ лаҗжасида к, г, ф, қ, ундошлари мустақил фонема. Қўлланилиш жаҳатидан ўзбек адабий тили ва бошқа шевалардан фарқ қилмайди.

Аммо, бир томондан, улар мазкур лаҗжада оҳангдошлиқ қонуният билан боғлиқ равишда бир-бирига тил олди ва тил орқаликда вариант бўлиб келиш билан, иккинчи томондан, баъзан сўз охирида иккиласмчи в ундошига айланиш билан ўзига хосликларга ҳам эга. Қиёсланг:

адабий тилда:

ТОҒ тав

бўёғ бойов

ЭЛЛИК эллув

Ундош товушларнинг тадрижий тараққиётини шундай кўрсатиш мумкин.

қипчоқ лаҗжасида

**Эски ўзбек тилидаги
ундошлар тизими**

	Портлов-чилар	Сирғалувчи	Аффрикатлар	Титроқ	Бурунтовушлар
Лаб-лаб ундошлар	б м				м
Лаб-тиш ундошлар		в ф			
Тил олди ундошлар	д т	з с ж ш	ж ч	р л	н, н
Тил ўрта ундошлар		й			
Палатал ундошлар	г к				
Тил орқа ундошлар	қ	ғ ҳ			н
Фарингал ундошлар	ъ (айн)	ҳ			

**Қылғочқ лаҗжасидаги
ундошлар тизими**

Сонорлар шовқинлилар	Лаб ундошлар		Тил олди ундошлар			Тил ўрта	Тил орқа		
	Сирғалувчилар	Портловчилар	Жарангиз	Жарангли	Жарангиз	Жарангли	Саёз тил орқа	Чуқур тил орқа	Бўғиз
Қоришиқлар					ч	ж			
Бурунтовушлар		м		н				н	
Ён товуш				л					
Титроқ товуш				р					

Ҳозирги ўзбек адабий тилидаги ундошлар тизими

Овоз ва шовқиннинг иштирокига кўра		Ҳосил бўлиш усулига кўра		Ҳосил бўлиш ўрнига кўра						Бўғиз ундоши	
				Лаб ундошлари		Тил ундошлари					
				Лаб-лаб	Лаб-тиш	Тил олди	Тил ўрта	Тил орқа	Чукур тил орқа		
Шовқинлилар	жарангли	Порт-ловчи-лар	Соф порт-ловчи-лар Коришиқлар (аффрикантлар)	б		Д	Г				
	жарангсиз			п		Т	К		К		
	жарангли					Ж					
	жарангсиз					Ч					
Сонорлар	жарангли	Сирга-лувчи-лар	В	В	I	Ж, з	Й		F		
	жарангсиз				Ф	С, ш			X	Х	
		Порт-ловчи сирга-лувчи-лар (сонорлар)	Бурун товушлари	M		H		H			
			Ён товушлар			Л					
			Титроқ товуш			P					

Назорат топшириқлари

1. Қипчоқ лаҳжасидаги ундош товушларнинг ўзига хос жиҳатларини шарҳланг (категория — анализ).
2. Лаҳжадаги ундошларни таҳлил қилиш асосида ушбу лаҳжанинг эски туркий тилга муносабатини белгилашга ҳаракат қилинг (категория — анализ).
3. Қипчоқ лаҳжасидаги ундош товушлар билан эски ўзбек тилидаги ундошларни қиёслаб, улар ўртасидаги муносабатни белгиланг (категория — анализ).
4. Қипчоқ лаҳжасидаги ундошларни бошқа туркий тиллардаги ундош товушлар билан қиёсланг. Улар ўртасидаги умумийлик ва хусусийлик ҳақидаги фикрингизни билдиринг (категория — анализ).
5. Қипчоқ лаҳжасидаги ундошларни ҳозирги ўзбек адабий тилидаги ундош товушлар билан қиёсланг. Адабий тил ва лаҳжа ўртасидаги муносабатни белгиланг (категория — анализ).
6. Қипчоқ лаҳжасининг айрим туркий тиллар билан муносабатини товуш жараёнлари мисолида изоҳланг (категория — анализ).

7. Фонетик жараён ёрдамида баъзи сўзлар этиологиясини топишга ҳаракат қилинг (категория — анализ).

4- асосий савол бўйича ўқитувчи мақсади: Фонетик жараёнларининг узоқ давр маҳсали эканлигини қайд этиш. Бу жараёнлар тиллар, лаҳжалар ўртасидаги муносабатларни белгилаб беришда ишончли далилларини таъкидлаш. Айрим фонетик жараёнларни шарҳлаш асосида сўзлар этиологиясини белгилашга ҳаракат қилиш.

ИДЕНТИВ ЎҚУВ МАҚСАДЛАРИ

4.1. Қипчоқ лаҳжасида сўзларда юз берган айрим фонетик жараёнлар ҳақида тушунча беради.

4.2. Фонетик жараёнларни таҳлил қилиш асосида тиллар, лаҳжалар ўртасидаги муносабатни белгилайди.

4.3. Фонетик жараёнларни шарҳлаш асосида баъзи сўзлар этиологиясини аниқлайди.

4.4. Мазкур жараён ёрдамида қипчоқ лаҳжаси ва ўзбек адабий тили ўртасидаги муносабатни белгилайди.

4-асосий саволнинг баёни:

Товуш жараёнлари одатда тасодифий ҳодиса бўлмасдан тилнинг энг гўзал, ҳеч кимга боғлиқ бўлмаган қонуниятидир. Шунинг учун товуш жараёнлари, бир томонидан, сўзлардаги о ҳ а н г-мусиқавийликни таъминласа, иккинчидан, сўзларнинг ички табиатини белгилайди.

{Б>в} ҳодисаси туркий тилларда анча аввал бошланган бўлиб, айрим сўзларда қипчоқ лаҳжасида тарихий шакл сақланиб қолган. Бироқ сирғалишга мойил бўлган бир қатор сўзлар ҳозирги адабий тил қолипи сифатида қабул қилинган: *ад. имл. т о в о қ<* (тил тарихида ва қипчоқ лаҳжасида) **табақ**, *ад.имл. қовоқ <* (тил тарихида ва қипчоқ лаҳжасида) **қабақ**, *ад.имл. ч и в и н <* (тил тарихида ва қипчоқ лаҳжасида) **чыбын**, *ад.имл. ч и в и қ <* (тил тарихида ва қипчоқ лаҳжасида) **чыбық**.

{Б} фонемаси ўзидан кейинги бўғиндаги Н товуши таъсирида қипчоқ лаҳжасида баъзан бурунлашади: бунда>мунда// мында; бундай>мундай//мындей; бурун>мурун // мурны; бурны>мурны; бўйин >мойун// мойын: **F>в** ҳодисаси ҳам қипчоқ лаҳжаси ва қипчоқ гурӯҳ туркий тилларга хосдир.

«Девону луготит турк»да	Қипчоқ лаҗжасида	Қозоқ тилида	Қорақалпоқ тилида	Ўзбек адабий тилида
Taf	Тав	Tay	Tay	Toғ
Baf	Бав	Бау	Бау	Boғ
Aғыр	Авыр	Ауыр	Ауыр	Oғир
Ағыз	Авыз	Ауыз	Ауыз	Oғиз
Caғ	Сав	Cay	Cay	Coғ

Қипчоқ лаҗжасида г>й ҳодисаси ҳам мавжуд:

«Девону луготит турк»да	Қипчоқ лаҗжасида	Қозоқ тилида	Ўзбек адабий тилида
өгрән	үйрән	уйрен	ўрган
игнә	ийнә	ийне	игна
эгир	ийир	ийир	эгир
эгин	ийин	ийин	эгин

H>M: ўнбир>омбир, күнмайди>көммәйди, унмайди>өммәйди.

C>Ч: қочса > қачча, ичсак> иччөк, сочса> чәччә.

C>Ш : тошса> ташша, пишса> пишшә, қүшса> қошша.

T>Л: қутлуғ бўлсин > қуллы босын, қатлама > қаллама.

T>С: бетсиз > бессиз.

Ч>С: уч сўм > ўс сом.

Ш>С: беш сўм > бессом.

З>С: тузсиз > тўссиз, қизсиз> қыссыз.

З>Ч: қизча> қычча.

Х>К: маҳкам>мäккäm.

Оғзаки нутқда баъзи товушларнинг тушиб қолати ҳам мавжуд. Бу бир томондан қипчоқ лаҗжасини бошқа лаҗжалар билан иккинчи томондан айрим туркий тиллар билан умумийлигини таъкидлайди. Сўзга қўшимча қўшилиши натижасида баъзан ўзакдаги Л ундоши тушиши мумкин: ол + fan > аған, солсақ > сасақ, олсақ > асақ, бўлма> бома.

Қипчоқ лаҗжасида баъзан сўз охирида қ, ғ, қ ундошларининг тушиш ҳолати мавжуд:

«Девону луготит түрк»да	Қипчоқ таъжасида	Қозоқ тилида	Қорақалпоқ тилида	Ўзбек адабий тилида
Ачығ куруғ қатығ сарығ	Аччы қуры қатты сары	Ашы қуры қатты сары	Ашши қуры қатты сары	Аччиқ куруқ қаттиқ сариқ

Лаҳжада бундан бошқа товуш жараёнлари ҳам жуда кўп. Агар улар тил тарихи билан қиёсланиб, тадрижий тараққиёти таҳлил этиладиган бўлса, ўша сўзининг этимологиясини ҳам аниқлаш мумкин. Мисол учун ҳозирги адабий тилдаги «қовоқ» сўзининг тадрижий тараққиётини таҳлил қилиб кўрайлик:

қ о п + қ о қ > қ о п қ о қ > қ о п о қ > қ о б о қ > қ о в о қ.

Назорат топшириқлари

1. Қипчоқ лаҳжасидаги айрим товуш жараёнларини таҳлил қилиб, унинг мумтоз тилимиз билан алоқасини, муносабатини шарҳланг (категория — анализ).
2. Товуш жараёнлари асосида қипчоқ лаҳжасининг бошқа лаҳжалар билан хусусий ва умумий жаҳатларини белгиланг (категория — анализ).
3. Қипчоқ лаҳжасининг айрим туркий тиллар билан муносабатини товуш жараёнлари мисолида изоҳланг (категория — анализ).
4. Фонетик жараён ёрдамида баъзи сўзлар этимологиясини топишга ҳаракат қилиб кўринг (категория — анализ).
5. Фонетик жараёнлар асосида қипчоқ лаҳжасининг ўзбек адабий тилига муносабатини белгилашга ҳаракат қилинг (категория — анализ).

5-асосий савол бўйича ўқитувчи мақсади: *Оҳангдошлиқ* — сингармонизм ҳақида тушунча бериш. Бу қонуниятнинг мумтоз тилимизга муносабатини белгилаш. Оҳангдошликтининг қипчоқ лаҳжасига муносабатини шарҳлаш. Ўзбек адабий тили ва оҳангдошлиқ масаласига талабаларнинг эътиборини қаратиш.

ИДЕНТИВ ЎҚУВ МАҚСАДЛАРИ

- 5.1. Талабаларга оҳангдошлиқ ҳақида тушунча беради. Унинг нутқдаги ўрнини белгилайди.
- 5.2. Оҳангдошлиқ қонуниятининг мумтоз тилимизга муносабатини шарҳлайди.

- 5.3. Оҳангдошлик ва қипчоқ лаҳжаси масаласини изоҳлайди.
- 5.4. Оҳангдошлик ва ҳозирги ўзбек адабий тили муоммаларини шарҳлади.

5- асосий саволнинг баёни:

Оҳангдошлик ҳодисаси туркий тилларда қадимдан мавжуд бўлиб, у товушлардаги уйғунликни, ўзаро оҳангдошликни таъминлайди. Одатда, оҳангдошлик ҳақида гап кетганда, кўпинча, унлилардаги тил олдилик ва тил орқалик, ҳамда лабланганлик ва лабланмаганлик тўғрисида гапирилади. Ваҳоланки, оҳангдошлик ҳодисаси бу билан тугамайди. Лабланганлик, яъни лаб уйғунлиги фақат унли товушларга хос ҳодиса. Аммо танглай уйғунлиги қонуниятига биноан, товушлардаги тил олдилик ва тил орқалик хусусияти ҳисобга олинади. Бундай ажралиш нафақат унлиларда, балки тилимиз тарихига назар ташласак, балки ундош товушларда ҳам мавжуд бўлган. Қиёсланг: қағанқа-ҳоқонга, алым –олим, қарз, оғызғару-ўғузга, соқум-сўқим, кучуг-кучни, козум-кўзим каби.

Оҳангдошликдаги учинчи жараён – бу ундош товушлардаги жаранглилик ва жарангсизлик ҳодисаси саналади. Бу жараён ҳам туркий тиллар тарихининг қадимги давридан бошлаб амал қилинган.

Оҳангдошлик эски туркий тил даврида ҳам мавжуд бўлиб, туркий тиллар тарихида бу жараён ҳақида дастлаб Маҳмуд Кошғарий фикр билдирган. Олим туркий тилларнинг ўзак характеристига қараб кўшимчаларнинг қаттиқ, юмшоқликда фарқланганлигини таъкидлайди. А.М. Шчербак эски ўзбек тили даврида биринчи тип, яъни танглай уйғунлигининг сақланган ва бузилган ҳоллари бор, иккинчи тип, яъни лаб уйғунлигига эса бузилиш ҳолати мавжуд деб кўрсатади. Филология фанлари доктори, академик А. Рустамов эса XV аср ўзбек адабий тилида сингармонизмнинг ҳар учала қонуни, яъни унлилардаги танглай уйғунлиги ҳамда ундошлардаги жаранглилик ва жарангсизлик уйғунлиги бор деган хulosани билдиради: **атасы** (рабф)-отаси, **отурмаз** (XIII)-ўтирмас, **қатла** (МН)-қатла, **сўлўқ** (Аттуҳфатуз)-ўзлўклўқ, **йўзўндин** (МН)-юзингдин, тўшти (ХIII)-тушди, **улуғлуғ** (ХIII)-улуғлик, **көнўл** (МН)-кўнгил каби.

Қипчоқ лаҳжасида ҳам тил тарихидаги оҳангдошликнинг ҳар уч ҳолати амал қиласди. Хусусан танглай уйғунлигига биноан ўзак ва

қўшимчадаги тил олдилик ва тил орқалик ҳолати нутқдаги қулайлик боис сақланиб қолган: тиш+тин-тишнинг; қол+дын-қўлнинг, әкәси, ўкәси, тағасы, ағасы, сынды, тынды, кәлди, көрди, бөлди, көзум, қолум (қолым, көзим), сөзум (сөзим) төзүм, улум (улым) каби.

Қипчоқ лаҗжасида айрим ҳолатда лаб оҳангдошлиги бузилиши мумкин. Бироқ танглай уйғунлиги, яъни тил олдилик ва тил орқалик нутқда тўлиқ сақланади.

Ундош товушлардаги жаранглилик, жарангиззлик ҳодисасига ҳам қипчоқ лаҗжасида амал қилинади: **иш + тән** (ищдан), **қыш + тан** (қишдан), **кәпти** (кепди), **кэтти** (кетди), ўш+тә (учта), қыш+та (қишида).

Оқыш+та (ўқишида); ўй+гә (уйга), **той+ға** (тўйга), **қал+ды** (қолди), **бар+ды** (борди), **бол+ды** (бўлди), **бөл+ди** (бўлди), **көр+ди** (кўрди), **сөз+гә**, **көз+гә**, **кәл+ди** каби.

Одатда, оҳангдошлиқ ҳодисаси нутқда қулайликни таъминлаш, талаффузда бир меъёрни юзага келтиришда муҳим ўрин тутади. Шу билан бирга талаффуздаги ўша меъёр нутқда маълум бир мусиқа, оҳангни шакллантиришни юзага келтиришга ёрдам беради.

Ўзбек адабий тилида ҳам оҳангдошлиқ қонунияти аксарият амал қиласи: Лабиал уйғунлик бузилгани билан ундошлардаги жаранглилик, жарангиззлик ва танглай уйғунлиги нутқ равонлиги, унинг мусиқавийлигини таъминлашга хизмат қиласи.

Назорат топшириқлари

1. Оҳангдошлиқ қонуниятининг нутқда тутган ўрнини белгиланг (категория — анализ).
2. Оҳангдошлиқ ҳодисасини шарҳлашга ҳаракат қилинг (категория — анализ).
3. Мумтоз тилимиз ва оҳангдошлиқ қонуниятини шарҳланг (категория — анализ).
4. Қипчоқ лаҗжаси ва оҳангдошлиқ қонуниятини изоҳланг (категория — анализ).
4. Оҳангдошлиқ ва ҳозирги ўзбек адабий тили муносабатини белгиланг (категория — анализ).

Талабалар учун мустақил иш топшириқлари

1. Қипчоқ лаҗжаси вакиллари нутқидан транскрипцияда бирорта эртак ёки ҳикоя ёзиб олиш.

2. Ёзib олган ҳикоя асосида қипчоқлаҳжасидаги унлиларни жадвалга жойлаштириш.
3. Матн асосида ундошларни жадвалга жойлаштириш.
4. Матндаги сўзларда оҳангдошлик турларини белгилаш.
5. Ушбу матнни ўзбек адабий тили талафуз меъёрига солиш. Ушбу матн асосида лаҗжа ва адабий тил муносабатини белгилаш.

Фойдаланиш учун адабиётлар

1. *Данияров X.* Опыт изучения джекающих диалектов в сравнении с узбекским литературным языком. Т.: «Фан», 1975.
2. *Дониёров X.* Эски ўзбек адабий тили ва қипчоқ диалектлари. Тошкент, 1976.
3. *Абдуллаев Ф.* Ўзбек тилининг ўғуз лаҳжаси. Т.: «Фан», 1978.
4. *Ишаев А.* Қорақалпогистондаги ўзбек лаҳжаси. Т.: «Фан», 1977.
5. *Тўйчибоев Б.* Ўзбек тилининг тараққиёти босқичлари. Т.: «Ўқитувчи», 1996.

6-МАВЗУ. ҚИПЧОҚ ЛАҲЖАСИННИНГ МОРФОЛОГИК ХУСУСИЯТЛАРИ

Асосий саволлар:

1. Қипчоқлаҳжасида исм ва унинг ўзбек адабий тилига муносабати.
2. Қипчоқлаҳжасида феъл ва унинг ўзбек адабий тилига муносабати.

Мавзууга оид таянч тушунча ва иборалар:

Қипчоқлаҳжасида кўпллик кўриниши, унинг ўзбек адабий тилига муносабати, қипчоқлаҳжасида эгалик кўрсаткичи, унинг ўзбек адабий тилига муносабати, қипчоқлаҳжасида келишик қўшимчалари, ўзбек адабий тилига муносабати, қипчоқлаҳжасидаги баъзи олмошларнинг ўзбек адабий тилига муносабати, қипчоқлаҳжасида феъл кўринишлари, ўзбек адабий тилига муносабати, қипчоқлаҳжасида сифатдош шакли, ўзбек адабий тилига муносабати, қипчоқлаҳжасида равишдош кўриниши ва х.

1-асосий савол бўйича ўқитувчининг мақсади: Қипчоқ лаҳжасидаги кўплик кўринишини ўзбек адабий тили билан қиёслаб таҳлил қилиш. Лаҳжадаги эгалик кўрсаткичларини шарҳлаш, адабий тил билан муносабатини белгилаш, қипчоқ лаҳжасидаги келишик кўрсаткичларини шарҳлаш ўзбек адабий тили билан лаҳжадаги баъзи олмошларнинг ўзбек адабий тилига муносабатини белгилаш.

ИДЕНТИВ ЎҚУВ МАҚСАДЛАРИ

- 1.1. Қипчоқ лаҳжасидаги кўплик кўрсаткичларини шарҳлайди, ўзбек адабий тилига муносабатини белгилайди.
- 1.2. Қипчоқ лаҳжасидаги эгалик кўрсаткичларини шарҳлайди, унинг ўзбек адабий тилига муносабатини изоҳлайди.
- 1.3. Қипчоқ лаҳжасидаги келишик кўрсаткичларини изоҳлайди, ўзбек адабий тилига муносабатини белгилайди.
- 1.4. Қипчоқ лаҳжасидаги айрим бошқа исмларни қайд этади, уларнинг ўзбек адабий тилга муносабатини белгилайди.

1- асосий саволнинг баёни:

Қипчоқ лаҳжасида отларда кўплик шакли - л ə р/-л а р, -нәр/-нар қўшимчалари билан ҳосил қилинади: к и ш и л ə р, қ о й л а р, а д а м н а р, к и й и м н ə р. Ўзбек адабий тилида **-лар**.

Қипчоқ лаҳжасида **с ə н** иккинчи шахс бирлик, **с и з** иккинчи шахс бирлик ҳурмат, **силар** кўплик, оддий муносабат, **сизлар** кўплик ҳурмат маъноларида қўлланилади.

Ўзбек адабий тилидан фарқли равища қипчоқ лаҳжасида 1-шахс кўпликлар қўшимчасини олмайди ва **бизлар** шаклида ишлатилмайди.

-л ə р кўплик қўшимчаси қипчоқ лаҳжасида адабий тилдан ва шаҳар гуруҳ шевалардан фарқли равища ҳурмат маъносида келмайди (атамнар эмас, атам) ва феълларга қўшилмайди (бардылар эмас барды).

Феълнинг кўплик шакли қипчоқ лаҳжасида адабий тилдан фарқли равища баъзан шахс-сон қўшимчаларидан олдин келиши мумкин бардыларныз, кэлдиләриниз каби.

Қипчоқ лаҳжасидаги эгалик кўрсаткичи адабий тил билан ўзининг кўп шаклдалиги билан фарқланади.

Бирлик		Кўплик			
№	Шахс	Қипчоқ лаҳжасида	Ўзбек адабий тилида	Қипчоқ лаҳжасида	Ўзбек адабий тилида
I	-м -им -ым:	ўйим, қойым, ботам	-м, -им	-мис, -мыс, -имис, ымыс: ботамыс, эчкимис, кийимимис	-миз, -имиз.
II	-н, -ин, -ын:	сөзін, эчкин, тайын	-нг, -инг	-лэрин, -ларын: эчки-лэрин, тайларын	-ларинг
	-нис, -ныс, -инис, ыныс: (хурмат маъно- сида): әк әнис, апаныс, атанис, сөзинис		-низ -ингиз	-лэринис, -ларыныс: (хурмат маъносида): экэлэринис, апаларыныс	-ларинг- из
III	-си/-сы, -и, -ы:	улы, қызы, көнли, әк әси, атасы	-си, -и	-си, -сы, -и, -ы, -ләри, лары: балалардын эчкиси, балалардын қойы, эчкилари, қойлары	-лари

Қипчоқ лаҳжасида келишик қўрсаткичлари адабий тил билан ўзининг кўп шаклдалиги жиҳатдан қисман фарқланади.

Қипчоқ лаҳжасида			Ўзбек адабий тилида
№	Келишиклар	қўшимчалар	қўшимчалар
1	Бош	—	—
2	Қаратқич	-нин,/-нын,-дин,/-дын,-тиң/-тын, ин/ын: әкәмнин, атамнын, ўйдин, қойдын, иштин, қыштын, бизин, сизин,	-нинг
3	Тушум	-ни/-ны,-ди/-ды,-ти/-ты: баланы, кишини, ўиди, қойды, ишти, қышты.	-ни
4	Жўналиш	-ғә/-ға,-қә/-қа,- ә/-а,-нә/-на: ўйғә, тойға, ишқә, қошқә, әкәмә, атама, өзинә, қолына.	-га, қа, ға.
5	Ўрин-пайт	-дә/-да, -тә/ -та: ўйдә, тойда, иштә, қошта.	-да
6	Чиқиш	-дан/-дән,-тан/-тән,-нан/-нән: қойдан, уйдән, қоштан, иштән, наннан, жўзўмнән.	-дан

Қипчоқ лаҳжасидаги олмошларнинг ҳам адабий тил билан умумийлиги мавжуд.

Бирлик			Кўплик	
Шахс	Қипчоқ лаҳжасида	Адабий тилда	Қипчоқ лаҳжасида	Адабий тилда
I	Мэн	Мен	Биз	Биз
II	Сэн Сиз	Сен Сиз	Силар, сизлар	Сиз
III	O/ у- ул/ ол	У	Улар/ олар	Улар

Қипчоқ лаҳжасида	Ўзбек адабий тилида
У/о ул/ол	У (ул)
Бу/бул	Бу
Шу / шул, шо / шол	Шу (шул)
Унда / онда, мунда / мында	Унда, бунда
—	Ўша

Назорат топшириқлари

1. Қипчоқ лаҳжасидаги отларда кўпликнинг ифодаланишини шарҳланг. Уларнинг адабий тилга муносабатини белгиланг (категория — билиш).
2. Қипчоқ лаҳжасида **-лар/ -лэр** қўшимчасининг олмошга ва феълга қўшилишидаги ўзига хосликларни изоҳланг. Адабий тил билан қиёсланг (категория — билиш).
3. Лаҳжадаги кўплик ва ҳурмат муносабатини тушунтиришга ҳаракат қилинг (категория — билиш).
4. Қипчоқ лаҳжасидаги эғалик кўрсаткичини тушунтиринг. Адабий тилга муносабатини белгиланг (категория — билиш).
5. Қипчоқ лаҳжасидаги келишик кўрсаткичларини изоҳланг. Адабий тил билан муносабатини аниqlанг (категория — идрок).
6. Қипчоқ лаҳжасидаги баъзи олмошларни адабий тил билан қиёслаб шарҳланг (категория — идрок).

ТЕСТЛАР:

1. Қипчоқ лаҳжасида кўплик қўшимчаси шакллари қайси қаторда тўлиқ кўрсатилган.
 - А. -лэр/-лар.
 - В. -лэр/-лар, нәр/-тәр.
 - С. -дар/-дәр, -тар/-тәр.
 - Д. -ләр/-лар, -нәр/-нар, -әр/-тар.
 - Е. -лэр/-лар, -дәр/, -дар.

2. **-ңис /-ңыс, -инис/-ыңыс** шакллари қипчоқ лаҗжасида қайси маънода қўлланилади?

- A. шахс-сон кўрсаткичи маъносида.
- B. II шахс эгалик кўрсаткичи оддий муносабат.
- C. II шахс эгалик кўрсаткичи ҳурмат маъносида.
- D. II шахс эгалик кўрсаткичи кўплик маъносида.
- E. II шахс буйруқ маъносида.

3. Қипчоқ лаҗжасида **-и, ин, -ын** шакллари қайси маънода қўлланилади?

- A. II шахс буйруқ маъносида.
- B. III шахс буйруқ маъносида.
- C. II шахс эгалик кўрсаткичи, кўплик.
- D. II шахс эгалик кўрсаткичи, оддий муносабат.
- E. II шахс эгалик кўрсаткичи, ҳурмат маъносида.

4. **-тә/ -та, кә/-қа, ә/-а, нә/-на** қандай қўшимча?

- A. Ўрин-пайт келишиги қўшимчаси.
- B. Чиқиш келишиги қўшимчаси.
- C. Сўз ясовчи қўшимча.
- D. Шакл ясовчи қўшимча.
- E. Жўналиш келишиги қўшимчаси (категория — идрок).

2-асосий савол бўйича ўқитувчи мақсади: Қипчоқ лаҗжасидаги феълнинг шахсли шакли ҳақида талабаларга изоҳ бериш. Уларнинг ўзбек адабий тилига муносабатини белгилаш. Қипчоқ лаҗжасидаги феълнинг шахссиз шакллари ҳақида тушунча бериш. Ўзбек адабий тилидаги шакллар билан муносабатини белгилаш.

ИДЕНТИВ ЎҚУВ МАҚСАДЛАРИ

2.1. Қипчоқ лаҗжасидаги феълнинг шахсли шакллари ҳақида тушунча беради.

2.2. Лаҗжадаги шакллар билан адабий тилдаги шакллар ўргасидаги муносабатини белгилайди.

2.3. Қипчоқ лаҗжасидаги феълнинг шахссиз шаклларини изоҳлайди.

2.4. Лаҳжа ва адабий тил ўргасидаги муносабатини шарҳлайди.

2-асосий саволининг баёни:

Қипчоқ лаҳжасидаги феълнинг шахсли шакли умумий ҳолда ҳозирги ўзбек адабий тили билан мос келади. Аммо уларнинг баъзи ўзига хос жиҳатлари ҳам мавжуд. Чунончи, ўзбек адабий тилида феълнинг ҳозирги келаси замон III шахс кўплик шакли **бордилар//борди, келдилар//келди** тарзida қўлланса, қипчоқ лаҳжасида фақат **борди, келди** кўринишда ишлатилади. Чунки қипчоқ лаҳжасида феълга кўплик «-лар» қўшилмайди. Кўплик кўрсаткичи фақат отга қўшилади.

Ўзбек адабий тилидаги «**қол**» кўмакчи феъли маъноси қипчоқ лаҳжасида қўшимча шаклдаги «**гай**» кўмакчи феъли билан ифодаланади: **борақол, -барагай, келақол-кәләғай, ёзақол-жазагай**.

Феълнинг бўлишсиз шакли қипчоқ лаҳжасида икки фонетик вариантда ифодаланади: **тавмайды //таппайды**.

Ҳозирги замон давом феъли қипчоқ лаҳжасида **-ә /-а, -п, -ип/-ып** шакли равишдошга шахс-сон қўшимчасининг тўлиқ кўринишини олган кўмакчи феълларни қўшиш йўли билан ҳосил қилинади:

Ҳозирги замон феъли

Бирлик			Кўплик	
Шахс	Қипчоқ лаҳжасида	Адабий тилда	Қипчоқ лаҳжасида	Адабий тилда
I	Баражатыппан	Бораётубман	Айтып турыпплиз	Айтиб турибмиз
II	Баражатыпсан	Бораётубсан	Айтып турыпсылар	Айтиб турибсиз
III	Баражатыпсан	Бораётубсиз	Айтып турыпсызлар	Айтиб турибсизлар
	Баражатыты	Бораётубди	Айтып турыпты	Айтиб турибдилар

Ўтган замон феъли

Бирлик			Кўплик	
Шахс	Қипчоқ лаҳжасида	Адабий тилда	Қипчоқ лаҳжасида	Адабий тилда
I	бардым	бардим	кэлдик	келдик
II	бардын бардыныс	бординг бордингиз	кэлдиларинис кэлдиләрин	келдингиз келдиларинг
III	барды	барди	кэлди	келдилар

Истак майли

	Бирлик		Күплик	
Шахс	Қипчоқ лаҳжасида	Адабий тилда	Қипчоқ лаҳжасида	Адабий тилда
I	баратын кәләйин көрәйин	борай келай күрай	барайық кәләйик көрәйик	борайлык келайлык күрайлык

Буйруқ майли

	Бирлик		Күплик	
Шахс	Қипчоқ лаҳжасида	Адабий тилда	Қипчоқ лаҳжасида	Адабий тилда
II	Бар (оддий муносабат) ан (хурмат муносабат)	Бор Олинг (хурмат)	Барыннар анызлар	Боринглар олинглар

Шарт майли

	Бирлик		Күплик	
Шахс	Қипчоқ лаҳжасида	Адабий тилда	Қипчоқ лаҳжасида	Адабий тилда
I	барсам	борсам	барсақ	борсак
II	барсан (оддий муносабат) барсаныс (хурмат)	борсанг борсангиз	барсаларың (оддий муносабат) барсаларыңыс (хурмат)	борсаларинг борсаларингиз
III	барса	борса	барса	борсалар

Ҳаракат номи қипчоқ лаҳжасида **-ш, -иш/-ыш** құшымчаси билан ҳосил қилинади: **айтыш** кәрәк-айтиш керак, **барыш** қағмас-бориң бўлса **қочмас**.

-в, -ув/-ёв құшымчаси ҳам лаҳжада ҳаракат номи ясашда қатнашади: **Барув-борув, кәлув-келув, айтув-айтув**.

-Мақ/-мәқ құшымчаси ҳам қипчоқ лаҳжасида баъзан ҳаракат номи ясашда иштирок этади: Тавмақ-топмоқ, көрмәк-күрмоқ, ичмәк-ичмоқ, айтмақ-айтмоқ.

Равишдош шакли қипчоқ лаҳжасида феъл ўзагига **-а, -ә, -п, -ип, -ып** қўшимчаларини қўшиш билан ҳосил қилинади: Мэни көрә, чавып кетти мени кўра, чопиб кетди.

Сифатдош шакли қипчоқ лаҳжасида **-гән, -ған, -қан/-кән** қўшимчаси билан ясалади: Оқыған бала-ўқиган бола, кәгән мийман-келган меҳмон, ёткән өмир-ўтган умр, айтқан гәп-айтган гап.

-й, -а/-ә +турған: ишләйтурған адам — ишлайдиган одам. Боратурған адам, кәләтурған адам — келадиган одам.

Назорат топшириқлари

1. Қипчоқ лаҳжасидаги феълларнинг шахсли шаклини шарҳланг. Уларнинг ўзбек адабий тил билан муносабатини белгиланг (категория — анализ).
2. Қипчоқ лаҳжасидаги ҳозирги замон давом феълини изоҳланг. Адабий тилга муносабатини белгиланг (категория — анализ).
3. Қипчоқ лаҳжасидаги ўтган замон феълини шарҳланг. Адабий тилга муносабатини белгиланг (категория — анализ).
4. Қипчоқ лаҳжасидаги истак майлини изоҳланг. Уларнинг адабий тилдаги шакллари билан муносабатини аниқланг (категория — анализ).
5. Шарт майлининг лаҳжадаги шакли билан адабий тилдаги кўринишини қиёслаш асосида ўз фикрингизни баён этинг (категория — анализ).
6. Лаҳжадаги ҳаракат номи кўринишларини адабий тил билан қиёслаб шарҳланг (категория — анализ).
7. Равишдош шакллари бўйича қипчоқ лаҳжаси билан адабий тил муносабатини қандай изоҳлаган бўлардингиз (категория — анализ)?
8. Сифатдош шакллари асосида қипчоқ лаҳжаси ва адабий тил муносабатларини белгилашга ҳаракат қилинг (категория — анализ).

ТЕСТЛАР:

1. Қипчоқ лаҳжасида «-ә/-а, -п, -ип/-ып + шахс-сон қўшимчаси» моделида қандай категория ҳосил қилинади?

- A. Равишдош шакли.
- B. Ҳозирги замон давом феъли.
- C. Келаси замон феъли.
- D. Ўтган замон феъли.
- E. Ўтган замон давом феъли.

2. **-йын/-йин, -айын/-әйин** шакли қандай категория ҳосил қиласи?

- A. Истак майли.
- B. Буйруқ майли.
- C. Шарт майли.

Д. Ўтган замон давом феъли
Е. Келаси замон феъли.

3. -в, -ув/-ўв кўриниши қанақа грамматик категория ҳосил қилишда қатнашади?

- А. Равишдош ясайди.
- В. Сифатдош ясайди.
- С. Ҳаракат номи ясайди.
- Д. Феълни шахсли шаклини ҳосил қиласи.
- Е. Ҳолат феълинин ясайди.

4. «-й-а/-ә + турған» шакли қанақа грамматик категория ҳосил қиласи?

- А. Равишдош ҳосил қиласи.
- В. Сифатдош ҳосил қиласи.
- С. Ҳаракат номи ҳосил қиласи.
- Д. Келаси замон давом феълини.
- Е. Ўтган замон феълинин ҳосил қиласи (категория — анализ).

Талабалар учун мустақил топшириқлар

1. Ўз шевангиздан тўплаган материалингиз асосида кўплик қўшимчасининг қўлланилиш чегарасини белгилашга ҳаракат қилинг.

2. Тўплаган манбангизга асосланиб, ўз шевангиздаги келишик, эгалик кўрсаткичларини аниқланг. Уларнинг қипчоқ лаҗасига муносабатини белгиланг.

3. Ўз шевангиздан йиққан манбангиздан феълнинг шахсли шаклини ажратинг. Уларни қипчоқ лаҗаси билан қиёсланг.

4. Ўз шевангиз бўйича тўплаган манбангиздан феълнинг шахссиз шаклларини ҳосил қилувчи кўринишларини қипчоқ лаҗаси билан қиёсан шарҳланг.

Фойдаланиш учун адабиётлар

1. *Данияров X.* Опыт изучения джекающих диалектов в сравнении с узбекским литературным языком. Т.: «Фан», 1975.

2. *Ишаев А.* Қорақалпогистондаги ўзбек шевалари. Т.: «Фан», 1977.

3. *Тўйчибоев Б.* Ўзбек тилининг тараққиёт босқичлари. Т.: «Ўқитувчи», 1996.

7-МАВЗУ. ҚИПЧОҚ ЛАҲЖАСИ ЛЕКСИКАСИ

Асосий саволлар:

1. Қипчоқлаҳжа ва шевалари лексикасини чуқурлаштириб ўрганиш масаласи.
2. Қипчоқлаҳжа лексикасининг семантик турлари.
3. Қипчоқлаҳжа шеваларининг лексик-стилистик қатламлари ва соҳалар бўйича турлари.

Таянч тушунча ва иборалар:

Шарқий гуруҳ қипчоқ шевалари, гарбий гуруҳ қипчоқ шевалари Фарғона гуруҳ қипчоқ шевалари, Жанубий гуруҳ қипчоқ шевалари, қипчоқ шеваларининг Шимолий Хоразм гуруҳи, қипчоқ шеваларидаги умумий томонлар, тафовутлар, қипчоқлаҳжасининг семантик турлари, қипчоқлаҳжасининг айрим соҳалар бўйича турлари, лексик-семантик қатламлари.

1-асосий савол бўйича ўқитувчи мақсади: Қипчоқлаҳжа ва шеваларини гуруҳлаштиришга ҳаракат қилиш. Гуруҳлардаги лексик умумийлик ва хусусийликни изоҳлаш.

ИДЕНТИВ ЎҚУВ МАҚСАДЛАРИ

1. Қипчоқлаҳжасининг гуруҳлаштирилиш сабабини изоҳлайди.
2. Қипчоқлаҳжасини гуруҳлаштириб шарҳлайди.
3. Гуруҳлардаги умумийлик ва хусусийликка эътиборни қаратади.

1-асосий саволнииг баёни:

Сўзлар тилнинг ойнаси. Шу сабабли бир гуруҳдаги шеваларнинг ўзаро тафовути ва умумийлиги бу соҳада кўзга аниқроқ ташланади.

Бундай хусусият қипчоқлаҳжасига ҳам хос бўлганлигидан шевашуносликда улар ҳудудий жиҳатдан гуруҳлаштириб ўрганилади.

1. Қипчоқ шеваларининг Шарқий гуруҳи (Шарқий қипчоқ диалекти). Самарқанд шаҳрининг шарқ томони. Бекобод шаҳри ва Бекобод туманига қадар тарқалган қипчоқлаҳжалари. Жиззах вилоятининг асосий қисми (Бахмал, Фаллаорол, Зомин ва б.). Сирдарё вилоятининг бир қисмини ўз ичига олади (Х. Дониёров ва б.).

2. Фарбий гуруҳ қипчоқ шевалари (Фарбий қипчоқ диалекти). Фарбий гуруҳ қипчоқ шевалари асосан Самарқанд шаҳридан фарбга томон

қисмини ва Навоий вилоятининг асосий қисмини ўз ичига олади (Н. Ражабов ва б.).

Шарқий ва Гарбий гуруҳ қипчоқ шевалари ўртасида маълум даражада тафовут мавжуд.

3. Фарғона гуруҳ қипчоқ шевалари (Фарғона водийси қипчоқ диалекти).

Бу гуруҳга киравчи қипчоқ шевалари деярли бутун Фарғона водийсига тарқалган. Қипчоқ шевалари Андижон (С. Иброҳимов), Шаҳриҳон ва Асака атрофларида, Тошлок, Балиқчи, шунингдек, Янгиқўрон (Ф. Абдуллаев), Ўичи (А.Ю. Алиев) ва бошқа туманларда ҳамда Кўқон (Ш. Носиров) шаҳри атрофларида учрайди.

Бу шевалар қорлуқ-чигил типидаги шевалардан ҳам қисман фарқланади. Шубҳасиз шевалардаги интеграция аҳолининг зич жойланиши билан ҳам боғлиқ.

4. Жанубий гуруҳ қипчоқ шевалари (Жанубий-қипчоқ диалекти). Бу гуруҳ шевалари Қашқадарё (Б. Жўраев, А. Шерматов) ва Сурхондарё вилоятининг катта ҳудудига, шунингдек, Тожикистоннинг жанубий туманларига тарқалган. Бу гуруҳ қипчоқ лаҗжалари ҳам ҳудди Самарқанд ва Жиззах вилоятидаги қипчоқ лаҗжалари каби ўзининг хусусиятини сақлаб келмоқда.

5. Қипчоқ шеваларининг Шимолий Хоразм гуруҳи (Шимолий Хоразм қипчоқ диалекти). Бу гуруҳ қипчоқ шевалари профессор Е.Д. Поливанов, Ф.А. Абдуллаев томонидан, Қорақалпогистондаги қипчоқ шевалари А.Ишаев томонидан ўрганилган.

Назорат топшириқлари

1. Қипчоқ лаҗжаси нима сабабдан яна гуруҳларга ажralишини изоҳланг (категория — билиш).

2. Қипчоқ лаҗжаси қандай гуруҳларга бўлинади. Уларнинг шундай номланиш сабабини тушунириинг (категория — билиш).

3. Қипчоқ лаҗжаларини қайси олимлар ўрганганд? Уларнинг қандай асарларини биласиз (категория — билиш)?

4. Ўзингизнинг шевангиз қайси гуруҳга мансуб (категория — билиш)?

5. Тест: Қипчоқ лаҗжаси неча гуруҳга бўлинади (категория — билиш)?

А. 2 гуруҳга

В. 3 гуруҳга.

С. 4 гуруҳга.

Д. 5 гуруҳга.

Е. 6 гуруҳга.

2-асосий савол бўйича ўқитувчи мақсади: Қипчоқ шевалари лексикасининг семантик турлари ҳақида фикр билдириш. Сўзлардаги семантиканинг боғлиқ жиҳатларини изоҳлаш. Лаҳжалардаги сўзларнинг шу хусусият жиҳатидан адабий тил билан муносабатини белгилаш. Шу йўл билан ўз шевасига меҳр уйғониш.

ИДЕНТИВ ЎҚУВ МАҚСАДЛАРИ

- 2.1. Қипчоқ шевалари лексикасининг семантик турларини изоҳлайди.
- 2.2. Сўзлар семантикасининг юзага келишида у билан боғлиқ воситалар ҳақида фикр билдиради.
- 2.3. Лаҳжалардаги сўзларни семантик жиҳатдан адабий тилдаги шакллари билан қиёслайди.
- 2.4. Улар ўртасидаги муносабатини белгилайди.
- 2.5. Ушбу усул билан талабаларда ўз шевасига нисбатан меҳр уйғотади.

2-асосий саволнинг баёни:

Қипчоқ лаҳжасидаги сўзларни семантик жиҳатдан кўп маънолилик, маънодошлиқ, шаклдошлиқ, зид маънолилик, сўз маъноларининг ўзгариш, кўчма маънолиги ва бошқа жиҳатлари нуқтаи назардан таҳлил қилиш мумкин.

Қипчоқ лаҳжасида сўзларда кўп маънолилик кишиларнинг тана аъзоларига, ёки киши ё нарсаларнинг бошқа бирор белгисига нисбат бериш натижасида юзага келади. Чунончи, **баш-одамнинг боши, тавдың башы** (тогнинг боши), **бувдайдың башы** (буғдойнинг бошофи), **авулдың башы** (қишлоқнинг бошланиши), **қазандыш бошы** (қозоннинг ёни), **очақтың башы** (ўчоқнинг ёни), **дарахттың башы** (дарахтнинг боши, шохи), **арыктың башы** (ариқ қулогининг бошланиши), **сувдың башы** (сувнинг боши), **баштан** (аввалдан, илгаридан), **соқа баш** (бир ўзи) бирикмаларидаги кўчма маъно «бош»сўзига нисбат бериш натижасида юзага келган «Бош» сўзининг кўчма маъноси қипчоқ лаҳжасида адабий тилга нисбатан кўпроқ.

Каш-одамнинг қоши. Шу билан боғлиқ бўлган кўчма маънолари: **ийәрдин қашы** эгарнинг қоши, **машанъи қашы, устымдың қашы**. Лекин қипчоқ лаҳжасида «Фалон хўжалик қошидаги мактаб» тарзли бирикмалар кўлланилмайди.

Ақ, оқ сўзи асосан эзгулик тимсоли сифатида қўлланилади. Бу сўз оқ рангни билдириш билан бир қанча қўшимча маъноларда ҳам келади: **ақ қөнил** (оқ кўнгил) одам, **ақ** (оқ)-гуноҳсиз одам, **ақлап гәпирди**-ён босиб гапирди, **ақланды** – кечирилди, **ақ жўзли болды** – обрўли бўлди, **көнни ақ адам** – тўғри дилкаш одам, **агартырмақ** – оқартирмоқ, ювигтарамоқ, парвариш қилмоқ, **агыны ақлады**, **көгини көклэди** – оқини оқлади, қўкини кўклади, тарбиялади, хизматини меъёрига етказди, парвариш қилди. **Аққа тойиды** – сут-қатиққа тўйди, **авзы** (эрини) **агарып қалды** – лаби оқариб қолди (тўйинди, турмуши яхшиланди). Ақ (агарған)-гўштнинг ёғи маъносида, **ғөштиң ағыны жэмайди**- гўштнинг ёғини емайди ва бошқалар.

Кипчоқ лаҳжаси маънодош сўзларга ҳам бой: **жилик//сўйёк**. Тенг қўлланади. Маънодошлиги асосан сийлов, зиёфат маъносида учрайди: **жилик қоймақ** ёки **ашқа сўйёк самақ, чырагым // айнам**. Бу сўзлар кекса кишиларнинг ёшларга суюб мурожаат қилишида маънодошлиқ касб этади. Аввалроқ **айнам** сўзи кўпроқ ишлатилган бўлса, кейинчалик **чырагым** сўзининг истеъмол доираси кенгайди.

Бой, гевдә, сымбат, кэлбәт, пичим маънодошларида етакчи бой сўзидир. Бэт, жўз, ирән, тўс, чырай, әпит, пешэрә, турқ, **сыйақ, сақт, көриниш, қыйапа** маънодошларида бет етакчи, унинг энг яқин маънодоши **жуз** сўзидир.

Худди адабий тилдагидек, лаҳжада ҳам уларнинг қўлланиш ўрнига эътибор қаратмоқ керак бўлади. Қиёсланг: **чырайы ачық-** юзи очиқ, табиати очиқ, кайфияти яхши. **Ҳеч чырайы ачылмадыда** – ҳеч табиати(қовоғи) очилмади-да. **Чырайы ачық** ибораси ўрнида **жузи ачық** ёки бэти ачық ибораларини қўллаб бўлмайди.

Ирән: ирәни кирип қапты (касалга ёки пишаётган мевага нисбатан).

Тўс: тўси жақшыдан тўнўлмә-туси яхшидан чекинма.

Сыйақ: сыйаги атасига оқшайды -кўриниши отасига ўхшайди.

Сақт: сақты жаман –кўриниши, тузилиши ёмон.

Кипчоқ лаҳжасида худди адабий тилдаги ва бошқа лаҳжалардаги каби шаклдош сўзлар ҳам жуда мўл. Чунончи, **от** (ўт) сўзи иккита шаклдошликни юзага келтиради. **От** - 1. кўкат - 2. олов. **Өт** сўзи ҳам худди шундай: 1) **өт-ўт** қопчаси; 2) **өт-феъл** (ўтмоқнинг буйруқ шакли).

Ор: 1) ор-ўришга буйруқ; 2) ор-чукурлик.

Өр: 1) өр-сочни ўриш; 2) өр-баландлик.

Төр: 1) төр-үйнинг тўри; 2) төр-тўрт.

Тўр: 1) тўр-хил, жинс; 2) тўр-енгни турмак.

Тув: 1) тув-байрәқ (туғ); 2) тув-феъл.

Торы: 1) торы -тўриқ (йилқи); 2) торы -тўр сўзининг III шахс

эгалик қүшимчасини қабул қылган шакли; 3) торы -түримоқ, кезмоқ.

Жәл: 1) жәл-касаллик; 2) жәл-шамол; 3) жәл-елмоқ; 4) жәл-ески ҳаво.

К у р а қ: 1) қурақ-улама күрпача ёки ёстиқ; 2) қурақ-үсімлик (чий қамиш).

Урчық: 1) урчық - йигириш асбоби; 2) урчық- сон сұягининг тозга бирлашувчи учы.

Чалма: 1) чалма-чалма (гүнгдан қилинган ўтин); 2) чалма-чалма (чолмоқ феълининг бўлишсизликка қаратилган буйруқ шакли); 3) чалма-чолми? 4) чалма- жияк.

Ан: 1) онг; ўй, 2) олинг; 3) анқов, содда, лапашанг.

Қипчоқ лаҗжасида айрим мустақил маъноли сўзлар баъзан жуфтлашиб янги маъно касб этган. Чунончи, қипчоқ лаҗжасида «арқав», «эриш» сўzlари ўрмакнинг узунига ва кўндалангига тўқиладиган ипларининг номлари. Бу иплар бир-бири билан чирмашиб чатишмаса, тўқима ҳосил бўлмайди. Сўзниң худди шу чирмашиб, маъноси «арқов эриш» жуфт сўзига кўчирилиб унга «жора-жолдаш» маъноси юклатилган:

Арқов –эриш боп журиинэр.

Қипчоқ лаҗжасида архаик шаклга кириб қолган сўзлар ҳам анчагина: **шырдан** (шырдан сомоннинг лой шуваб бекитилган уюми), **ғодыра** (ғыдра-аввалги йилдан қолган доннинг ҳар-ҳар жойда чиқсан шакли), **отав** (ўтов), **қора уй, бақан** (тўйда келинга тутиладиган тўсиқ), **кэрәгэ** (керага), **уwyқ,** (увуқ), **чанғарақ** (чонггароқ), **бэлбэв** (белбоғ-қора уйнинг атрофини айлантириб кигизнинг устидан боғлайдиган ип) **эрғенәк** (эрғанак), **кәли, кәли сап** (кели даста), **жәkkәмыйқ** (яккалик)-отни боғлайдиган махсус ёғоч-қозик, **қолдыйырман** (кўл тегирмон), **пәстәк** (пўстак), **нәпромәч** –кўрпа-ёстиқни ўраб қўядиган гилам- қоп, сандал (сандал), **амач** (омоч), **мойынтуруқ** (бўйинтуруқ), **тиш** (тиш), **тиркиш** (тиркиш), **көгэн** (кўқон), **жәхәз** (жихоз), **минсәк** (мурсак), **постын** (пўстин), **басма** (босма чакман), **кәвиш** (кавуш), **пәтәк** (патақ), **чэкмән** (чакман), **мөки // мўки** (оёқ кийими), **жәләк** (желак), **дәләгәй** (делегай), **тупәк** (тупак), **жумәләк** (жамалак), **тышқалы** (тишқоли), **тәжжәк** (гажак), **аймаш** (оийм оши), **жәнчимич //жэнчимич** (янчминч), **қаганақ** (қофаноқ), **киләгәй** (килагай), **қазан нан** (қозон нон), **ақсўйәк** (оқ суяк-үйин тури), **сақа** (соқقا-үйин тури), **ашық** (ошиқ-үйин тури), **талтайақ** (толтоёқ-үйин тури), **орда** (ўрда –үйин тури) кабилар.

Назорат топшириқлари

1. Қипчоқ лаҗжасидаги сўзларнинг семантик турлари ҳақида умумий маълумот беринг (категория — идрок).

2. Лаҳжадаги кўп маъноли сўзлар ҳақида фикр билдиринг. Уларни адабий тил ва ўз шевангиз билан қиёсланг (категория — идрок).

3. Қипчоқ лаҳжасида сўзлардаги маънодошлиқ ҳақида қандай фикрдасиз? Ушбу йўналишда уларни адабий тил ва ўз шевангиз билан қиёсланг (категория — идрок).

4. Сўзлардаги омонимик жиҳатидан қипчоқ лаҳжасини шарҳланг. Ўзбек адабий тили билан солиштиринг. Грамматикадаги изоҳларга муносабат билдиринг (категория — анализ).

5. Қипчоқ лаҳжасидаги архаик сўзларни адабий тил билан қиёслаб кўринг. Ўз мuloҳазаларингизни баён қилинг (категория — анализ).

ТЕСТЛАР:

1. **Ор** сўзи нечта омонимик ҳолатни юзага келтиради?

- A. келтирмайди.
- B. 2 та.
- C. 3 та.
- D. 4 та.
- E. 5 та.

2. **Өр** сўзи қанча шаклдошлиқни ҳосил қиласи?

- A. 2 та.
- B. Ҳосил қилмайди.
- C. 3 та.
- D. 4 та.
- E. 5 та.

3. **Төр** сўзи шаклдош бўладими? Бўлса, нечта шаклдошлиқни юзага келтиради?

- A. Ҳа.
- B. Йўқ.
- C. Ҳа, 2 та.
- D. Ҳа, 3 та.
- E. Ҳа, 4 та.

4. **Тўр** сўзи шевада шаклдошлиқ ҳосил қила оладими? Қила олса қанча сўз билан?

- A. Ҳа.
- B. Йўқ.
- C. Ҳа, 3 та сўз билан.
- D. Ҳа, 2 та сўз билан.
- E. Ҳа, 4 та сўз билан.

5. Чалма сўзининг қанча шаклдоши мавжуд?

- A. 2 та.
- B. 3 та.
- C. 4 та.
- D. 5 та.
- E. 6 та.

6. Урчиқ сўзида қанча шаклдошлиқ бор?

- A. 2 та.
- B. 3 та.
- C. 4 та.
- D. 5 та.
- E. 6 та.

7. Торы сўзида неча шаклдошлиқ бор?

- A. 2 та.
- B. Йўқ.
- C. Билмайман.
- D. 3 та.
- E. 4 та.

8. Ан сўзи шаклдош бўлиб кела оладими? Келса, қанча сўз билан?

- A. Келади, аниқ эмас.
- B. Йўқ.
- C. Келади, 2 та сўз билан.
- D. Келади, 3 та сўз билан.
- E. Келади, 4 та сўз билан (категория — анализ).

З-асосий савол бўйича ўқитувчи мақсади: Қипчоқ лаҳжа шеваларининг лексик-стилистик қатламлари ҳақида умумий маълумот бериш . Айрим соҳаларга оид сўз ва атамалар билан таништириш. Қипчоқ лаҳжаси билан адабий тилни қиёслаш.

ИДЕНТИВ ЎҚУВ МАҚСАДЛАРИ

3.1 Қипчоқ лаҳжа шеваларининг лексик-стилистик қатламлари ҳақида умумий маълумот беради.

3.2 Талабаларни лаҳжага хос айрим соҳага доир сўз ва атамалар билан таништиради.

3.3 Қипчоқ лаҳжасининг адабий тилга муносабатини белгилайди.

1-асосий саволининг баёни:

Қипчоқ шевасида адабий тилга ва шаҳар шевалариға нисбатан арабча, форсча ва тоҷикча сўзлар камроқ. Яна улардан бир фарқи бу ўзлашган сўзлар аксар фонетик ўзгаришга учраган ҳолда ишлатилади.

Шевада:

эбийир
нэйэти
ораза
гөш
шайи
Äптиқәрим
Äблурэйим
Äблувэйт
ықлас
савап
шэйит
дыйқан
әбжөш
ғыш
пөстирмә
қора
ғалбыр
кәпкир
шә:әр
дастарқан
дэстийар

Адабий тилда:

обрў
ниҳоят
рўза
гўшт
шоҳи
Абдукарим
Абдураҳим
Абдувоҳид
ихлос
савоб
шоҳид
деҳқон
обжўш
ғиизт
пўст думба
хўра
ғалвир
кафкир
шаҳар
дастурхон
дастёр

Қипчоқ лаҗжаси вакиллари нутқида ўзлашган сўзларнинг айримлари қайта ишланиб бу шеваларнинг лексик-стилистик томондан ривожланишини, ранг-баранглигини ортиришда имконият беради. Масалан, **малчы** (молчи), **мазалы** (мазали), **мазасыз** (мазасиз), **ирәңсиз** (рангсиз), **шадманлық** (шодмонлик), **абаданчылық** (ободончилик), **курсанық** (хурсандлик), **чарпайлыш** (чорпайли) ва бошқалар.

Албатта қипчоқ лаҗжалари сўзлигининг асосини асл туркий, асл ўзбекча сўзлар ташкил этади. Лаҗжадаги сўзлар соҳалар бўйича адабий тил ва бошқа лаҗжалар билан умумийлик касб этса-да, баъзан уларнинг ўзига хос жиҳатлари ҳам кўзга ташланиб қолади.

Қипчоқ лаҗжасининг тармоқ лексикасидаги энг бой ва ўзига хос атамаларидан бири чорвачилик атамаларидир. Чунки қипчоқ лаҗжа

вакиллари қадим замонлардан бошлаб чорвачилик қасби билан жуда жиддий шуғулланган. Шунинг учун бу лаҗжада чорвачилик мол турлари билан боғлиқ бўлган сўз ва атамалар жуда кўп. Улардан кўпчилиги, асосан, шу шевалар орқали адабий тилга кирган ва улар маҳсус атама сифатида ишлатилмоқда. Аммо айримлари адабий тилга кириб улгурмаган. Адабий тилга улар олиб кирилса унинг имконияти янада кенгаяди.

Қипчоқ лаҗжасида	Адабий тилда
Төл	Кўзилатиш компанияси. Кўзи олиш мавсуми
Кўлўк	Кўй ва эчкининг тўрт оёғини бирлаштириб боғлаш.
Көгән	Кўй ва эчкиларни бир ирга тизиб боғловчи маҳсус арқон
Ўйўр	Йилқиларнинг тўдаси. Байтал ва бияларни қайтариб юриш учун, қочириш учун қўйиладиган маҳсус айғир от
Қырқлық	Кўй ва эчкиларнинг жунини қирқадиган маҳсус қайчи
Қырқым	Жун қирқиш жун қирқиш мавсуми
Қылав	Кора молда, кўпроқ бузоқларда учрайдиган касаллик номи. Бу касаллик молнинг тилида бўлади
Қаталақ (қатолок)	Кунлар исиши билан қора молларда бошланадиган ҳолат
Ўйёлөмек (уяламоқ)	Мол ва йилқиларнинг ёмон ётиб қолиб, тура олмай қолиш ҳолати
Жаманнамақ	Йилқиларнинг жинни бўлиш касаллиги
Чув	Сигирнинг бузоқлаган вақтида (бузоқдан кейин) ва кўй-эчкиларнинг кўзилаган вақтида боладан кейин тушадиган пардаси

Қипчоқ лаҗжаларининг асосий қисмида кўйларнинг қозы, шырбаз, тоқлы, тусақ, чары, пәнжи, савлық, қочқар, дәгәр, ишшәк; эчкиларнинг улақ, чибич, тувча, сәркә, тәкә каби ёш ва жинсини англатувчи, жағал, чынақ, ала, ақ-қара баш сингари ранг -тус ёки белгисини англатувчи номлари мавжуд.

Шунингдек, йилқиларнинг қулун, тай, кэлтэ тай, ғунан, дөнән, байтал, бийә, чобыр ат, ўйир ат, қырчанғы, айғыр, жыйран, торы, сәмән, шапақ, буврыл, боз, жорға, жортақы, каби жинси, хусусияти ва ёшини англатувчи номлари; туюнинг боталақ, бота, лөк, тайлақ, майа, нар, гәлә каби, қора молларнинг бузав, тана, ғунажын, навпас, сийир, буқа, тана қачты, ҳөккиз, әқийётли каби ёш, жинс ва бошқа белгиларини англатувчи номлари мавжуд.

Қипчоқ лаҗжасида қавм-қариндошлик атамаларида ҳам адабий тил билан умуумийлик ва баъзи ўзига хосликлар мавжуд.

Лаҗжада	Адабий тилда
Бөлө (бўла)	Опа-сингилдан туғилган болалар Холавачча
Чэчä, йэнгэ	Янга
Жэздэ	Почча
Тоқал	Кичик хотин
Актың	Кекса кишиларнинг кенжা боласи
Чаначқаңты Дорбақаңты	Кенжা фарзанд
Ала	Она
Бава	Отасининг акаси, амаки
Әмәки	Ака-укаларнинг болалари
Жийэн	Опа-сингил болаларининг ака-укага қариндошлиги
Бала	Ёш келинчак янги хонадонга келгандарига қадар туғилган ёш болаларни чақиришадиган атама
Қыз	Келинчаклар янги хонадонга келгандарига қадар туғилган қизларни чақириш учун ишлатиладиган атама
Өкүлата	Никоҳ пайтида ёшларга вакиллик қилган киши
Эмиклаш	Бир онани эмган болалар
Ийәрчән	Онанинг орқасидан янги уйга (янги эр уйига) эргашиб келган бола

Шунингдек, бошқа сўз ва атамаларда ҳам қипчоқ лаҗжаси билан
адабий тил ўртасидаги муносабат кўзга ташланади:

Лаҗжада	Адабий тилда
кемәкәй	Жигилдон, меъда
эрин	Лабнинг ўрта қисми
эзўв	Лабнинг икки чекаси
эриш	Нокулай, терс, чап.
чўйдә	Калланинг бўйинга орқа томондан кўшиладиган қисмининг қабартқи суяги
Бөксә	Соннинг орқа қисми
жиги	Суякларнинг туташган жойи
Чырпнымақ	қовоғини уймоқ
Жумыймақ	Кулимсирамоқ одамга нисбатан, қулогини чимирмоқ йилқига нисбатан
чэннөмәк	қовун-тарвузни намуна учун тўртбурчак қилиб кичкина кесиш
Ыйық	Икки елканинг ўртаси
қырагай	Мерган сўзининг эпитети
өнир	Чопоннинг этаги, бари
Ыргай	Ёгочнинг энг қаттиқ тури
Сыйрақ	Оёқнинг тўпиқ билан тизза орасидаги суяқ қисми
борбай	Киши оёгининг тизза билан тўпиқ орасидаги умумий қисми, болдири

Қипчоқ лаұжаси ўзига хос диалектал ибораларга ҳам бой: **бөригэ бәйләгэн улақтай**, **эрини ағарып қамақ**, **арқан дғсә атлан дәмәк**, **саныны сан**, **қольшы қол қымық**, **жоллы бомақ**, **тойған қозыдай**, **ашық ойнаған азар**, **тоб ойнаған тозар**, **хәммәдән қой бағып**, **жилигини жәгән озар**, **ат жигиттиң қанаты**, **миң қойлының**, **бир қойлыға иши түшипти**, **жақшы, кәсә ҳұт қазан-қазан сүт**, **жаман кәсә ҳұт кәрәгәдә пүт**, **жәрик бомақ**, **жығыл-жығыл жонаға жығыл**, **коләңкәсі жуқага жығыл**, **қарада көрсәм қарным тоқ**, **гәптиң жаманы қанқув**, **туссыраған қойдай**, **бозлаган ботадай**, **ийәрләгэн атдай**, **жутаған тувадақтай** ва бошқалар.

Назорат топшириқлари

1. Қипчоқ лаұжасининг лексик-стилистик қатламларини белгиланг (категория — анализ).
2. Лаұжа лексикасининг асосини қайси қатлам ташкил этади деб ўйлай-сиз? Бу фикрингизни қандай асослайсиз (категория — анализ)?
3. Қипчоқ лаұжасидаги чорвачилик атамаларининг ўзбек адабий тилидаги атамалар билан мұносабатини белгилашға ҳаракат қилинг (категория — анализ).
4. Қипчоқ лаұжасидаги қавм-қариндошлик атамаларининг ўзбек адабий тилидаги атамалар билан мұносабатини белгиланг (категория — анализ).
5. Қипчоқ лаұжасидаги чорвачилик атамалари билан ўз шевангиздеги атамалар мұносабатини белгилашға ҳаракат қилинг (категория — анализ).
6. Қипчоқ лаұжасидаги қавм-қариндошлик атамалари билан ўз шевангиздеги атамалар мұносабатини белгилаб чиқынг (категория — анализ).
7. Қипчоқ шеваларидаги баъзи сўзларнинг адабий тилдаги ифодасини қиёслаш асосида ўз хуласаларингизни баён қилинг (категория — анализ).
8. Қипчоқ лаұжасидаги диалектал ибораларни адабий тил билан қиёсланг. Мулоҳазангизни билдириң (категория — анализ).

Талағалар учун мустақил иш топшириқлари

1. Ўз шевангиздеги қавм-қариндошлик атамалари лугатларини қипчоқ лаұжаси ва адабий тил билан қиёслаб тузиб чиқынг.
2. Шевангиздеги чорвачилик атамаларининг лугатини қипчоқ лаұжаси ва адабий тил билан қиёслаб тузиб чиқынг.
3. Шевангиздеги киши тана-аъзолари озиқ-овқат, кийим-кечак лугатларини тузиб чиқынг. Қипчоқ лаұжаси ва адабий тил билан қиёсланг.
4. Тузган лугатларингиз асосида уларни бир-бири билан қиёслаб ўз мулоҳазаларингизни баён этинг.

Фойдаланиш учун адабиётлар

1. Дониёров Х. Қипчоқ диалектларининг лексикаси. Т.: «Фан», 1979.
2. Даниёров Х. Опыт изучения джекающих диалектов в сравнении с узбеким литературным языком. Т.: «Фан», 1975.
3. Ишаев А. Қорақалпогистондаги ўзбек шевалари. Т.: «Фан», 1977.
4. Тўйичибоев Б., Қашқирли Қ. Туганмас бойликлар булоғи. Т.: «Ўқи-түвчи», 1991.

8-МАВЗУ. ЎҒУЗ ЛАҲЖАСИ

Асосий саволлар:

1. Ўғуз лаҳжасининг фонетик хусусиятлари.
2. Ўғуз лаҳжасининг лексикаси.
3. Ўғуз лаҳжасининг морфологик хусусиятлари.

Таянч тушунча ва иборалар:

Жанубий Хоразм, Урганч — Хива гуруҳ шевалари, Ҳазорасп — Янгиарик гуруҳ шевалари, унлилардаги чўзиқлик, бирламчи чўзиқлик, иккиламчи чўзиқлик, Ўғуз шеваларида қисқа чўзиқ унли, Ўғуз шеваларининг фонетик хусусияти, морфологик белгилари, шевада сифат ва миқдор жиҳатдан фарқланувчи фонемалар. Ўғуз лаҳжасининг лексик хусусиятлари, Ўғуз лаҳжасидаги сўзларнинг ўз шевандизга муносабати, адабий тилга муносабати.

1- асосий савол бўйича ўқитувчининг мақсади: Ўғуз гуруҳ шевалар ҳақида маълумот бериш уларнинг фонетик хусусиятларини шарҳлаш. Бошқа лаҳжалар ва ўзбек адабий тили билан ўғуз лаҳжасининг муносабатини белгилаш.

ИДЕНТИВ ЎҚУВ МАҚСАДЛАРИ

- 1.1. Ўғуз гуруҳ шевалари ва ўрганилиш тарихи ҳақида маълумот беради.
- 1.2. Ўғуз гуруҳ шеваларининг унлилар тизимини шарҳлайди.
- 1.3. Ўғуз гуруҳ шеваларининг ундошлар тизимини изоҳлайди.
- 1.4. Ўғуз гуруҳ шеваларининг фонетик жиҳатдан бошқа гуруҳ шеваларга нисбатан муносабатини белгилайди.
- 1.5. Ўғуз гуруҳ шеваларининг фонетик жиҳатдан ўзбек адабий тили билан муносабатини белгилайди.

1-асосий саволининг баёни:

Ўғуз лаҳжасини жуда кўп олимлар ўрганган. Чунончи, Фози Олим Юнусов, («Ўзбек лаҳжаларининг таснифида бир тажриба» 1936), Е.Д. Поливанов («Шовот район, Қиёт — Қўнғирот қишлоғи шеваси»), А.К. Боровков, кейинчалик Аҳмад Ишаев («Ўзбек тили манғит шевасининг фонетик хусусиятлари»), Юсуф Жуманазаров («Ҳазорасп шевасининг морфологик хусусиятлари»), Эрка Ўрозов («Жанубий Қорақалпоғистон ўзбек шевалари»), Фаттоҳ Абдуллаев («Ўзбек тилининг ўғуз лаҳжаси») ва бошқалар мазкур лаҳжакни маҳсус тадқиқ этдилар.

Жанубий Хоразмнинг Урганч, Ҳазорасп, Ҳонқа, Хива, Бофот, Шовот, Қўшкўпир, Янгиариқ туманларида, Туркманистоннинг Тошовуз вилоятининг бир қисмида, Туркистоннинг Қарнок, Иқон, Сайрам, Қорабулоқ, Ибота қишлоқ аҳолиси ўғуз лаҳжасида сўзлашадилар. Албатта ҳудудий жиҳатдан бўлган фарқ маълум даражада ўз таъсирини кўрсатиши мумкин. Шунинг учун гарчи улар Ўғуз гуруҳ лаҳжасини ташкил этса-да, баъзан бу шеваларда қисман тафовутларнинг ҳам бўлиши табиий бир ҳолат. Аммо мазкур гуруҳ лаҳжаларда шубҳасиз умумийлик мавжуд.

Урганч — Хива гуруҳ шеваларда унли товушлар ўнта: **и, ՚, ы, ў, у, о, ө, е, ә, (ә), а**. Бу лаҳжада ҳудди эски ўзбек тили ва қипчоқ лаҳжасидаги каби «и»(тил олди) ва «ы» (тил орқа), «ў» (тил олди) ва «у» (тил орқа), «Ө» (тил олди) ва «О» (тил орқа) унлилари мустақил фонема. Бироқ Туркистон ҳудудидаги ўғуз лаҳжасида, яъни шимолий ўзбек шеваларида унлилар сони **9** та. Бу шеваларда қисқа ՚ фонема сифатида мавжуд эмас.

Ўғуз лаҳжасида бирламчи чўзиқ унлилар мавжуд. Бу хусусият уларни қипчоқ ва қорлуқ гуруҳ лаҳжаларидан фарқлади. Айни пайтда ўзбек адабий тилидан ҳам шу жиҳатдан фарқланади. Чимкент вилоятига тарқалган ўғуз шеваларида ҳам бирламчи чўзиқ унлилар мавжуд. Бу ҳудуд лаҳжасида **9** та қисқа унлиларга яна шунча чўзиқ унлилар кўшилиб, унли фонемаларнинг миқдорини **18** тага етказади: **а:, ә:, ү:, ө:, е:, ы, ў:, у:, ө:, о:**

А: а:fa, ба:ла, ба:зар, а:даш, а:я (ойи).

Е: е:шъ (дугона), е:рынчэк (эринчоқ), тe:rək.

U: ти:зә, ти:ш, и:c, ти:рък

ЫI: (ъ) қъиз, қъайн (қин), йақъыйн.

Ў: тў:б, тў:н, тў:ш.

Ү: ту:з, ту:t, у:ч

Ө: е:т, тө:р, бө:бәк.

О: о:т (олов), то:фай, қо:й

Хоразм ўғуз шеваларидә қисқа ва чўзиқ унлилар миқдори ўн еттита. Бу гурӯҳ ўғуз шеваларда чўзиқлик асосан от категориясидаги сўзларда (кенг маънода) учрайди, феъл туркумидаги сўзларда унинг тарқалиши жуда чекланган. Ҳатто чўзиқликка эга бўлган отдан феъл ясалганда ҳам унлиларнинг чўзиқлиги заифлашади ва оддий чўзиқликдаги унлига тенг бўлиб қолади: **ат – а:т, от – о:т, өт – ө:т** каби.

Иккиласми чўзиқлик ўз характеристи ва қўлланиш чегарасига кўра, бошқа ўзбек шеваларидан кескин фарқланмайди. Бундай чўзиқлик одатда турли товуш жараёнлари баъзи товуш ёки бирор бўғиннинг тушиши натижасида шаклланади:

[Р] тушади: **ба:дъм, бе:дъ, то:т**

[Л] тушади: **а:дъ, бо:дъ, қа:дъ**

[Й] тушади: **е:т (ейт), тў:мэ**

[Г] тушади: **би:з, ти:дъ, и:н (эгин)**

[К][К] тушади: **ай:, азу: еллу:**

Ўрта кенгликдаги унлилар олдидан протетик тор унлиниң орттирилиши ҳодисаси ўғуз гурӯҳ шеваларida қайд этилмайди. Бу ҳодиса (дифтонглашиш ҳодисаси) фақат қипчоқ лаҳжасида турли даражада намоён бўлади.

Ўғуз лаҳжасида **қ, ф, х** ундошлари чуқур тил орқасида эмас, тилниң орқа қисмида талаффуз этилади. **К, Г** ундошлари одатдагидан юмшоқроқ товушлар бўлиб, тилниң ўрта қисмида пайдо бўлади. **Г** ундоши нутқда баъзан **Й** ундоши билан ҳам алмашиниб туради. Сўз бошида келган жарангиз **К** ундоши ўғуз лаҳжасида жарангли **Г** ундоши билан алмашиниб қўлланилади: **кел – гәл, көз – гөз** каби. Сўз бошида келган жарангиз **Т** ундоши ўғуз лаҳжасида жарангли **Д** ундоши билан алмашинади: **тәмир – дәмір, төрт – дөрт** каби.

Ўғуз лаҳжасида **Н** бурун товуши қипчоқ лаҳжасидаги **Н** товушига нисбатан тил орқароқ: **мәннән гетть, сана йетть; Айтын, бу йа:р съзэ къмләдән қаған?** (Хива)

Ўғуз лаҳжаси ҳам қипчоқ лаҳжаси каби **о ҳ а н г д о ш л и к** (сингармонизм)нинг ҳар уч қонуниятига амал қиласи. Хусусан товушлардаги тил орқалик ва тил олдилик, ундошлардаги жаранглилик ва жарангизлик нутқда ўз ифодасини топади: **Ду:з сорамақа дъл, сиркә сорамақа усул гәрәк** (Хива). **Хўнәлль қул өлъичә харолмас** (*Мақол*).

Тагни арасыдағы булақлардын муздак сув чъхып йатъитъ. Дийэнъ ултъель көпърни ўстиндә тайақ йейдъ/йыйдъ (Урганч).

Назорат топшириқлари

1. Ўғуз лаҳжасининг ўрганилиши ҳақида қисқача маълумот беринг (категория — билиш).
2. Ўғуз гуруҳ лаҳжаларга қайси шеваларни киритиш мумкинligини изоҳланг (категория — билиш).
3. Урганч — Хива гуруҳ шевалардаги унлиларни шарҳланг. Унинг бошқа гуруҳ шевалар ва ўзбек адабий тилга муносабатини белгиланг (категория — билиш).
4. Чимкент вилоятига тарқалган ўғуз лаҳжасининг унлилар тизимини бошқа гуруҳ шевалар ва ўзбек адабий тили билан қиёсан изоҳланг (категория — билиш).
5. Ўғуз лаҳжасидаги бирламчи чўзиқлик ҳақида тушунча беришга ҳаракат қилинг. Бошқа шевалар билан қиёсланг (категория — билиш).
6. Иккиласмчи чўзиқлик ҳақида фикрингизни билдиринг (категория — билиш).
7. Ўғуз лаҳжасининг ундошлар тизимини шарҳланг. Бошқа лаҳжалар ва адабий тилга уларнинг муносабатини белгиланг (категория — билиш).
8. Оҳангдошлиқ қонуниятининг ўғуз лаҳжасига муносабатини белгиланг (категория — билиш).

ТЕСТЛАР:

1. Бирламчи чўзиқлик қайси гуруҳ лаҳжага хос?
 - A. Қипчоқ гуруҳ лаҳжага.
 - B. Ўғуз гуруҳ лаҳжага.
 - C. Қорлуқ гуруҳ лаҳжага.
 - D. Қипчоқ ва қорлуққа.
 - E. Ўғуз, қипчоқ, қорлуққа.
2. Хоразм ўғуз шеваларидаги қисқа ва чўзиқ унлилар миқдори қанча?
 - A. 17.
 - B. 16.
 - C. 14.
 - D. 9.
 - E. 10.
3. Чимкент вилоятига тарқалган ўғуз шеваларидаги қисқа ва чўзиқ унлиларнинг жами миқдори қанча?
 - A. 16.
 - B. 17.
 - C. 18.
 - D. 10.
 - E. 12 (категория — билиш).

2-асосий савол бўйича ўқитувчининг мақсади: Ўғуз лаҳжасидаги баъзи сўзларни шарҳлаш. Мазкур лаҳжадаги айрим ибора ва мақоллар билан талабаларни таништириш.

ИДЕНТИВ ЎҚУВ МАҚСАДЛАРИ

- 2.1. Талабаларни ўғуз лаҳжасидаги айрим сўзлар билан таништиради.
- 2.2. Лаҳжадаги айрим ибора ва мақолларни изоҳлади.

2.3. Ўғуз лаҳжасидаги баъзи сўз, ибора, мақоллар билан талабаларни танишириш орқали уларнинг нутқ бойлигини оширишга ҳаракат қиласиди.

2-асосий саволининг баёни:

Сўз албатта тилнинг ойнаси. Шу сабабли лаҳжаларда ҳам ўзаро ва адабий тилдан фарқ қилувчи сўзлар анчагина учрайди. Чунончи, Хоразм шеваларида зэнгъ (нарвон) сўзи Чимкент вилоятидаги ўғуз шеваларида ўзенгъ шаклида ишлатилади. Қорлуқ гурӯҳ шевалардаги ўхшамоқ - ўхшаш – ўхшамоқ сўзи ўрнида ўғуз лаҳжасининг ҳар икки тармоғида мәнзәш (мәнзәмәк) сўзи ишлатилади.

«Деворнинг тагидан сув ўтадиган жойни, тешикни» Хоразм ўғуз шеваларида тоқытқа деб атайди. Пойламоқ, яширин кулоқ солмоқ, тикилиб қараб турмоқ маъносида мазкур шеваларда андымоқ сўзи қўлланилади: андаб йўргән достын, ачъқ қәген йав йаҳшъ Кела:га йанташма ҳазаръе йа:на, йолында мын чи: вин андъб йатыпгъ.

Канал, анҳор маъносида Хоразм ўғуз лаҳжасида арна сўзи ишлатилади.

Ўғуз лаҳжасида	Ўзбек адабий тилида
Анзы	Буғдойпоя
Атъз	Экин майдони
Әрън	Лаб
Езу	Икки лабнинг туташган жойи
Арығ	Тоза
Асығ (а: сый)	Фойда
Қомча	Кигиз тўқим
Қепчък	Эгар ёстиғи
Бөгемәк	Бўғмоқ, банд қилмоқ
Бөгәт	Дамба
Қув	Оққуш
Синир	Пай, томир
Сақақ	Бағбақа
Тота йол	Тўғри йўл
Көшкін	Тоғ тоши
Кәвәш	Хурма, кувача
Қоваш	Тарнов
Көкәй	Хотира, ёд
Кәмирчек	Тофай
Савалақ	Тутун чиқмаслиги учун ўчоқ оғзига тиқиладиган латта

Чымчық қарыса, сақақлары көлтә болур.
Тәнгъын тапсан, тэкъ бәр.
Йахшы қыйзлар той дәгәндә шайланар,
Йаман қыйзлар күм көвәштын айланар.
О:тъннъ чапқанға йақтър,
Маллий тапқанға бақтър.
Қарағай бо:йъ қар йавса, чьдамайды савусқан,
Қанльқ көйнәк кийгендә, чьдамайды тувшқан.
Қайерын отынъ отласан, шу йеръын сувъынъ сувлайса
Атаннүн а:тънъ, вәтэнън ҳа:рънъ сақла.
Көпкә турпақ чачыб йўрмә, көр боласа.
Ананнъ ха:р етсән, ө:зин за:р боласа.
Су: былән ойнама – батарса, о:т былән ойнама – йанарса.
Ел а:ғасыс, тон йа:қасыс болмайды.
Аврув батманлап көләдь, мъскаллап кетәдь.
Йамғыр былән йер көкәрәр.
Ме:нәт былән ел көкәрәр.
Мәшкәйльн ө:зь тойсайәм, кө:зь тоймас.
Қайтып кәләр ешығыннъ қаттық йапма.
Атадашын ать озғынчай, авълдашын та:йъ оссу.
Тўйэнън, кәттәс көпър ўстъндә тайақ йер.
Кыйгъес къмынкъ болса, быләк шунькә.
Кыйгъес сассан, қошина сат,
бър четырдә ө:зън отъраса.

Назорат топшириқлари

1. Ўғуз лаҗжасидаги баъзи сўзларни ўз шевангиздаги сўзлар билан қиёслаш асосида уларнин ўзаро муносабатини англашга ҳаракат қилинг (категория — идрок).
2. Ўғуз лаҗжасидаги айрим сўзларни адабий тил билан қиёсланг. Ушбу ўйналишда уларнинг муносабатини белгиланг (категория — идрок).
3. Ўғуз лаҗжасидаги баъзи ибора ва мақолларни ўз шевангиздаги ибора ва мақоллар билан қиёсан изоҳлашга ҳаракат қилиб кўринг (категория — идрок).
4. Ўғуз лаҗжасидан айрим ибора ва мақолларни унинг адабий тилдаги вариантлари билан қиёсан шарҳланг (категория — идрок).
5. Ўғуз лаҗжасидаги сўзлар, иборалар, мақолларнинг нутқингизни ва адабий тилни бойитиши ҳақида фикрни айтган бўлардингиз?

3-асосий савол бўйича ўқитувчи мақсади: Ўғуз лаҗжасидаги баъзи грамматик кўрсаткичларнинг ўзига хос жиҳатларини шарҳлаш. Уларнинг бошқа шеваларга ва ўзбек адабий тилига муносабатини белгилаш.

ИДЕНТИВ ЎҔУВ МАҚСАДЛАРИ

- 3.1. Ўғуз лаҳжасидаги исмларнинг ўзига хослигини изоҳлайди.
- 3.2. Ўғуз лаҳжасидаги исмларнинг маъносини баъзи шеваларга муносабатини белгилайди.
- 3.3. Уларнинг ўзбек адабий тилига муносабатини аниқлайди.
- 3.4. Ўғуз лаҳжасидаги феълларнинг ўзига хос жиҳатларини шарҳлайди.
- 3.5. Уларни баъзи шевалар билан қиёслайди. Муносабатини белгилайди.
- 3.6. Лаҳжадаги феълларнинг адабий тилдаги шаклларга муносабатини кўрсатади.

3-асосий саволнииг баёни:

Кўплик шаклидаги отнинг келишиклар билан турланиши

Келишиклар	Хоразм ўғуз шеваларида	Шимолий ўғуз шеваларида	Ўзбек адабий тилида
Бош	Тўйәлә, атлар	Тўйәләр, атлар	Туялар, отлар
Қаратқич	Тўйәләни, атланы	Тўйәләрин, атларын	Туяларнинг, отларнинг
Тушум	Тўйәләни, атланы	Тўйәләрни, атларны	Туяларни, отларни
Жўналиш	Тўйәләра, атлара	Тўйәләрга, атларга	Туяларга, отларга
Ўрин-пайт	Тўйәләрдә, атлада	Тўйәләрдә, атларда	Туяларда, отларда
Чиқиш	Тўйәләдән, атладан	Тўйәләрдин, атлардан	Туялардан, отлардан

Эгалик кўрсаткичлари

шахс	Ўғуз лаҳжасида		Адабий тилда	
	Бирлик	Кўплик	Бирлик	Кўплик
I	-м, -м/-ым а:ды-ғ, атам, сө:зим	-мис/мыс, -имис/ -ымис, -мис/-мыс, сө:з-имис а:дымыс, атамыс	-м, -им сўзим, отам	- миз, -имиз сўзимиз отамиз
II	-н, -ин/ын, атан, сө:зин а:д — ын	-нис/ -ныс, -инис/-ыныс атаныс, сө:зинис а:даныс	-нг, -инг отанг, отинг, сўзинг	-нгиз, -ингиз отангиз отингиз сўзингиз
III	-и, -ы, -си/ атасы, сы сө:зи, а:ды, тўйэси	-ы (лары), - и (лэри) -си (лэри) -сы (лары) сө:з -и (лэри) а:д -ы(лары)	-и, -си сўзи туяси	Лари Сўзлари Отлари

Кўплик ва эгалик қўшимчаларини олган отларнинг келишик қўшимчаларини олиши лаҳжада шундай тартибда бўлади:

Келишиклар	Хоразм ўғуз шеваларида	Шимолий ўғуз шеваларида	Ўзбек адабий тилида
Б.к.	Тўйәләрим Балаларым	Тўйәләрим Балаларым	Туяларим Болаларим
Қ.к.	Тўйәләримни Балаларымны	Тўйәләримин Балаларымын	Туяларимнинг Болаларимнинг
Т.к.	Тўйәләримнъ Балаларымнъ	Тўйәләримнъ Балаларымны	Туяларимни Болаларимни
Ж.к.	Тўйәләримә Балаларыма	Тўйәләримә Балаларыма	Туяларимга Болаларимга
Ў-п.к.	Тўйәләримдә Балаларымда	Тўйәләримдә Балаларымда	Туяларимда Болаларимда
Ч.к.	Тўйәләримнән Балаларимнан	Тўйәләримдин Балаларымдын	Туяларимдан Болаларимдан

Келишик кўрсаткичлари

Келишиклар	Хоразм ўғуз лаҳжасида	Шимолий ўғуз лаҳжасида	Ўзбек адабий тилида
Б.к.			
Қ.к.	-ни, -ны	-ин/-ын, -нин,/-нын; -ны,-ни	-нинг
Т.к.	-ни/ -ны	-ни/ -ны	-ни
Ж.к.	-гә/-ға, -қә/-қа, -ә/-а, -нә/-на	-гә/-ға/-қә/-қа,-ә, -а -нә/-на	- га, -қа, -ка
Ў-п.к.	-дә, -да	-дә, -да,-тә,-та	-да
Ч.к.	-дән, -дан	-дин/-дын, -тин/-тын	-дан

Кишилик олмошларини қўллашда икки гурӯҳ ўғуз шеваларида асосан фонетик тафовут мавжуд: мән, сән, ул/у, биз/ бизәр – бизләр, сиз- силәр- силләр – улар – улалар.

Ўғуз лаҳжасида саноқ сонлар бир, әки/ә:ки, икки, ўш, төрг – тәт, бәш, алты, йәти/ йәтти, сәkkис, әлиг/ әлли шаклида қўлланилади.

Ўғуз лаҳжасидаги ёрдамчи сўзлар ҳам ўзаро умумийлик касб этади. Чунончи, кўмакчиларни қиёслаб кўрайлик:

Хоразм ўғуз шеваларида	Шимолий ўғуз шеваларида
Билә/вилән, арқалы, қарап, учин, қарағанда, йараша, сайын, әввәл, дәпә, доғры, ўст, аст, көрә/ғөрә, йан (томон), илгәри, сон, бәри, ба:на, әлд, орта, арқа, ара, башқа, и:ч, дәш, тәй, ҳақ, доғры, дәпә.	Билән/минән, арқалы, қарап, учин, қарағанда, йараша, сайын, әввәл, тәпә, тоғры, ўст, аст, көрә, таман, сайын, илгәри, бәри, алд, орта, арқа, ара башқа, и:ч, та:ш (та:шыда), тәг, ҳақ, тоғры, тәпә

Иккала гурух ўғуз шеваларидა ҳам феълнинг ноаниқ шакли **-мақ/-мәқ** қўшимчаси ёрдамида ясалади. Бироқ Хоразм ўғуз шеваларидан бу шакл аксарият иш оти ҳукмидан кўпроқ қўлланилади.

Масалан **қонши қоншидан е:р турмақны ёрїннити** (*Maқol*). Аммо Чимкент вилоятига тарқалган ўғуз шеваларидан бундай ҳолатда аксарият **-в/-ув, -в/-ув** қўшимчасини олган шакл ишлатилади: **қойларны далаға аппарув кәрәк. Бийдәйни суварув вақты ётти.**

Феълнинг буйруқ-истак шакли

Шахс	Хоразм ўғуз шеваларидан		Шимолий ўғуз шеваларидан		Ўзбек адабий тилида	
	Бирлик	Кўплик	Бирлик	Кўплик	Бирлик	Кўплик
I	Мән барийн Мән гәлийн	Бизлә баралы Бизлә гәләли	Мән барайы Мән кәләйи	Биз әр барай- нуқ Кәләйнүқ	Борай Келай	Борайлик Келайлик
II	Сән бар Сән гәл	Сизлә барынла Сизлә гәлинлә	Сән бар Сән кә	Силәр бар- ыннар Силәр кәлин- нәр/кән нәр	Бор Кел	Боринглар Келинглар
III	Ху барсын Ху гәсин	Хула барсылла Хула гәлсилла	У барсу У (ул)кәсү	Улар//улалар барсу// Барсуннар улар кәсү// Кәсүннәр	У борсин У келсин	Улар борсин Улар келсин

Ўғуз гурух шеваларда буйруқ-истак феълининг бўлишсизлик шаклида қисман ўзаро тафовут кўзга ташланади:

Шахс	Хоразм ўғуз шеваларидан		Шимолий ўғуз шеваларидан		Ўзбек адабий тилида	
	Бирлик	Кўплик	Бирлик	Кўплик	Бирлик	Кўплик
I	Мән бармайын Мән гәлмәгәйин	Бизлә бармайлы Бизлә гәлмәгәйли	Мән бармайнуқ Мән кәлмәйнүқ	Бизэр бар майнуқ Бизэр кәмәйнүқ	Мән бормай Мән кәлмай	Биз бормайлик Биз келмайлик
II	Сән барма Сән гәлмә	Сизлә бармайыз Сизлә гәлмәгәйиз	Сән барма Сән кәмэ/ кәлмә	Силәр барманнар Силәр кәмәннәр	Сен борма Сен келма	Борманглар Келманглар
III	Ху бармасын Ху гәлмә син	Хула бармайла Хула гәлмәгәйлә	У/ул бармасу У/ул кәмэсу	Улар//улалар бармасу инар Улар//улалар кәмәсиги(иңнәр)	Бормасин- син Келма- син	Бормасин- лар Келмасин- лар

Ўтган замон феъл шакллари

Шахс	Хоразм ўғуз шеваларыда		Шимолий ўғуз шеваларыда		Ўзбек адабий тилида	
	Бирлик	Кўплик	Бирлик	Кўплик	Бирлик	Кўплик
I	Мән гәлдим Мән бордым	Бизлә гәлдик Бизлә бардық	Мән кәдим Мән барым	Бизәр кәлүк Бизәр байдық бардық	Келдим Бордим	Келдик Бордик
II	Сэн бардың	Бизлә бардыңла	Сэн ба:дың	Силэр бардыңнар	Бординг	Борди- ларинг
III	Ху барды	Хула барды/ бардыла	У/ул Ба:ды	Улар ба:ды/ Ба:ди(лар)	Борди	Бордилар

Ўғуз лаҗжаларининг ҳар икки гурӯҳида тарихий ўтган замон шакли феъл негизига **-ған**, **-ғен**, **-қан**, **-қән** шахс-сон қўшимчасини қўшиш йўли (**мән барғамман**, **мән барғамма**, **бизлә барғаммыс**, **биз әр барғаммыс** шаклида) билан ҳосил қилинади. Узоқ ўтган замон, ўтган замон ҳикоя феълларининг ясалишида бошқа лаҗжалардан ва ўзбек адабий тилидан деярли фарқ йўқ дейиш мумкин. Шунингдек ҳозирги замон феъл шаклларида ҳам умумийлик мавжуд.

Келаси замон феъл шаклларининг ясалишида Хоразм ўғуз шевалари Чимкент вилоятидаги ўғуз шеваларидан фарқланади. Чунончи, Хоразм ўғуз шеваларыда келаси замон феъли «**феъл негизи**»+«**жақ+шахс-сон**» тарзида ҳосил қилинади: **гәл+әжәқ+мән**, **бар+ажақ+сан** каби.

Келаси замон гумон феъли ўғуз лаҗласида қуйидагича ясалади:

Шахс	Хоразм ўғуз шеваларыда		Шимолий ўғуз шеваларыда	
	Бирлик	Кўплик	Бирлик	Кўплик
I	Мән барасым гәлди	Бизлә барасы - мыз гәлди	Мән барғым кәди	Бизәр барғы- мыз кәди
II	Сән барасың гәлди	Сизлә бара- сыныз гәлди	Сән барғын, кәди	Сизәр барғыныз кәди
III	Ху барасы гәлди	Хула барасы- лары гәлди	Улар барғы - сы кәди	Улар барғы- сы кәди

Назорат топшириқлари

1. Ўғуз лаҗласидаги отнинг келишиклар билан турланишини шарҳланг. Хоразм ўғуз шевалари билан Шимолий ўғуз шеваларининг муносабатини белгиланг. Ўзбек адабий тилига қиёсланг (категория — анализ).

2. Эгалик кўрсаткичини изоҳланг. Адабий тил билан лаҳжа муносабатини кўрсатишга ҳаракат қилинг (категория — анализ).
3. Кўплик ва эгалик қўшимчаларини олган отларнинг келишик қўшимчаларнинг олиш тартибини шарҳланг. Адабий тил билан қиёсланг (категория — анализ).
4. Ўғуз лаҳжасидаги келишик кўрсаткичларини таҳлил қилинг. Адабий тил билан солиширинг (категория — анализ).
5. Ўғуз лаҳжасидаги олмош ва сонларнинг ўзига хос жиҳатларини кўрсатинг (категория — анализ).
6. Хоразм ўғуз ва шимолий ўғуз шеваларидаги кўмакчиларни ўзаро қиёсан шарҳланг (категория — анализ).
7. Шимолий ва Хоразм ўғуз шеваларидаги феълнинг буйруқ истак майлини адабий тил билан қиёсан изоҳланг (категория — анализ).
8. Буйруқ - истак феълининг бўлишсизлик шаклини қиёсан таҳлил этинг (категория — анализ).
9. Лаҳжадаги ўтган замон феъл шакларини адабий тил билан қиёсан шарҳланг (категория — анализ).
10. Ўғуз лаҳжасидаги келаси замон гумон феълини изоҳланг (категория — анализ).

Талабалар учун мустақил топшириқлар

1. Ўз шевангиздан манба тўпланг. Иикқан манбайнингизнинг фонетик хусусиятини шарҳланг. Уни шу жиҳатдан ўғуз лаҳжаси билан қиёсланг.
2. Ўз шевангиздан тўплаган сўзларни ўғуз лаҳжасидаги сўзлар билан қиёсланг. Хулосаларингизни баён этинг.
3. Иикқан мақол, ибораларингизни ўғуз лаҳжасидаги мақол ва иборалар билан солишириб кўринг, фикрингизни билдиринг.
4. Ўзингиз тўплаган манбаларнинг грамматик хусусиятларини изоҳланг. Ўғиз лаҳжасининг грамматик жиҳатлари билан солишириб кўринг.

Фойдаланиш учун адабиётлар

1. *Абдуллаев Ф.А.* Ўзбек тилининг ўғуз лаҳжаси. Т.: «Фан», 1978.
2. *Жуманазаров Ю.* Ҳазорасп шевасининг морфологик хусусиятлари. Тошкент, 1961.
3. *Ишаев А.* Қорақалпоғистондаги ўзбек шевалари. Т.: «Фан», 1977.

МУНДАРИЖА

<i>1-мавзу.</i> Диалектология фани, унинг мақсади ва вазифалари	3
<i>2- мавзу.</i> Лингвистик география методи	12
<i>3-мавзу.</i> Туркий тиллар. Ўзбек халқ шеваларининг таснифи масалалари	25
<i>4-мавзу.</i> Қорлуқ лаҳжаси	43
<i>5-мавзу.</i> Қипчоқ лаҳжаси ва унинг фонетик хусусиятлари	62
<i>6-мавзу.</i> Қипчоқ лаҳжасининг марфологик хусусиятлари	79
<i>7-мавзу.</i> Қипчоқ лаҳжаси лексикаси	88
<i>8-мавзу.</i> Ўғуз лаҳжаси	99

ЎЗБЕК
ДИАЛЕКТОЛОГИЯСИ

Ўзбек тилида

A. Қодирий номидаги ҳалқ мероси нашриёти, 2004

Нашр учун мастьул *Н.А. Халилов*
Мұхаррир *Илжом Зойиров*
Бадий мұхаррир *Темур Сабдулла*
Тех. мұхаррир *Валентин Веремеюк*
Мусаҳих *Зиёда Каримова*

ИБ № 502

Босишга рухсат этилди 20.04.04 й. Бичими 60x84 1/16. Шартли босма табоби 7,5.
Нашр табоби 7,0. Адади 1500 нусхада. Баҳоси шартнома асосида. Буюртма № А-5524.

Абдулла Қодирий номидаги ҳалқ мероси нашриёти, Тошкент—129, Навоий кўчаси,
30-уй. Шартнома №56-03

Ўзбекистон Матбуот ва ахборот агентлигининг Тошкент матбаа комбинатида чоп
этилди. Тошкент, 700129, Навоий кўчаси, 30-уй.